



PARLAMENT DE CATALUNYA

**Lei organica 6/2006, de 19 de junhsèga, de reforma der
Estatut d'autonomia de Catalonha**

PREAMBUL

Catalonha s'a anat hènt ath long deth temps damb es aportacions d'energies de moltes generacions, de moltes tradicions e cultures, que i an trapat ua tèrra d'acuelhuda.

Eth pòble de Catalonha a mantengut ath long des sègles ua vocacion constanta d'autogovèrn, encarnada en institucions pròpies coma era Generalitat –que siguec creada en 1359 enes Corts de Cervèra– e en un ordenament juridic especific, remassat, entre d'aites recopilacions de normes, enes Constitucions e d'aiti drets de Catalonha. Despús deth 1714, an estat diuèrsi es assagi de recuperacion des institucions d'autogovèrn. En aquest itinerari istoric constituïssen hites destacades, entre d'aites, era Mancomunitat de 1914, era recuperacion dera Generalitat damb er Estatut de 1932, eth restabliment dera Generalitat en 1977 e er Estatut de 1979, neishut damb era democràcia, era Constitucion de 1978 e er Estat des autonomies.

Era libertat collectiva de Catalonha tròbe enes institucions dera Generalitat eth nèxe damb ua istòria d'afirmacion e respècte des drets fundamentaus e des libertats publiques dera persona e des pòbles; ua istòria qu'es hemnes e es òmes de Catalonha vòlen prosseguir damb era finalitat de hèr possibla era bastida d'ua societat democratica e auançada, de benèster e progrès, solidària damb eth conjunt d'Espanha e incardinada a Euròpa.

Eth pòble catalan contunhe proclamant aué coma valors superiors dera sua vida collectiva era libertat, era justícia e era igualtat, e manifèste era sua volentat d'auançar per ua via de progrès, qu'assegure ua qualitat de vida digna entà toti es que viuen e trebalhen en Catalonha.

Es poders publics son ath servici der interès generau e des drets dera ciutadania, damb respècte peth principi dera subsidiarietat.

Ei per tot açò que, en tot seguir er esperit deth preambul der Estatut de 1979, aquest Estatut assumís que:



PARLAMENT DE CATALUNYA

- Catalonha ei un país arric en territòris e gents, ua diuersitat que la definís e la enriquis des de hè sègles e la enhortís entàs tempsi a vier.
- Catalonha ei ua comunitat de persones liures entà persones liures a on cadun pòt viuer e expressar identitats diuerses, damb un decidit comprimís comunitari basat en respècte pera dignitat de cadua des persones.
- Era aportacion de toti es ciutadans e ciutadanes a configurat ua societat integradora, damb er esfòrç coma valor e damb capacitat innovadora e emprenedora, uns valors que contunhen impulsant-ne eth progrès.
- Er autogovèrn de Catalonha se fundamente ena Constitucion, e tanben enes drets istorics deth pòble catalan, que, en encastre d'aquera, dan origen en aquest Estatut ath reconeishement d'ua posicion singulara dera Generalitat. Catalonha vò desvolopar era sua personalitat politica en encastre d'un estat que reconeish e respècte era diuersitat d'identitats des pòbles d'Espanha.
- Era tradicion civica e associativa de Catalonha a soslinhat tostemp era importància dera lengua e era cultura catalanes, des drets e es déuers, deth saber, dera formacion, dera coesion sociiau, deth desvolopament sostenible e dera igualtat de drets, e aué, especiaument, dera igualtat entre hemnes e òmes.
- Catalonha, per miei der Estat, participe ena bastida deth projècte politic dera Union Europèa, es valors e es objectius dera quau compartís.
- Catalonha, des dera sua tradicion umanista, refortilhe eth sòn comprimís damb toti es pòbles entà bastir un orde mondiau pacific e just.

Eth Parlament de Catalonha, en tot recuèlher eth sentiment e era volentat dera ciutadania de Catalonha, a definit Catalonha coma nacion d'ua manèra àmpliament majoritària. Era Constitucion espanhòla, en article dusau, reconeish era realitat nacionau de Catalonha coma nacionalitat.

En exercici deth dret inalienable de Catalonha ar autogovèrn, es parlamentaris catalans prepausen, era Comission Constitucionau deth Congrès des Deputats acòrde, es Corts Generaus apròven e eth pòble de Catalonha ratifique aquest Estatut.



PARLAMENT DE CATALUNYA

TÍTOL PRELIMINAR

ARTICLE 1. CATALONHA

Catalonha, coma nacionalitat, exercís eth sòn autogovèrn constituïda en *comunitat* autonòma cossent damb era Constitucion e damb aquest Estatut, qu'ei era sua norma institucionau basica.

ARTICLE 2. ERA GENERALITAT

1. Era Generalitat ei eth sistèma institucionau en quau s'organize politicament er autogovèrn de Catalonha.
2. Era Generalitat ei compausada peth Parlament, era Presidència dera Generalitat, eth Govèrn e es autes institucions qu'establís eth capítol V deth títol II.
3. Es municipis, es vegueries, es comarques e es auti ens locaux qu'es leis determinen intègren tanben eth sistèma institucionau dera Generalitat, coma ens enes quaus aquesta s'organize territoriaument, sense prejudici dera sua autonomia.
4. Es poders dera Generalitat emanen deth pòble de Catalonha e s'exercissen cossent damb çò qu'establissen aquest Estatut e era Constitucion.

ARTICLE 3. MARC POLITIC

1. Es relacions dera Generalitat damb er Estat se fundamenten en principi dera leiautat institucionau mutuau e se regissen peth principi generau segontes eth quau era Generalitat ei Estat, peth principi d'autonomia, peth de bilateralitat e peth de multilateralitat.
2. Catalonha a en Estat espanhòu e ena Union Europèa eth sòn espaci politic e geografic de referéncia e incorpòre es valors, es principis e es obligacions que deriven deth hèt de formar-ne part.



PARLAMENT DE CATALUNYA

ARTICLE 4. DRETS E PRINCIPIS RECTORS

1. Es poders publics de Catalonha an de promòir eth plen exercici des libertats e es drets que reconeishen aquest Estatut, era Constitucion, era Union Europèa, era Declaracion universau de drets umans, eth Convèni europèu entara proteccion des drets umans e es auti tractats e convènis internacionaus soscrits per Espanha que reconeishen e garantisen es drets e es libertats fundamentaus.

2. Es poders publics de Catalonha an de promòir es condicions entà qu'era libertat e era igualtat des individus e des grups siguen reaus e efectives; an de facilitar era participacion de totes es persones ena vida politica, economica, culturau e sociu, e an de reconéisher eth dret des pòbles a conservar e desvolopar era sua identitat.

3. Es poders publics de Catalonha an de promòir es valors dera libertat, era democràcia, era igualtat, eth pluralisme, era patz, era justícia, era solidaritat, era coesion sociu, era equitat de genre e eth desvolopament sostenible.

ARTICLE 5. ES DRETS ISTORICS

Er autogovèrn de Catalonha se fundamente tanben enes drets istorics deth pòble catalan, enes sues institucions seculares e ena tradicion juridica catalana, qu'aquest Estatut incorpòre e actualize ara empara der article 2, era disposicion transitoria dusau e d'auti precèptes dera Constitucion, des quaus derive eth reconeishment d'ua posicion singulara dera Generalitat en çò que hè ath dret civiu, era lengua, era cultura, era projeccion d'aguestes en encastre educatiu e eth sistèma institucionau en qué s'organize era Generalitat.

ARTICLE 6. ERA LENGUA PRÒPRIA E ES LENGÜES OFICIAUS

1. Era lengua pròpria de Catalonha ei eth catalan. Coma tau, eth catalan ei era lengua d'us normau e preferent des administracions publiques e des mieis de comunicacion publics de Catalonha, e ei tanben era lengua normaument emplegada coma veiculara e d'aprenedissatge en ensenhament.



PARLAMENT DE CATALUNYA

2. Eth catalan ei era lengua oficiau de Catalonha. Tanben n'ei eth castelhan, qu'ei era lengua oficiau der Estat espanhòu. Totes es persones an eth dret d'usar es dues lengües oficiaus e es ciutadans de Catalonha an eth dret e déuer de coneisher-les. Es poders publics de Catalonha an d'establir es mesures de besonh entà facilitar er exercici d'aguesti drets e eth compliment d'aguest déuer. Cossent damb çò que dispause er article 32, non i pòt auer discriminacion per usatge de quinsevolha des dues lengües.

3. Era Generalitat e er Estat an d'emprèner es accions de besonh entath reconeishement dera oficialitat deth catalan ena Union Europèa e era preséncia e er emplec deth catalan enes organismes internacionaus e enes tractats internacionaus de contengut culturau o lingüistic.

4. Era Generalitat a de promòir era comunicacion e era cooperacion damb es autes comunitats e es auti territòris que compartissen patrimòni lingüistic damb Catalonha. Ad aguesti efèctes, era Generalitat e er Estat, segontes que correspongue, pòden soscríuer acòrds, tractats e d'auti mecanismes de collaboracion entara promocion e era difusion exteriora deth catalan.

5. Era lengua occitana, denominada *aranés* en Aran, ei era lengua pròpria d'aguest territori e ei oficiau en Catalonha, cossent damb çò qu'establissen aguest Estatut e es leis de normalizacion lingüistica.

ARTICLE 7. ERA CONDICION POLITICA DES CATALANS

1. Gaudissen dera condicion politica de catalans o ciutadans de Catalonha es ciutadans espanhòus qu'agen vesiatge administratiu en Catalonha. Es sòns drets politics s'exercissen cossent damb aguest Estatut e es leis.

2. Gaudissen, coma catalans, des drets politics definits per aguest Estatut es espanhòus residents en estrangèr qu'an auut en Catalonha eth darrèr vesiatge administratiu, e tanben es sòns descendents que mantien aguesta ciutadania, s' atau ac solliciten, ena forma que determine era lei.



PARLAMENT DE CATALUNYA

ARTICLE 8. SIMBÈUS DE CATALONHA

1. Catalonha, definida coma nacionalitat en article 1, a coma simbèus nacionaus eth drapèu, era hèsta e er imne.
2. Eth drapèu de Catalonha ei eth tradicionau de quate barres vermelhes en hons auriò e a d'èster present en totes es bastisses publicques e enes actes oficiaus qu'agen lòc en Catalonha.
3. Era hèsta de Catalonha ei era Diada der Onze de Seteme.
4. Er imne de Catalonha ei *Els segadors*.
5. Eth Parlament a de regular es diuèrses expressions deth marc simbolic de Catalonha e n'a de fixar er orde protocollari.
6. Era proteccion juridica des simbèus de Catalonha ei era que correspon as auti simbèus der Estat.

ARTICLE 9. ETH TERRITÒRI

Eth territòri de Catalonha ei eth que correspon as limits geografics e administratius dera Generalitat en moment dera entrada en vigor d'aguest Estatut.

ARTICLE 10. ETH CAPLÒC

Eth caplòc de Catalonha ei era ciutat de Barcelona, qu'ei era sedença permanenta deth Parlament, dera Presidència dera Generalitat e deth Govèrn, sense perjudici qu'eth Parlament e eth Govèrn se poguen amassar en d'auti lòcs de Catalonha, cossent damb çò qu'establissen, respectivament, eth Reglament deth Parlament e era lei.

ARTICLE 11. ARAN

1. Eth pòble aranés exercís er autogovèrn mejançant aguest Estatut, eth Conselh Generau d'Aran e es autes institucions pròpies.
2. Es ciutadans de Catalonha e es sues institucions politiques reconeishen Aran coma ua realitat occitana dotada d'identitat culturau, istorica, geografica e lingüistica,



PARLAMENT DE CATALUNYA

defenuda pes aranesi ath long des sègles. Aquest Estatut reconeish, empare e respècte aguesta singularitat e reconeish Aran coma entitat territoriau singulara laguens de Catalonha, era quau ei objècte d'ua particulara proteccion per miei d'un regim juridic especiau.

ARTICLE 12. ES TERRITÒRIS DAMB LIGAMS ISTORICS, LINGÜISTICS E CULTURAUS DAMB CATALONHA

Era Generalitat a de promòir era comunicacion, er escambi culturau e era cooperacion damb es comunitats e es territòris, pertanhents o non ar Estat espanhòu, qu'an ligams istorics, lingüistics e culturaus damb Catalonha. Ad aguesti efèctes, era Generalitat e er Estat, segontes que correspongue, pòden soscrúer convènís, tractats e d'auti esturments de collaboracion en toti es encastres, que pòden inclúdir era creacion d'organismes comuns.

ARTICLE 13. ES COMUNITATS CATALANES EN EXTERIOR

Era Generalitat, enes tèrmes establits pera lei, a de fomentar es ligams sociaus, economics e culturaus damb es comunitats catalanes en exterior e les a de balhar era assisténcia que calgue. Damb aguesta finalitat, era Generalitat, segontes que correspongue, pòt formalizar acòrds de cooperacion damb es institucions publiques e privades des territòris e es païsi a on se trafen es comunitats catalanes en exterior e pòt sollicitar ar Estat era soscripcion de tractats internacionaus sus aguesta matèria.

ARTICLE 14. EFICÀCIA TERRITORIAU DES NORMES

1. Es normes e es disposicions dera Generalitat e eth dret civiu de Catalonha an eficàcia territoriau, sense prejudici des excepcions que se poguen establir en cada matèria e des situacions que s'agen de regir per estatut personau o per autes normes d'extraterritorialitat.
2. Es estrangèrs qu'adquirissen era nacionalitat espanhòla demoren sometuts ath dret civiu catalan en tant que mantenguen eth vesiatge administratiu en Catalonha, exceptat que manifèsten era sua volentat en contra.



PARLAMENT DE CATALUNYA

TÍTOL I. DES DRETS, DÉUERS E PRINCIPIS RECTORS

CAPÍTOL I. DRETS E DÉUERS DER ENCASTRE CIVIU E SOCIAU

ARTICLE 15. DRETS DES PERSONES

1. Es ciutadans de Catalonha son titulars des drets e es déuers reconeishuts pes normes a qué hè referéncia er article 4.1.
2. Totes es persones an dret a víuer damb dignitat, seguretat e autonomia, liures d'explotacion, de matractaments e de tota sòrta de discriminacion, e an dret ath liure desenvolopament dera sua personalitat e capacitat personau.
3. Es drets qu'aguest Estatut reconeish as ciutadans de Catalonha se pòden estièner a d'autes persones, enes tèrmes qu'establissen es leis.

ARTICLE 16. DRETS EN ENCASTRE DES FAMILHES

Totes es persones an dret, cossent damb es requisits establits pera lei, a recéber prestacions sociaus e ajudes publiques entà atier es cargues familhars.

ARTICLE 17. DRETS DES MENORS

Es menors an dret a recéber era atencion integrau de besonh entath desenvolopament dera sua personalitat e deth sòn benèster en contèxte familiar e sociau.

ARTICLE 18. DRETS DES PERSONES GRANES

Es persones granes an dret a víuer damb dignitat, liures d'explotacion e de matractaments, sense que poguen èster discriminades pera sua edat.



PARLAMENT DE CATALUNYA

ARTICLE 19. DRETS DES HEMNES

1. Totes es hemnes an dret ath liure desenvolupament dera sua personalitat e capacitat personau, e a víuer damb dignitat, seguretat e autonomia, liures d'exploracion, matractaments e tota sòrta de discriminacion.
2. Es hemnes an dret a participar en condicions d'igualtat d'oportunitats damb es òmes en toti es encastres publics e privats.

ARTICLE 20. DRET A VÍUER DAMB DIGNITAT ETH PROCÈS DERA MÒRT

1. Totes es persones an dret a recéber un tractament apropiat deth dolor e cures palliatives integras e a víuer damb dignitat eth procès dera sua mòrt.
2. Totes es persones an dret a expressar era sua volentat d'ua manèra anticipada entà deishar constància des instruccions sus es intervencions e es tractaments medicaus que poguen recéber, qu'an d'èster respectades, enes tèrmes qu'establisson es leis, especiaument peth personau sanitari quan non siguen en condicions d'expressar personaument era sua volentat.

ARTICLE 21. DRETS E DÉUERS EN ENCASTRE DERA EDUCACION

1. Totes es persones an dret a ua educacion de qualitat e a accedir-i en condicions d'igualtat. Era Generalitat a d'establir un modèl educatiu d'interès public que garantisque aquesti drets.
2. Es mares e es pares an garantit, d'acòrd damb es principis establits per article 37.4, eth dret que les assistís entà qu'es sòns hilhs e hilhes receben era formacion religiosa e morau que sigue cossent damb es sues conviccions enes escòles de titularitat publica, enes quaus er ensenhament ei laïc.
3. Es centres docents privats pòden èster sostenguts damb hons publics cossent damb çò que determinen es leis, pr'amor de garantir es drets d'accès en condicions d'igualtat e ara qualitat der ensenhament.
4. Er ensenhament ei gratuït en totes es etapes obligatòries e enes auti nivèus que s'establisquen per lei.



PARLAMENT DE CATALUNYA

5. Totes es persones an dret ara formacion professionau e ara formacion permanenta, enes tèrmes qu'establissen es leis.
6. Totes es persones an dret a dispausar, enes tèrmes e es condicions qu'establisquen es leis, d'ajudes publicques entà satisfèr es requeriments educatius e entà accedir en igualtat de condicions as nivèus educatius superiors, en foncion des sòns recorsi economics, aptituds e preferéncias.
7. Es persones damb besonhs educatius especiaus an dret a recèber eth supòrt de besonh que les permete d'accedir ath sistèma educatiu, cossent damb çò qu'establissen es leis.
8. Es membres dera comunitat educativa an dret a participar enes ahèrs escolars e universitaris enes tèrmes qu'establissen es leis.

ARTICLE 22. DRETS E DÉUERS EN ENCASTRE CULTURAU

1. Totes es persones an dret a accedir en condicions d'igualtat ara cultura, ath desenvolopament des sues capacitats creatives individuaus e collectives.
2. Totes es persones an eth déuer de respectar e preservar eth patrimòni culturau.

ARTICLE 23. DRETS EN ENCASTRE DERA SALUT

1. Totes es persones an dret a accedir en condicions d'igualtat e gratuïtat as servicis sanitaris de responsabilitat publica, enes tèrmes qu'establissen es leis.
2. Es usatgèrs dera sanitat publica an dret ath respècte des sues preferéncias en çò que tanh ara eleccion de mètge o metgessa e de centre sanitari, enes tèrmes e es condicions qu'establissen es leis.
3. Totes es persones, en çò que hè as servicis sanitaris publics e privats, an dret a èster informades sus es servicis a qué pòden accedir e es requesits de besonh entà hèr-les a servir; sus es tractaments medicaus e es sòns riscos abans d'aplicar-les-ac a dar eth consentiment entà quinsevolha intervencion; a accedir ara istòria clinica pròpria, e ara confidencialitat des dades relatives ara salut pròpria, enes tèrmes qu'establissen es leis.



PARLAMENT DE CATALUNYA

ARTICLE 24. DRETS EN ENCASTRE DES SERVICIS SOCIAUS

1. Totes es persones an dret a accedir en condicions d'igualtat as prestacions deth hilat de servicis sociaus de responsabilitat publica, a èster informades sus aqueres prestacions e a dar eth consentiment entà quinsevolha actuacion que les afècte personaument, enes tèrmes qu'establissen es leis.
2. Es persones damb besonhs especiaus, entà mantier era autonomia personau enes activitats dera vida vidanta, an dret a recéber era atencion adequada ara sua situacion, cossent damb es condicions que legaument s'establissen.
3. Es persones o es familhes que se trafen en situacion de praubesa an dret a accedir a ua renda garantida de ciutadania que les assegure es minims d'ua vida digna, cossent damb es condicions que legaument s'establissen.
4. Es organizacions deth tresau sector sociu an dret a complir es sues foncions enes encastres dera participacion e era collaboracion sociaus.

ARTICLE 25. DRETS EN ENCASTRE LABORAU

1. Es treballadors an dret a formar-se e promòir-se professionaument e a accedir de franc as servicis publics d'aucupacion.
2. Es persones excluides deth mercat de treball perquè non an podut accedir-i o reinserir-s'i e que non dispausen de mieis de subsistència pròpris an dret a percéber prestacions e recorsi non contributius de caractèr palliatiu, enes tèrmes qu'establissen es leis.
3. Toti es treballadors an dret a complir es prètzhèts laboraus e professionaus en condicions de garantia entara salut, era seguretat e era dignitat des persones.
4. Es treballadors, o es sòns representants, an dret ara informacion, era consulta e era participacion enes empreses.
5. Es organizacions sindicaus e empresariaus an dret a complir es sues foncions enes encastres dera concertacion sociu, era participacion e era collaboracion sociu.



PARLAMENT DE CATALUNYA

ARTICLE 26. DRETS EN ENCASTRE DER ABITATGE

Es persones que non dispausen des recorsi suficients an dret a accedir a un abitatge digne, e entad aquerò es poders publics an d'establir per lei un sistèma de mesures que garantisque aquest dret, damb es condicions que determinen es leis.

ARTICLE 27. DRETS E DÉUERS EN ÇÒ QUE HÈ ATH MIEI AMBIENT

1. Totes es persones an dret a víuer en un miei equilibrat, sostenible e respectuós damb era salut, cossent damb es estandards e es nivèus de proteccion que determinen es leis. Tanben an dret a gaudir des recorsi naturaus e deth paisatge en condicions d'igualtat, e an eth déuer de hèr-ne un us responsable e evitar-ne eth desaprotament.

2. Totes es persones an dret ara proteccion dauant des diùerses formes de contaminacion, cossent damb es estandards e es nivèus que determinen es leis. Tanben an eth déuer de colaborar ena conservacion deth patrimòni naturau e enes actuacions que tendisquen a eliminar es diùerses formes de contaminacion, damb er objectiu de mantier-lo e conservar-lo entàs generacions futures.

3. Totes es persones an dret a accedir ara informacion mieiambientau de qué dispausen es poders publics. Eth dret d'informacion sonque pòt èster limitat per rasons d'orde public justificades, enes tèrmes qu'establissen es leis.

ARTICLE 28. DRETS DES CONSUMIDORS E USUARIS

1. Es persones, ena sua condicion de consumidores e usatgères de bens e de servicis, an dret ara proteccion dera sua salut e seguretat. Tanben an dret a ua informacion vertadèra e entenedora sus es caracteristiques e es prètzi des productes e des servicis, a un regim de garanties des productes adquirits e des subministraments contractats e ara proteccion des sòns interèssi economics dauant de conductes abusives, negligentes o fraudulentas.

2. Es consumidores e usatgèrs an dret a èster informats e a participar, dirèctament o per miei des sòns representants, en çò que hè as administracions publiques de Catalonha, enes tèrmes qu'establissen es leis.



PARLAMENT DE CATALUNYA

CAPÍTOL II. DRETS EN ENCASTRE POLITIC E DERA ADMINISTRACION

ARTICLE 29. DRET DE PARTICIPACION

1. Es ciutadans de Catalonha an dret a participar en condicions d'igualtat enes ahèrs publics de Catalonha, de forma dirècta o ben per miei de representants, enes suposicions e enes tèrmes qu'establissen aquest Estatut e es leis.
2. Es ciutadans de Catalonha an dret a escuélher es sòns representants enes organs politics representatius e a presentar-s'i coma candidats, cossent damb es condicions e es requisits qu'establissen es leis.
3. Es ciutadans de Catalonha an dret a promòir e a presentar iniciatives legislatives en Parlament, enes tèrmes qu'establissen aquest Estatut e es leis.
4. Es ciutadans de Catalonha an dret a participar, dirèctament o per miei d'entitats associatives, en procès d'elaboracion des leis deth Parlament, mejançant es procediments qu'establisque eth Reglament deth Parlament.
5. Totes es persones an dret a dirigir peticions e a plantejar queishes, ena forma e damb es efèctes qu'establissen es leis, as institucions e ara Administracion dera Generalitat, e tanben as ens locals de Catalonha, en matèries des competències respectives. Era lei a d'establir es condicions d'exercici e es efèctes d'aquest dret e es obligacions des institucions receptores.
6. Es ciutadans de Catalonha an dret a promòir era convocatòria de consultes populares pera Generalitat e es ajuntaments, en matèria des competències respectives, ena forma e damb es condicions qu'es leis establissen.

ARTICLE 30. DRETS D'ACCÈS AS SERVICIS PUBLICS E A UA BONA ADMINISTRACION

1. Totes es persones an dret a accedir en condicions d'igualtat as servicis publics e as servicis economics d'interès generau. Es administracions publiques an de fixar es condicions d'accès e es estandards de qualitat d'aquesti servicis, damb independència deth regim dera sua prestacion.



PARLAMENT DE CATALUNYA

2. Totes es persones an dret a èster tractades pes poders publics de Catalonha, en aqueri ahèrs que les afècten, de forma imparciau e objectiva, e qu'era actuacion des poders publics sigue proporcionada as finalitats que la justifiquen.

3. Es leis an de regular es condicions d'exercici e es garanties des drets a qué hèn referéncia es apartats 1 e 2 e an de determinar es casi en qué es administracions publiques de Catalonha e es servicis publics que ne depenen an d'adoptar ua carta de drets des usatgèrs e d'obligacions des prestadors.

ARTICLE 31. DRET ARA PROTECCION DES DADES PERSONAUS

Totes es persones an dret ara proteccion des dades personaus contengudes enes fichèrs que son competéncia dera Generalitat e an dret a accedir-i, examinar-les e obtier-ne era correccion. Ua autoritat independenta, designada peth Parlament, a de velhar tà qu'aguesti drets siguen respectadi enes tèrmes qu'establisson es leis.

CAPÍTOL III. DRETS E DÉUERS LINGÜÍSTICS

ARTICLE 32. DRETS E DÉUERS DE CONEISHMENT E US DES LENGÜES

Totes es persones an dret a non èster discriminades per rasons lingüistiques. Es actes juridics hèti en quinsevolha des dues lengües oficiaus an, en çò que hè ara lengua, validesa e eficàcia plees.

ARTICLE 33. DRETS LINGÜÍSTICS DAUANT ES ADMINISTRACIONS PUBLIQUES E ES INSTITUCIONS ESTATAUS

1. Es ciutadans an eth dret d'opcion lingüistica. Enes relacions damb es institucions, es organizacions e es administracions publiques en Catalonha, totes es persones an dret a emplegar era lengua oficiau qu'escuelhen. Aguest dret obligue as institucions, organizacions e administracions publiques, includida era Administracion electorau en Catalonha, e, en generau, as entitats privades que ne depenen quan exercissen foncions publiques.



PARLAMENT DE CATALUNYA

2. Totes es persones, enes relacions damb era Administracion de justícia, eth Ministèri Fiscau, eth notariat e es registres publics, an dret a usar era lengua oficiala qu'escuelhen en totes es actuacions judíciaus, notariaus e registraus, e a recéber tota era documentacion oficiala emetuda en Catalonha ena lengua sollicitada, sense que poguen patir indefension ne retards indeguts per rason dera lengua emplegada, ne se les pogue exigir cap sòrta de traduccion.

3. Entà garantir eth dret d'opcion lingüística, es jutges e es magistrats, es fiscaus, es notaris, es registradors dera propietat e mercantils, es encargats deth Registre Civi e eth personau ath servici dera Administracion de justícia, entà balhar es sòns servicis en Catalonha, an d'acreditar, ena forma qu'establisson es leis, qu'an un nivèu de coneishement adequat e suficient des lengües oficials, que les hè aptes entà complir es foncions pròpies deth sòn cargue o deth sòn lòc de treball.

4. Entà garantir eth dret d'opcion lingüística, era Administracion der Estat plaçada en Catalonha a d'acreditar qu'eth personau ath sòn servici a un nivèu de coneishement adequat e suficient des dues lengües oficials, que lo hè apte entà complir es foncions pròpies deth sòn lòc de treball.

5. Es ciutadans de Catalonha an eth dret de relacionar-se per escrit en catalan damb es organs constitucionaus e damb es organs jurisdiccionaus d'encastre estatau, cossent damb eth procediment establìt pera legislacion corresponenta. Agustes institucions an d'atier e an de tramitar es escrits presentats en catalan, qu'an, en tot cas, plea eficacia jurídica.

ARTICLE 34. DRETS LINGÜÍSTICS DES CONSOMADORS E USATGÈRS

Totes es persones an dret a èster atengudes oraument e per escrit ena lengua oficiala qu'escuelhen ena sua condicion d'usatgères o consumidores de bens, productes e servicis. Es entitats, es empreses e es establiments dubèrts ath public en Catalonha an d'èster subjèctes ath déuer de disponibilitat lingüística enes tèrmes qu'establisson es leis.



PARLAMENT DE CATALUNYA

ARTICLE 35. DRETS LINGÜÍSTICS EN ENCASTRE DER ENSENHAMENT

1. Totes es persones an dret a recéber er enshament en catalan, cossent damb çò qu'establís aquest Estatut. Eth catalan s'a d'emplegar normaument coma lengua veiculara e d'aprenedissatge en enshament universitari e en non universitari.
2. Es alumnes an dret a recéber er enshament en catalan en enshament non universitari. Tanben an eth dret e eth déuer de conéisher damb suficiéncia orau e escrita eth catalan e eth castelhan en acabar er enshament obligatòri, sigue quina sigue era sua lengua abituau en incorporar-se ar enshament. Er enshament deth catalan e deth castelhan an d'auer ua preséncia adequada enes plans d'estudis.
3. Es alumnes an dret a non èster desseparats en centres ne en grups classe diferents per rason dera sua lengua abituau.
4. Es alumnes que s'incorpòren mès tard dera edat corresponenta ath sistèma escolar de Catalonha gaudissen deth dret a recéber un supòrt lingüistic especiau s'era manca de comprension les dificulte de seguir damb normalitat er enshament.
5. Eth professorat e er alumnat des centres universitaris an dret a expressar-se, oraument e per escrit, ena lengua oficiau qu'escuelhen.

ARTICLE 36. DRETS EN ÇÒ QUE HÈ AR ARANÉS

1. En Aran totes es persones an eth dret de conéisher e emplegar er aranés e d'èster atengudes oraument e per escrit en aranés enes sues relacions damb es administracions publiques e damb es entitats publiques e privades que ne depenen.
2. Es ciutadans d'Aran an eth dret d'emplegar er aranés enes sues relacions damb era Generalitat.
3. S'an de determinar per lei es auti drets e déuers lingüistics en çò que tanh ar aranés.



PARLAMENT DE CATALUNYA

CAPÍTOL IV. GARANTIES DES DRETS ESTATUTARIS

ARTICLE 37. DISPOSICIONS GENERAUS

1. Es drets que reconeishen es capítols I, II e III d'aguest títol vinculen toti es poders publics de Catalonha e, cossent damb era natura de cada dret, es particulars. Es disposicions que dicten es poders publics de Catalonha an de respectar aguesti drets e s'an d'interpretar e aplicar en sentit més afavoridor entara sua plea efectivitat.

Es drets que reconeishen es articles 32 e 33 tanben vinculen era Administracion generau der Estat en Catalonha.

2. Eth Parlament a d'aprovar per lei era Carta des drets e es déuers des ciutadans de Catalonha. Es disposicions d'aguest article relatives as drets que reconeishen es capítols I, II e III d'aguest títol s'apliquen tanben as drets reconeishuts pera nomenada Carta.

3. Era regulacion essenciau e eth desenvolopament dirècte des drets reconeishuts pes capítols I, II e III d'aguest títol s'an de hèr per lei deth Parlament.

4. Es drets e es principis d'aguest títol non compòrten ua alteracion deth regim de distribucion de competéncies ne era creacion de títols competenciaus nauí o era modificacion des que ja existissen. Cap des disposicions d'aguest títol non pòt èster desplegada, aplicada o interpretada de manèra que redusisque o limite es drets fundamentaus que reconeishen era Constitucion e es tractats e es acòrds internacionaus ratificats per Espanha.

ARTICLE 38. TUTÈLA

1. Eth Conselh de Garanties Estatutàries tutèle es drets que reconeishen es capítols I, II e III d'aguest títol e era Carta des drets e es déuers des ciutadans de Catalonha, cossent damb çò qu'establís er article 76.2.b e c.

2. Es actes que vulnèren es drets reconeishuts pes capítols I, II e III d'aguest títol e pera Carta des drets e es déuers des ciutadans de Catalonha son objècte de recors dauant eth Tribunau Superior de Justícia de Catalonha, cossent damb es procediments qu'establissen es leis.



PARLAMENT DE CATALUNYA

CAPÍTOL V. PRINCIPIS RECTORS

ARTICLE 39. DISPOSICIONS GENERAUS

1. Es poders publics de Catalonha an d'orientar es politiques publiques cossent damb es principis rectors qu'establisson era Constitucion e aquest Estatut. En exercici des sues competéncies, es poders publics de Catalonha an de promòir e adoptar es mesures de besonh entà garantir-ne era eficàcia plea.
2. Eth reconeishement, eth respècte e era proteccion des principis rectors informen era legislacion positiva, era practica judiciou e era actuacion des poders publics.
3. Es principis rectors son exigibles dauant era jurisdiccio, cossent damb çò que determinen es leis e es autes disposicions que les despleguen.

ARTICLE 40. PROTECCION DES PERSONES E DES FAMILHES

1. Es poders publics an d'auer coma objectiu era melhora dera qualitat de vida de totes es persones.
2. Es poders publics an de garantir era proteccion juridica, economica e sociau des diuerses modalitats de familha que regulen es leis, coma estructura basica e factor de coesion sociau e coma prumèr nuclèu de convivéncia des persones. Tanben, an de promòir es mesures economiques e normatives de supòrt as familhes adreçadas entà garantir era conciliacion dera vida laborau e familhara e er auer descendéncia, damb ua atencion especiau as familhes nombroses.
3. Es poders publics an de garantir era proteccion dera mainadèra, especiaument contra tota forma d'explotacion, d'abandonament, de matractament o crudeltat e dera praubesa e es sòns efèctes. En totes es actuacions amiades a tèrme pes poders publics o per institucions privades er interès superior deth mainatge a d'èster prioritari.
4. Es poders publics an de promòir politiques publiques qu'afavorisquen era emancipacion des joeni, en tot facilitar-les er accès ath mon laborau e ar abitatge entà que poguen desvolopar eth sòn pròpri projècte de vida e participar ena igualtat de drets e déuers ena vida sociau e culturau.



PARLAMENT DE CATALUNYA

5. Es poders publics an de garantir era proteccion juridica des persones damb discapacitats e n'an de promòir era integracion sociau, economica e laborau. Tanben an d'adoptar es mesures de besonh entà suplir o complementar eth supòrt deth sòn entorn familiar dirècte.

6. Es poders publics an de garantir era proteccion des persones granes entà que poguen portar ua vida digna e independenta e participar ena vida sociau e culturau. Tanben an de sajar era plea integracion des persones granes ena societat per miei de politiques publicques basades en principi de solidaritat intergeneracionau.

7. Es poders publics an de promòir era igualtat des diuèrses unions establides de parella, en tot tier en compde es sues caracteristiques, damb independéncia dera orientacion sexuau des sòns membres. Era lei a de regular aquestes unions e d'autres formes de convivéncia e es sòns efèctes.

8. Es poders publics an de promòir era igualtat de totes es persones damb independéncia der origen, era nacionalitat, eth sèxe, era raça, era religion, era condicion sociau o era orientacion sexuau, e tanben an de promòir era eradicacion deth racisme, der antisemitisme, dera xenofòbia, dera omofòbia e de quinsevolha auta expression qu'atempte contra era igualtat e era dignitat des persones.

ARTICLE 41. PERSPECTIVA DE GÈNRE

1. Es poders publics an de garantir eth compliment deth principi d'igualtat d'oportunitats enter hemnes e òmes en accés ara aucupacion, ena formacion, ena promocion professionau, enes condicions de treball, includida era retribucion, e en totes es autres situacions, e tanben an de garantir qu'es hemnes non siguen discriminades per causa d'embaràs o de maternitat.

2. Es poders publics an de garantir era transversalitat ena incorporacion dera perspectiva de gènre e des hemnes en totes es politiques publicques entà arténher era igualtat reau e efectiva e era paritat entre hemnes e òmes.

3. Es politiques publicques an de garantir que s'afronten de manèra integrau totes es formes de violéncia contra es hemnes e es actes de caràcter sexista e discriminatòri; an de fomentar eth reconeishement deth papèr des hemnes enes encastres culturau,



PARLAMENT DE CATALUNYA

historic, social e economic, e an de promòir era participacion des grops e es associacions de hemnes ena elaboracion e era avaloracion d'aguestes politiques.

4. Es poders publics an de reconéisher e tier en compde eth valor economic deth treball de suenh e atencion en encastre domestic e familiar ena fixacion des sues politiques economiques e sociaus.

5. Es poders publics, en encastre des sues competéncies, e enes supausats qu'establís era lei, an de velhar entà qu'era liure decision dera hemna sigue determinanta en toti es casi que'n poguen afectar era dignitat, era integritat e eth benèster fisic e mentau, particularament en çò que tanh ath pròpri còs e ara sua salut reproductiva e sexuau.

ARTICLE 42. COESION E BENÈSTER SOCIAUS

1. Es poders publics an de promòir politiques publicques que fomenten era coesion social e que garantisquen un sistèma de servicis sociaus, de titularitat publica e concertada, adequat as indicadors economic e sociaus de Catalonha.

2. Es poders publics an de velhar pera plea integracion social, economica e laborau des persones e des collectius damb mès besonh de proteccion, especialment aqueri que se trapen en situacion de praubesa e de risc d'exclusion social.

3. Es poders publics an de velhar pera dignitat, era seguretat e era proteccion integradu des persones, especialment des mès vulnerables.

4. Es poders publics an de garantir era qualitat deth servici e era gratuïtat dera assisténcia sanitària publica enes tèrmes qu'establís era lei.

5. Es poders publics an de promòir politiques preventives e comunitàries e an de garantir era qualitat deth servici e era gratuïtat des servicis sociaus qu'es leis determinen coma basics.

6. Es poders publics an d'empréner es accions de besonh entà establir un regim d'acuelhement des persones immigrades e an de promòir es politiques que garantisquen eth reconeishment e era efectivitat des drets e déuers des persones immigrades, era igualtat d'oportunitats, es prestacions e es ajudes que ne permeten era plea acomodacion social e economica e era participacion enes ahèrs publics.



PARLAMENT DE CATALUNYA

7. Es poders publics an de velhar pera convivència social, cultura e religiosa enter totes es persones en Catalonha e peth respècte ara diuersitat de credences e conviccions etiques e filosofiques des persones, e an de fomentar es relacions interculturals per miei der impuls e era creacion d'encastres de coneishement recipròc, dialòg e mediacion. Tanben an de garantir eth reconeishement dera cultura deth pòble gitano coma sauvaguarda dera realitat istorica d'aguest pòble.

ARTICLE 43. FOMENT DERA PARTICIPACION

1. Es poders publics an de promòir era participacion social ena elaboracion, era prestacion e era avaloracion des politiques publiques, e tanben era participacion individuau e associativa enes encastres civic, social, cultura, economic e politic damb plen respècte as principis de pluralisme, liura iniciativa e autonomia.

2. Es poders publics an de facilitar era participacion e era representacion ciutadanes e politiques, damb ua atencion especiau as airaus mens poblats deth territòri.

3. Es poders publics an de sajar qu'es campanhes institucionaus que s'organizen pr'amor des procèssi electoraus agen coma finalitat era de promòir era participacion ciutadana e qu'es electors reciben des mieis de comunicacion ua informacion vertadèra, objectiva, neutra e respectuosa deth pluralisme politic sus es candidatures que concorren enes procèssi electoraus.

ARTICLE 44. EDUCACION, RECÈRCA E CULTURA

1. Es poders publics an de garantir era qualitat deth sistèma d'ensenhament e an d'impulsar ua formacion umana, scientifica e tecnica der alumnat basada enes valors socials d'igualtat, solidaritat, libertat, pluralisme, responsabilitat civica e d'autes que fondamenten era convivència democratica.

2. Es poders publics an de promòir eth coneishement sufficient d'ua tresau lengua en acabar er ensenhament obligatòri.

3. Es poders publics an de promòir e an d'impulsar era implicacion e era participacion dera familha ena educacion des hilhs e hilhes, en encastre dera comunitat educativa, e an de facilitar e promòir er accès as activitats d'educacion en léser.



PARLAMENT DE CATALUNYA

4. Es poders publics an de fomentar era investigacion e era recèrca scientifica de qualitat, era creativitat artistica e era conservacion e era difusion deth patrimoni culturau de Catalonha.

5. Es poders publics an d'embrèner es accions de besonh entà facilitar a totes es persones er accès ara cultura, as bens e as servicis culturaus e ath patrimoni culturau, arqueologic, istoric, industriau e artistic de Catalonha.

ARTICLE 45. ENCASTRE SOCIOECONOMIC

1. Es poders publics an d'adoptar es mesures que calguen entà promòir eth progrès sociu de Catalonha e des sòns ciutadans, basats enes principis dera solidaritat, era coesion, eth desenvolopament sostenible e era igualtat d'oportunitats.

2. Es poders publics an de promòir ua distribucion dera renda personau e territoriau mès equitativa en encastre d'un sistèma catalan deth benèster.

3. Es poders publics an d'adoptar es mesures de besonh entà garantir es drets laboraus e sindicau des treballadors, an d'impulsar e n'an de promòir era participacion enes empreses e es politiques d'aucupacion plea, de foment dera estabilitat laborau, de formacion des persones treballadores, de prevencion de riscos laboraus, de seguretat e d'igièna en treball, de creacion d'ues condicions dignes en lòc de treball, de non-discriminacion per rason de genre e de garantia deth repòs de besonh e des vacances retribuïdes.

4. Era Generalitat a de promòir era creacion d'un espaci catalan de relacions laboraus establhit en foncion dera realitat productiva e empresariau especifica de Catalonha e des sòns agents sociaus, en quau an d'èster representades es organizacions sindicau e empresariaus e era Administracion dera Generalitat. En aquest encastre, es poders publics an de fomentar ua practica pròpria de dialòg sociu, de concertacion, de negociacion collectiva, de resolucion extrajudiciu de conflictes laboraus e de participacion en desenvolopament e era mielhora deth hilat productiu.

5. Era Generalitat a d'afavorir eth desenvolopament dera activitat empresariau e er esperit emprenedor en tot tier en compde era responsabilitat sociu dera empresa, era liura iniciativa e es condicions de competència, e a de protegir espciaument era economia productiva, era activitat des emprenedors autonòms e era des empreses



PARLAMENT DE CATALUNYA

petites e mejanes. Era Generalitat a de fomentar era accion des cooperatives e des societats laboraus e a d'estimular es iniciatives dera economia social.

6. Es organizacions sindicau e empresariaus an de participar ena definicion des politiquas publicas que les afecten. Era Generalitat a de promòir era mediacion e er arbitratge entara resolucio des conflictes d'interèssi entre es diuersi agents socials.

7. Es organizacions professionaus e es corporacions de dret public representatives d'interèssi economic e professionaus e es entitats associatives deth tresau sector an d'èster consultades ena definicion des politiquas que les afecten.

8. Era Generalitat, en consideracion as foncions social, culturau e de promocion economica que complissen es caishes d'estauvis, a de protegir era autonomia institucionau e a de promòir era contribucion social d'aguestes entitats as estratègies economicas e socials des diuersi territòris de Catalonha.

ARTICLE 46. MIEI AMBIENT, DESVOLOPAMENT SOSTENIBLE E EQUILIBRI TERRITORIAU

1. Es poders public an de velhar pera proteccion deth miei ambient per miei dera adopcion de politiquas publicas basades en desenvolopament sostenible e era solidaritat collectiva e intergeneracionau.

2. Es politiquas mieiambientaus an de dirigir-se especiaument ara reduccion des diuerses formes de contaminacion, era fixacion d'estandards e de nivèus minims de proteccion, era articulacion de mesures correctives der impacte ambientau, er emplec racionau des recorsi naturaus, era prevencion e eth contròtle dera erosio e des activitats qu'altèren eth regim atmosferic e climatic, e eth respècte as principis de preservacion deth miei, conservacion des recorsi naturaus, responsabilitat, fiscalitat ecologica e reciclatge e reutilizacion des bens e des productes.

3. Es poders public an de hèr efectives es condicions entara preservacion dera natura e dera biodiversitat, an de promòir era integracion d'objectius ambientaus as politiquas sectoriaus e an d'establir es condicions que permeten a totes es persones eth gaudiment deth patrimoni naturau e paisatgistic.



PARLAMENT DE CATALUNYA

4. Es poders publics an de velhar pera coesion economica e territoriau en tot aplicar politiquas qu'asseguren un tractament especiau des parçans de montanha, era proteccion deth paisatge, era defensa deth litorau, eth foment des activitats agràries dera cria de bestiar e silvicòles e ua distribucion equilibrada e territòri des dièrsi sectors productius, es servicis d'interès generau e es hilats de comunicacion.

5. Es poders publics an de facilitar as ciutadans era informacion mieiambientau e an de fomentar era educacion enes valors dera preservacion e dera melhora deth miei ambient coma patrimonni comun.

ARTICLE 47. ABITATGE

Es poders publics an de facilitar er accés ar abitatge mejançant era generacion de sòu e era promocion d'abitatge public e d'abitatge protegit, damb ua atencion especiau pes joeni e es collectius damb mès besonhs.

ARTICLE 48. MOBILITAT E SEGURETAT VIÀRIA

1. Es poders publics an de promòir politiquas de transpòrt e de comunicacion, basades en criteris de sostenibilitat, que fomenten er usatge deth transpòrt public e era melhora dera mobilitat e garantisquen era accessibilitat entàs personas damb mobilitat redusida.

2. Es poders publics an d'impulsar, d'ua manèra prioritària, es mesures destinades ar increment dera seguretat viària e ara disminucion des accidents de transit, damb ua incidència especiau ena prevencion, era educacion viària e era atencion as victimas.

ARTICLE 49. PROTECCION DES CONSOMADORS E USATGÈRS

1. Es poders publics an de garantir era proteccion dera salut, era seguretat e era defensa des drets e es interèssi legitims des consumadors e usatgèrs.

2. Es poders publics an de garantir era existència d'esturments de mediacion e arbitratge en matèria de consum, n'an de promòir eth coneishement e er emplec e an de dar supòrt as organizacions de consumadors e usatgèrs.



PARLAMENT DE CATALUNYA

ARTICLE 50. FOMENT E DIFUSION DETH CATALAN

1. Es poders publics an de protegir eth catalan en toti es encastres e sectors e n'an de fomentar er usatge, era difusion e eth coneishement. Aguesti principis tanben s'an d'aplicar respècte ar aranés.
2. Eth Govèrn, es universitats e es institucions d'ensenhament superior, en encastre des competències respectives, an d'adoptar es mesures pertinentes entà garantir er usatge deth catalan en toti es encastres des activitats docentes, non docentes e de recèrca.
3. Es politiques de foment deth catalan s'an d'estiéner ath conjunt der Estat, ara Union Europèa e ara rèsta deth mon.
4. Es poders publics an de promòir qu'es dades que figuren en etiquetatge, en embalatge e enes instruccions d'ús des productes distribuïts en Catalonha còsten tanben en catalan.
5. Era Generalitat, era Administracion locau e es autes corporacions publiques de Catalonha, es institucions e es empreses que ne depenen e es concessionaris des sòns servicis an d'emplegar eth catalan enes sues actuacions intèrnes e ena relacion enter eri. Tanben l'an d'emplegar enes comunicacions e es notificacions dirigides a persones fisiques o juridiques residents en Catalonha, sense prejudici deth dret des ciutadans a receber-les en castelhan s'ac demanen.
6. Es poders publics an de garantir er emplec dera lengua de signes catalana e es condicions que permeten d'arténher era igualtat des persones damb sordèra qu'òpten per aguesta lengua, qu'a d'èster objècte d'ensenhament, proteccion e respècte.
7. Er Estat, cossent damb çò que dispause era Constitucion, a de dar supòrt ara aplicacion des principis qu'establís aguest article. S'an d'establir es esturments de coordinacion e, s'ei de besonh, d'actuacion conjunta entà que siguen mès efectius.



PARLAMENT DE CATALUNYA

ARTICLE 51. COOPERACION ATH FOMENT DERA PATZ E COOPERACION ATH DESVOLOPAMENT

1. Era Generalitat a de promòir era cultura dera patz e accions de foment dera patz en mon.
2. Era Generalitat a de promòir accions e politiques de cooperacion ath desenvolopament des pòbles e a d'establir programes d'ajuda umanitària d'emergència.

ARTICLE 52. MIEIS DE COMUNICACION SOCIAU

1. Correspon as poders publics de promòir es condicions entà garantir eth dret ara informacion e a recéber des mieis de comunicacion ua informacion vertadera e uns contenguts que respècten era dignitat des persones e eth pluralisme politic, social, culturau e religiós. En cas des mieis de comunicacion de titularitat publica era informacion tanben a d'èster neutrau.
2. Es poders publics an de promòir es condicions entà garantir er accés sense discriminacions as servicis audiovisuaus en encastre de Catalonha.

ARTICLE 53. ACCÈS AS TECNOLOGIES DERA INFORMACION E DERA COMUNICACION

1. Es poders publics an de facilitar eth coneishement dera societat dera informacion e an d'impulsar er accés ara comunicacion e as tecnologies dera informacion, en condicions d'igualtat, en toti es encastres dera vida social, includit eth laborau; an de fomentar qu'aguestes tecnologies se meten ath servici des persones e non afècten negativament as sòns drets, e an de garantir era prestacion de servicis per miei des nomenades tecnologies, cossent damb es principis d'universalitat, continuïtat e actualizacion.
2. Era Generalitat a de promòir era formacion, era recèrca e era innovacion tecnologiquas entà qu'es oportunitats de progrès qu'aufrís era societat deth coneishement e dera informacion contribuïsqnen ara mielhora deth benèster e dera coesion socials.



PARLAMENT DE CATALUNYA

ARTICLE 54. MEMÒRIA HISTÒRICA

1. Era Generalitat e es auti poders públics an de velhar peth coneixement e eth manteniment dera memòria històrica de Catalunya coma patrimoni col·lectiu que testimònie era resistència e era luta pes drets e es libertats democràtiques. Entad açò, an d'adoptar es iniciatives institucionaus de besonh entath reconeixement e era rehabilitacion de toti es ciutadans qu'an patit persecucion pr'amor dera defensa dera democràcia e er autogovèrn de Catalunya.

2. Era Generalitat a de velhar entà qu'era memòria històrica se convertisque en simbèu permanent dera tolerància, dera dignitat des valors democràtics, deth refús des totalitarismes e deth reconeixement de totes es persones qu'an patit persecucion pr'amor des sues opcions personaus, ideològiques o de consciència.

TÍTOL II. DES INSTITUCIONS

CAPÍTOL I. ETH PARLAMENT

ARTICLE 55. DISPOSICIONS GENERAUS

1. Eth Parlament represente ath pòble de Catalunya.
2. Eth Parlament exercís era potestat legislativa, apròve es pressupòsti dera Generalitat e contròtle e impulse era accion política e de govèrn. Ei era sedença a on s'expresse preferentament eth pluralisme e se hè public eth debat politic.
3. Eth Parlament ei inviolable.

ARTICLE 56. COMPOSICION E REGIM ELECTORAU

1. Eth Parlament se compause d'un minim de cent deputats e un maxim de cent cinquanta, escuelhuts per un tèrme de quate ans per miei de sufragi universau, liure, igual, dirècte e secret, cossent damb aquest Estatut e era legislacion electorau.
2. Eth sistèma electorau ei de representacion proporcionau e a d'assegurar era representacion adequada de totes es zònes deth territòri de Catalunya. Era Administracion electorau ei independenta e garantís era transparéncia e era



PARLAMENT DE CATALUNYA

objectivitat deth procès electorau. Eth regim electorau ei regulat per ua lei deth Parlament aprovada en ua votacion finau sus eth conjunt deth tèxte per majoria de dues tresaus parts des deputats.

3. Son electors e elegibles es ciutadans de Catalonha que son en plen dret des sòns drets civius e politics, cossent damb era legislacion electorau. Era lei electorau de Catalonha a d'establir critèris de paritat enter hemnes e òmes entara elaboracion des listres electoraus.

4. Eth president o presidenta dera Generalitat, quinze dies abans der acabament dera legislatura, a de convocar es eleccions, qu'an d'auer lòc entre quaranta e seishanta dies despús dera convocatòria.

ARTICLE 57. ESTATUT DES DEPUTATS

1. Es membres deth Parlament son inviolables pes vòts e es opinions qu'emeten en exercici deth sòn cargue. Pendent eth sòn mandat, gaudissen d'immunitat damb er efècte concrèt que non pòden èster detenguts se non ei en cas de delicte flagrant.

2. Enes causes contra es deputats, ei competent eth Tribunau Superior de Justícia de Catalonha. Dehòra deth territòri de Catalonha era responsabilitat penau ei exigibla enes madeishi tèrmes dauant era Sala Penau deth Tribunau Suprem.

3. Es deputats non son sometuts a mandat imperatiu.

ARTICLE 58. AUTONOMIA PARLAMENTÀRIA

1. Eth Parlament gaudís d'autonomia organizativa, financèra, administrativa e disciplinària.

2. Eth Parlament elabòre e apròve eth sòn reglament e eth sòn pressupòst e fixe er estatut deth personau que ne depen.

3. Era aprobacion e era reforma deth Reglament deth Parlament corresponen ath Plen deth Parlament e requerissen eth vòt favorable dera majoria absoluta des deputats en ua votacion finau sus eth conjunt deth tèxte.



PARLAMENT DE CATALUNYA

ARTICLE 59. ORGANIZACION E FONCIONAMENT

1. Eth Parlament a un president o presidenta e ua mesa escuelhuts peth Plen. Eth Reglament deth Parlament ne regule era eleccion e es foncions.
2. Eth Reglament deth Parlament regule es drets e es déuers des deputats, es requisits entara formacion des grops parlamentaris, era intervencion d'aguesti en exercici des foncions parlamentàries e es atribucions dera Junta de Portaveus.
3. Eth Parlament foncione en plen e en comissions. Es grops parlamentaris participen en totes es comissions en proporcion as sòns membres.
4. Eth Parlament a ua deputacion permanenta, presidida peth president o presidenta deth Parlament e integrada peth nombre de deputats qu'eth Reglament deth Parlament determine, en proporcion ara representacion de cada grop parlamentari. Era Deputacion Permanenta velhe pes poders deth Parlament quan aguest non ei amassat enes periòdes entre sessions, quan a acabat eth mandat parlamentari e quan a estat dissolhut. En cas d'acabament dera legislatura o de dissolucion deth Parlament, eth mandat des deputats qu'intègren era Deputacion Permanenta ei prorrogat enquiara constitucion deth nau Parlament.
5. Es cargues publices e eth personau ath servici des administracions publicques qu'actuen en Catalonha an era obligacion de comparéisher a requeriment deth Parlament.
6. Eth Parlament pòt crear comissions d'investigacion sus quinsevolh ahèr de relevància publica que sigue d'interès dera Generalitat. Es persones requerides pes comissions d'investigacion an de comparéisher-i obligatòriament, cossent damb eth procediment e es garanties establides peth Reglament deth Parlament. S'an de regular per lei es sancions per incompliment d'aguesta obligacion.
7. Eth Reglament deth Parlament a de regular era trametuda des peticions individuaus e collectives dirigides ath Parlament. Tanben an d'establir mecanismes de participacion ciutadana en exercici des foncions parlamentàries.



PARLAMENT DE CATALUNYA

ARTICLE 60. REGIM DES AMASSADES E DES SESSIONS

1. Eth Parlament s'amasse anuaument en dus periòdes ordinaris de sessions fixadi peth Reglament. Eth Parlament se pòt amassar en sessions extraordinàries dehòra des periòdes ordinaris de sessions. Es sessions extraordinàries deth Parlament son convocades peth sòn president o presidenta per acòrd dera Deputacion Permanenta, a prepausa de tres grops parlamentaris o d'ua quatau part des deputats, o a peticion de grops parlamentaris o de deputats que ne representen era majoria absoluta. Eth Parlament tanben s'amasse en session extraordinària a peticion deth president o presidenta dera Generalitat. Es sessions extraordinàries se convòquen damb un orde deth dia determinat e se lhèuen despús d'auer-lo agotat.

2. Es sessions deth Plen son publiques, exceptat enes supausats establidi peth Reglament deth Parlament.

3. Eth Parlament, entà adoptar acòrds validament, s'a de trapar amassat damb era presència dera majoria absoluta des deputats. Es acòrds son valids s'an estat aprovats pera majoria simple des deputats presents, sense perjudici des majories especiaus establides per aquest Estatut, pes leis o peth Reglament deth Parlament.

ARTICLE 61. FONCIONS

Corresponen ath Parlament, ath delà des foncions establides per article 55, es que seguissen:

- a) Designar es senadors que representen ara Generalitat en Senat. Era designacion s'a de hèr en ua convocatòria especifica e de manèra proporcionau ath nombre de deputats de cada grop parlamentari.
- b) Elaborar proposicions de lei entà presentar-les ara Mesa deth Congrès des Deputats e nomenar es deputats deth Parlament encargadi de defener-les.
- c) Sollicitar ath Govèrn der Estat era adopcion de projèctes de lei.
- d) Sollicitar ar Estat era transferència o delegacion de competències e era atribucion de facultats en encastre der article 150 dera Constitucion.



PARLAMENT DE CATALUNYA

e) Interpausar eth recors d'inconstitucionalitat e personar-se dauant eth Tribunau Constitucionau en d'auti procèssi constitucionaus, cossent damb çò qu'establís era Lei organica deth Tribunau Constitucionau.

f) Es autes foncions que li atribuïssen aquest Estatut e es leis.

ARTICLE 62. INICIATIVA LEGISLATIVA E EXERCICI DERA FONCION LEGISLATIVA

1. Era iniciativa legislativa correspon as deputats, as grops parlamentaris e ath Govèrn. Tanben correspon, enes tèrmes establits pes leis de Catalonha, as ciutadans, mejançant era iniciativa legislativa populara, e as organs representatius des ens supramunicipaus de caractèr territorial qu'establís aquest Estatut.

2. Son leis de desenvolopament basic der Estatut es que regulen dirèctament es matèries nomentades pes articles 2.3, 6, 37.2, 56.2, 67.5, 68.3, 77.3, 79.3, 81.2 e 94.1. Era aprobacion, era modificacion e era derogacion d'aquestes leis requerissen eth vòt favorable dera majoria absoluta deth Plen deth Parlament en ua votacion finau sus eth conjunt deth tèxte, exceptat qu'er Estatut n'establisque ua auta.

3. Eth Plen deth Parlament pòt delegar era tramitacion e era aprobacion d'iniciatives legislatives as comissions legislatives permanentes. En quinsevolh moment pòt revocar aquesta delegacion. Non pòden èster objècte de delegacion as comissions era reforma der Estatut, es leis de desenvolopament basic, eth pressupòst dera Generalitat e es leis de delegacion legislativa ath Govèrn.

ARTICLE 63. DELEGACION EN GOVÈRN DERA POTESTAT LEGISLATIVA

1. Eth Parlament pòt delegar en Govèrn era potestat de dictar normes damb reng de lei. Es disposicions deth Govèrn que contien legislacion delegada an eth nòm de decretis legislatius. Non pòden èster objècte de delegacion legislativa era reforma der Estatut, es leis de desenvolopament basic, exceptat que se delègue er establiment d'un tèxte rehonut, era regulacion essenciau e eth desenvolopament dirècte des drets reconeishuts per Estatut e pera Carta des drets e es déuers des ciutadans de Catalonha e eth pressupòst dera Generalitat.



PARLAMENT DE CATALUNYA

2. Era delegacion legislativa sonque se pòt autrejjar ath Govèrn. Era delegacion a d'èster exprèssa, mejançant ua lei, entà ua matèria concrèta e damb era determinacion d'un tèrme entà hèr-ne usatgr. Era delegacion s'agòte quan eth Govèrn publique eth decret legislatiu corresponent o quan eth Govèrn se trape en funcions.
3. Quan se tracte d'autorizar ath Govèrn entà formular un nau tèxte articulat, es leis de delegacion an de fixar es bases as quaus s'a d'ajustar eth Govèrn en exercici dera delegacion legislativa. Quan se tracte d'autorizar ath Govèrn a rehóner tèxtes legaus, es leis an de determinar era artenhuda e es critèris dera rehonuda.
4. Eth contròtle dera legislacion delegada ei regulat peth Reglament deth Parlament. Es leis de delegacion tanben pòden establir un regim de contròtle especiau entàs decrets legislatius.

ARTICLE 64. DECRETS LEI

1. En cas d'un besonh extraordinari e urgent, eth Govèrn pòt dictar disposicions legislatives provisionaus sus era forma de decret lei. Non pòden èster objècte de decret lei era reforma der Estatut, es matèries que son objècte de leis de desenvolopament basic, era regulacion essenciau e eth desenvolopament dirècte des drets reconeishuts per Estatut e pera Carta des drets e es déuers des ciutadans de Catalonha e eth pressupòst dera Generalitat.
2. Es decrets lei demoren derogats s'en tèrme improrrogable des trenta dies subsegüents ara promulgacion non son validats exprèssament peth Parlament despús d'un debat e ua votacion de totalitat.
3. Eth Parlament pòt tramitar es decrets lei coma projectes de lei peth procediment d'urgéncia, laguens deth tèrme establít per apartat 2.

ARTICLE 65. PROMULGACION E PUBLICACION DES LEIS

Es leis de Catalonha son promulgades, en nòm deth rei, peth president o presidenta dera Generalitat, eth quau n'ordene era publicacion en *Diari Oficial de la Generalitat de Catalunya* en tèrme de quinze dies des dera aprobacion, e en *Boletín Oficial del Estado*. Ar efècte dera entrada en vigor, regís era data de publicacion en *Diari Oficial de la*



PARLAMENT DE CATALUNYA

Generalitat de Catalunya. Era version oficiau en castelhan ei era traduccion elaborada pera Generalitat.

ARTICLE 66. CAUSES D'ACABAMENT DERA LEGISLATURA

Era legislatura acabe per expiracion deth mandat legau en complir-se es quate ans dera data des eleccions. Tanben pòt acabar anticipadament se non a lòc era investidura deth president o presidenta dera Generalitat, o per dissolucion anticipada, acordada peth president o presidenta dera Generalitat.

CAPÍTOL II. ETH PRESIDENT O PRESIDENTA DERA GENERALITAT

ARTICLE 67. ELECCION, NOMENAMENT, ESTATUT PERSONAU, CESSAMENT E COMPETÉNCIES

1. Eth president o presidenta a era mès nauta representacion dera Generalitat e dirigís era accion deth Govern. Tanben a era representacion ordinària der Estat en Catalonha.
2. Eth president o presidenta dera Generalitat ei escuelhut peth Parlament d'enter es sòns membres. Se pòt regular per lei era limitacion de mandats.
3. Se, un còp transcorreguts dus mesi des dera prumèra votacion d'investidura, cap candidat o candidata non ei escuelhut, eth Parlament demore dissolvut automaticament e eth president o presidenta dera Generalitat en foncions convòque eleccions de manèra immediata, qu'an d'auer lòc enter quaranta e seishanta dies despús dera convocatòria.
4. Eth president o presidenta dera Generalitat ei nomenat peth rei.
5. Ua lei deth Parlament regule er estatut personau deth president o presidenta dera Generalitat. As efèctes de precedéncies e protocòl en Catalonha, eth president o presidenta dera Generalitat a era posicion preeminenta, que li correspon coma representant dera Generalitat e der Estat en Catalonha.
6. Coma representant ordinari der Estat en Catalonha, correspon ath president o presidenta:



PARLAMENT DE CATALUNYA

a) Promulgar, en nòm deth rei, es leis, es decretès lei e es decretès legislatius de Catalonha e ordenar-ne era publicacion.

b) Ordenar era publicacion des nomenaments des cargues institucionaus der Estat en Catalonha.

c) Demandar era collaboracion as autoritats der Estat qu'exercissen foncions publiques en Catalonha.

d) Es autes que determinen es leis.

7. Eth president o presidenta dera Generalitat cesse per renovacion deth Parlament pr'amor d'ues eleccions, per aprobacion d'ua mocion de censura o denegacion d'ua qüestion de confiança, per mòrt, per dimission, per incapacitat permanenta, fisica o mentau, reconeishuda peth Parlament, que l'inabilite entar exercici deth cargue, e per condemna penau fèrma que compòrte era inhabilitacion entar exercici de cargues publics.

8. Eth conselher prumèr o conselhera prumèra, se n'í a, o eth conselher o conselhera que determine era lei, suplís e substituís ath president o presidenta dera Generalitat enes casi d'abséncia, malautia, cessament per causa d'incapacitat e mòrt. Era supléncia e era substitucion non permeten exercir es atribucions deth president o presidenta relatives ath plantejament d'ua qüestion de confiança, era designacion e eth cessament des conselhèrs e era dissolucion anticipada deth Parlament.

9. Eth president o presidenta dera Generalitat, se non a nomenat un conselher prumèr o conselhera prumèra, pòt delegar temporaument foncions executives en un des conselhèrs.



PARLAMENT DE CATALUNYA

CAPÍTOL III. ETH GOVÈRN E ERA ADMINISTRACION DERA GENERALITAT

SECCION PRUMÈRA. ETH GOVÈRN

ARTICLE 68. FONCIONS, COMPOSICION, ORGANIZACION E CESSAMENT

1. Eth Govèrn ei er organ superior collegiat que dirigís era accion politica e era Administracion dera Generalitat. Exercís era foncion executiva e era potestat reglamentària cossent damb aquest Estatut e es leis.
2. Eth Govèrn se compause deth president o presidenta dera Generalitat, eth conselhèr prumèr o conselhèra prumèra, s'ei de besonh, e es conselhèrs.
3. Ua lei a de regular era organizacion, eth funcionament e es atribucions deth Govèrn.
4. Eth Govèrn cesse quan ac hè eth president o presidenta dera Generalitat.
5. Es actes, es disposicions generaus e es normes qu'emanen deth Govèrn o dera Administracion dera Generalitat an d'èster publicats en *Diari Oficial de la Generalitat de Catalunya*. Aquesta publicacion ei sufisenta, a toti es efèctes, entara eficàcia des actes e entara entrada en vigor des disposicions generaus e es normes.

ARTICLE 69. ETH CONSELHÈR PRUMÈR O CONSELHÈRA PRUMÈRA

Eth president o presidenta dera Generalitat per decret pòt nomenar e separar un conselhèr prumèr o conselhèra prumèra, dera quau causa a de dar compde ath Parlament. Eth conselhèr prumèr o conselhèra prumèra ei membre deth Govèrn. Eth conselhèr prumèr o conselhèra prumèra, cossent damb çò qu'establís era lei, a foncions pròpries, ath delà des delegades peth president o presidenta.

ARTICLE 70. ESTATUT PERSONAU DES MEMBRES DETH GOVÈRN

1. Eth president o presidenta dera Generalitat e es conselhèrs, pendent es sòns mandats e pes actes presumptament delictius cometuts en territòri de Catalonha, non pòden èster detenguts ne retenguts exceptat en cas de delicte flagrant.



PARLAMENT DE CATALUNYA

2. Correspon ath Tribunau Superior de Justícia de Catalonha decidir sus era inculpacion, eth processament e er enjudiciament deth president o presidenta dera Generalitat e des conselhèrs. Dehòra deth territòri de Catalonha era responsabilitat penau ei exigibla enes madeishi tèrmes dauant era Sala Penau deth Tribunau Suprem.

SECCION DUSAU. ERA ADMINISTRACION DERA GENERALITAT

ARTICLE 71. DISPOSICIONS GENERAUS E PRINCIPIS D'ORGANIZACION E FONCIONAMENT

1. Era Administracion dera Generalitat ei era organizacion qu'exercís es funcions executives atribuïdes per aquest Estatut ara Generalitat. A era condicion d'administracion ordinària cossent damb çò qu'establissen aquest Estatut e es leis, sense perjudici des competéncies que corresponen ara Administracion locau.

2. Era Administracion dera Generalitat servís damb objectivitat as interèssi generaus e actue damb somission plea as leis e ath dret.

3. Era Administracion dera Generalitat actue cossent damb es principis de coordinacion e transversalitat, damb finalitat de garantir era integracion des politiques publicques.

4. Era Administracion dera Generalitat, cossent damb eth principi de transparéncia, a de hèr publica era informacion de besonh entà qu'es ciutadans en poguen avalorar era gestion.

5. Era Administracion dera Generalitat exercís es sues funcions en territòri cossent damb es principis de desconcentracion e descentralizacion.

6. Es leis an de regular era organizacion dera Administracion dera Generalitat e an de determinar en tot cas:

a) Es modalitats de descentralizacion foncionau e es diuèrses formes de personificacion publica e privada que pòt adoptar era Administracion dera Generalitat.

b) Es formes d'organizacion e de gestion des servicis publiccs.



PARLAMENT DE CATALUNYA

c) Era actuacion dera Administracion dera Generalitat en regim de dret privat, e tanben era participacion deth sector privat ena execucion des politiquas publicas e era prestacion des servicis publicis.

7. S'a de regular per lei er estatut juridic deth personau ath servici dera Administracion dera Generalitat, en tot includir-i, en tot cas, eth regim d'incompatibilitats, era garantia de formacion e actualizacion des coneishements e era praxi de besonh entà complir es foncions publicas.

ARTICLE 72. ORGANS CONSULTIUS DETH GOVÈRN

1. Era Comission Juridica Assessora ei eth naut organ consultiu deth Govèrn. Ua lei deth Parlament en regule era composicion e es foncions.

2. Eth Conselh de Trebalh, Economic e Sociau de Catalonha ei er organ consultiu e d'assessorament deth Govèrn en matèries socioeconomiques, laboraus e aucupacionaus. Ua lei deth Parlament en regule era composicion e es foncions.

CAPÍTOL IV. ES RELACIONS ENTER ETH PARLAMENT E ETH GOVÈRN

ARTICLE 73. DRETS E OBLIGACIONS DES MEMBRES DETH GOVÈRN VÈRS ETH PARLAMENT

1. Eth president o presidenta dera Generalitat e es conselhèrs an eth dret d'assistir tàs amassades deth Plen e des comissions parlamentàries e prener-i era paraula.

2. Eth Parlament pòt requerir ath Govèrn e as sòn membres era informacion que considèra de besonh entar exercici des sues foncions. Tanben en pòt requerir era preséncia en Plen e enes comissions, enes tèrmes qu'establís eth Reglament deth Parlament.



PARLAMENT DE CATALUNYA

ARTICLE 74. RESPONSABILITAT POLITICA DETH GOVÈRN E DES SÒNS MEMBRES

1. Eth president o presidenta dera Generalitat e es conselhèrs responen politicament dauant eth Parlament de forma solidària, sense perjudici dera responsabilitat dirècta de cadun d'eri.
2. Era delegacion de foncions deth president o presidenta dera Generalitat non lo desliure dera sua responsabilitat politica dauant eth Parlament.

ARTICLE 75. DISSOLUCION ANTICIPADA DETH PARLAMENT

Eth president o presidenta dera Generalitat, damb era deliberacion prealablea deth Govèrn e sus era sua exclusiva responsabilitat, pòt dissòlver eth Parlament. Aquesta facultat non pòt èster exercida quan sigue en tràmit ua mocion de censura e tanpòc se non a transcorrut un an coma minim des dera darrèra dissolucion per aquest procediment. Eth decret de dissolucion a d'establir era convocatòria de naues eleccions, qu'an d'auer lòc enter es quaranta e es seishanta dies següents ara data de publicacion deth decret en *Diari Oficial de la Generalitat de Catalunya*.

CAPÍTOL V. D'AUTES INSTITUCIONS DERA GENERALITAT

SECCION PRUMÈRA. ETH CONSELH DE GARANTIES ESTATUTÀRIES

ARTICLE 76. FONCIONS

1. Eth Conselh de Garanties Estatutàries ei era institucion dera Generalitat que velhe pera adequacion ad aquest Estatut e ara Constitucion des disposicions dera Generalitat enes tèrmes qu'establís er apartat 2.
2. Eth Conselh de Garanties Estatutàries pòt dictaminar, enes tèrmes qu'establisque era lei, enes casi següents:
 - a) Era adequacion ara Constitucion des projectes e des proposicions de reforma der Estatut d'autonomia de Catalonha abans qu'eth Parlament les apròve.



PARLAMENT DE CATALUNYA

b) Era adequacion ad aquest Estatut e ara Constitucion des projèctes e des proposicions de lei sometuts a debat e aprobacion deth Parlament e des decretès lei sometuts a convalidacion deth Parlament.

c) Era adequacion ad aquest Estatut e ara Constitucion des projèctes de decretè legislatiu aprovats peth Govèrn.

d) Era adequacion des projèctes e des proposicions de lei e des projèctes de decretè legislatiu aprovats peth Govèrn ara autonomia locau enes tèrmes que garantís aquest Estatut.

3. Eth Conselh de Garanties Estatutàries a de dictaminar abans dera interposicion deth recors d'inconstitucionalitat peth Parlament o peth Govèrn, abans dera interposicion de conflicte de competència peth Govèrn e abans dera interposicion de conflicte de defensa dera autonomia locau dauant eth Tribunalau Constitucionau.

4. Es dictamens deth Conselh de Garanties Estatutàries an caractèr vinculant en çò que hè as projèctes de lei e es proposicions de lei deth Parlament que desvolopen o afècten a drets reconeishuts per aquest Estatut.

ARTICLE 77. COMPOSICION E FONCIONAMENT

1. Eth Conselh de Garanties Estatutàries ei format per membres nomenats peth president o presidenta dera Generalitat enter juristes de reconeishuda competència, dues tresaus parts des quaus a prepausa deth Parlament, per majoria de tres cincaus parts des deputats, e ua tresau part a prepausa deth Govèrn.

2. Es membres deth Conselh de Garanties Estatutàries an d'escuélher d'enter eri eth president o presidenta.

3. Ua lei deth Parlament regule era composicion e eth foncionament deth Conselh de Garanties Estatutàries, er estatut des membres e es procediments relatius ar exercici des sues funcions. Se pòden agranir per lei es funcions dictaminadores deth Conselh de Garanties Estatutàries qu'establís aquest Estatut sense atribuir-les caractèr vinculant.

4. Eth Conselh de Garanties Estatutàries a autonomia organica, foncionau e pressupostària cossent damb era lei.



PARLAMENT DE CATALUNYA

SECCION DUSAU. ETH SINDIC DE GRÈUGES

ARTICLE 78. FONCIONS E RELACIONS DAMB ES AUTES INSTITUCIONS ANALÒGUES

1. Eth Sindic de Grèuges a era foncion de protegir e deféner es drets e es libertats que reconeishen era Constitucion e aquest Estatut. Damb aquesta finalitat supervise, damb caractèr exclusiu, era activitat dera Administracion dera Generalitat, era des organismes publics o privats vinculats o que ne depenen, era des empreses privades que gestionen servicis publics o complissen activitats d'interès generau o universau o activitats equivalents de manèra concertada o indirècta e era des autes persones damb ligam contractuau damb era Administracion dera Generalitat e damb es entitats publiques que ne depenen. Tanben supervise era activitat dera Administracion locau de Catalonha e era des organismes publics o privats viculats o que ne depenen.

2. Eth Sindic de Grèuges e eth Defensor deth Pòble collabòren en exercici des sues foncions.

3. Eth Sindic de Grèuges pòt sollicitar dictamen ath Conselh de Garanties Estatutàries sus es projèctes e es proposicions de lei sosmetudi a debat e aprobacion deth Parlament e des decretès lei sosmetudi a convalidacion deth Parlament, quan regulen drets reconeishudi per aquest Estatut.

4. Eth Sindic de Grèuges pòt establir relacions de collaboracion damb es defensors locals dera ciutadania e d'autes figures analògues creades en encastre public e eth privat.

5. Es administracions publiques de Catalonha e es autes entitats e persones a qué hè referéncia er apartat 1 an era obligacion de cooperar damb eth Sindic de Grèuges. S'an de regular per lei es sancions e es mecanismes destinadi a garantir eth compliment d'aquesta obligacion.

ARTICLE 79. DESIGNACION E ESTATUT DETH SINDIC DE GRÈUGES

1. Eth sindic o sindica de grèuges ei escuelhut peth Parlament per majoria de tres cincaus parts des sòns membres.



PARLAMENT DE CATALUNYA

2. Eth sindic o sindica de grèuges exercís es sues foncions damb imparcialitat e independéncia, ei inviolable pes opinions expressades en exercici des sues foncions, ei inamobile e sonque pòt èster destituït e suspenut pes causes qu'establís era lei.

3. S'an de regular per lei er estatut personau deth sindic de grèuges, es incompatibilitats, es causes de cessament, era organizacion e es atribucions dera institucion. Eth Sindic de Grèuges gaudís d'autonomia reglamentària, organizativa, foncionau e pressupostària cossent damb es leis.

SECCION TRESAU. ERA SINDICATURA DE COMPDES

ARTICLE 80. FONCTIONS E RELACIONS DAMB ETH TRIBUNAU DE COMPDES

1. Era Sindicatura de Compdes ei er organ fiscalizador extèrn des compdes, dera gestion economica e deth contròtle d'eficiéncia dera Generalitat, des ens locaux e dera rèsta deth sector public de Catalonha.

2. Era Sindicatura de Compdes depen organicament deth Parlament, exercís es sues foncions per delegacion d'aguest e damb plea autonomia organizativa, foncionau e pressupostària, cossent damb es leis.

3. Era Sindicatura de Compdes e eth Tribunau de Compdes an d'establir es sues relacions de cooperacion mejançant un convèni. En aquest convèni s'an d'establir es mecanismes de participacion enes procediments jurisdiccionaus sus responsabilitat compdabla.

ARTICLE 81. COMPOSICION, FONCIONAMENT E ESTATUT PERSONAU

1. Era Sindicatura de Compdes ei formada per sindics designats peth Parlament per majoria de tres cincaus parts. Es sindics escuelhen d'enter eri eth sindic o sindica major.

2. S'an de regular per lei er estatut personau, es incompatibilitats, es causes de cessament, era organizacion e eth foncionament dera Sindicatura de Compdes.



PARLAMENT DE CATALUNYA

SECCION QUATAU. REGULACION DETH CONSELH DER AUDIOVISUAU DE CATALONHA

ARTICLE 82. ETH CONSELH DER AUDIOVISUAU DE CATALONHA

Eth Conselh der Audiovisuau de Catalonha ei era autoritat reguladora independenta en encastre dera comunicacion audiovisuau publica e privada. Eth Conselh actue damb plea independència deth Govèrn dera Generalitat en exercici des sues foncions. Ua lei deth Parlament a d'establir es critèris d'eleccion des sòns membres e es sòns encastres especifics d'actuacion.

CAPÍTOL VI. ETH GOVÈRN LOCAU

SECCION PRUMÈRA. ORGANIZACION TERRITORIAU LOCAU

ARTICLE 83. ORGANIZACION DETH GOVÈRN LOCAU DE CATALONHA

1. Catalonha estructure era sua organizacion territoriau basica en municipis e vegueries.
2. Er encastre supramunicipau ei constituït, en tot cas, pes comarques, qu'a de regular ua lei deth Parlament.
3. Es auti ens supramunicipaus que cree era Generalitat se fundamenten ena volentat de colaboracion e associacion des municipis.

ARTICLE 84. COMPETÉNCIES LOCAUS

1. Aquest Estatut garantís as municipis un nuclèu de competéncies pròpies qu'an d'èster exercides per aquestes entitats damb plea autonomia, subjècta sonque a contròtle de constitucionalitat e de legalitat.
2. Es govèrns locals de Catalonha an en tot cas competéncies pròpies sus es matèries que seguissen, enes tèrmes que determinen es leis:



PARLAMENT DE CATALUNYA

- a) Era ordenacion e era gestion deth territori, er urbanisme e era disciplina urbanistica e era conservacion e eth manteniment des bens de domeni public locau.
- b) Era planificacion, era programacion e era gestion d'abitatge public e era participacion ena planificacion en sòu municipau der abitatge de proteccion oficiau.
- c) Era ordenacion e era prestacion de servicis basics ara comunitat.
- d) Era regulacion e era gestion des equipaments municipaus.
- e) Era regulacion des condicions de seguretat enes activitats organizes en espacis publics e en locals de concurrència publica. Era coordinacion mejançant era Junta de Seguretat des diuèrsi còssi e fòrces presents en municipi.
- f) Era proteccion civila e era prevencion d'incendis.
- g) Era planificacion, era ordenacion e era gestion dera educacion infantila e era participacion en procès de matriculacion enes centres publics e concertats deth tèrme municipau, eth manteniment e er aprofitament, dehòra der orari escolar, des centres publics e eth calendari escolar.
- h) Era circulacion e es servicis de mobilitat e era gestion deth transport de viatgèrs municipau.
- i) Era regulacion der establiment d'autorizacions e promocions de tota sòrta d'activitats econòmiques, especialment es de caractèr comerciau, artesanau e toristic e foment dera aucupacion.
- j) Era formulacion e era gestion de politiques entara proteccion deth miei ambient e eth desenvolopament sostenible.
- k) Era regulacion e era gestion des equipaments esportius e de léser e promocion d'activitats.
- l) Era regulacion der establiment d'infraestructures de telecomunicacions e prestacion de servicis de telecomunicacions.
- m) Era regulacion e era prestacion des servicis d'atencion as persones, des servicis socials publics d'assistència primària e foment des politiques d'acuelhement des immigrants.



PARLAMENT DE CATALUNYA

n) Era regulacion, era gestion e era susvelhança des activitats e usi que s'amien a tèrme enes plages, enes arrius, enes lacs e ena montanha.

3. Era distribucion des responsabilitats administratives enes matèries a qué se referís er apartat 2 enter es dièrses administracions locals a de tier en compde era sua capacitat de gestion e se regís pes leis aprovades peth Parlament, peth principi de subsidiarietat, cossent damb çò qu'establís era Carta europèa dera autonomia locau, peth principi de diferenciacion, cossent damb es caracteristiques que presente era realitat municipau, e peth principi de sufisença financièra.

4. Era Generalitat a de determinar e fixar es mecanismes entath finançament des nauï servicis derivats der agraniment der espaci competenciau des govèrns locals.

ARTICLE 85. ETH CONSELH DE GOVÈRNS LOCAUS

Eth Conselh de Govèrns Locaus ei er organ de representacion de municipis e vegueries enes institucions dera Generalitat. Eth Conselh a d'èster escotat ena tramitacion parlamentària des iniciatives legislatives qu'afècten de manèra especifica as administracions locals e ena tramitacion de plans e normes reglamentàries de caractèr identic. Ua lei deth Parlament regule era composicion, era organizacion e es foncions deth Conselh de Govèrns Locaus.

SECCION DUSAU. ETH MUNICIPI

ARTICLE 86. ETH MUNICIPI E ERA AUTONOMIA MUNICIPAU

1. Eth municipi ei er ens locau basic dera organizacion territoriau de Catalonha e eth miei essenciau de participacion dera comunitat locau enes ahèrs publics.

2. Eth govèrn e era administracion municipaus corresponen ar ajuntament, format peth baile o bailessa e es còssos. S'an d'establir per lei es requisits que s'an de complir entara aplicacion deth regim de conselh dubèrt.

3. Aquest Estatut garantís ath municipi era autonomia entar exercici des competéncias qu'a encomanades e era defensa des interèssi pròpris dera collectivitat que represente.



PARLAMENT DE CATALUNYA

4. Es actes e es acòrds adoptadi pes municipis non pòden èster objècte de contròtle d'oportunitats per ua auta administracion.
5. Correspon ara Generalitat eth contròtle dera adequacion ar ordenament juridic des actes e es acòrds adoptats pes municipis e, s'ei de besonh, era impugnacion corresponenta dauant era jurisdiccion contenciosa administrativa, sense prejudici des accions qu'er Estat pogue emprèner en defensa des sues competéncias.
6. Es còssos son escuelhuts pes vesins des municipis mejançant sufragi universau, igual, liure, dirècte e secret.
7. Es concentracions de poblacion que laguens d'un municipi formen nuclèus desseparats se pòden constituïr en entitats municipaus descentralizadas. Era lei les a de garantir era descentralizacion e era capacitat sufisenta entà amiar a tèrme es activitats e prestar es servicis dera sua competéncia.

ARTICLE 87. PRINCIPIS D'ORGANIZACION E FONCIONAMENT E POTESTAT NORMATIVA

1. Es municipis dispausen de plea capacitat d'autoorganizacion laguens der encastre des disposicions generaus establides per lei en matèria d'organizacion e foncionament municipau.
2. Es municipis an dret a associar-se damb d'auti e a cooperar enter eri e damb d'auti ens publics entà exercir es sues competéncias, e tanben entà complir prètzhèts d'interès comun. Ad aguesti efèctes, an capacitat entà establir convènis e crear mancomunitats, consòrcis e associacions e participar-i, e tanben adoptar d'outes formes d'actuacion conjunta. Es leis non pòden limitar aquest dret se non ei entà garantir era autonomia des auti ens que l'an reconeishuda.
3. Es municipis an potestat normativa, coma expression deth principi democratic en qué se fundamenten, en encastre des sues competéncias e enes auti sus es quaus se projècte era sua autonomia.

ARTICLE 88. PRINCIPI DE DIFERENCIACION

Es leis qu'afècten ath regim juridic, organic, foncionau, competenciau e financièr des municipis an d'auer en compde necessàriament es diuèrses caracteristiques



PARLAMENT DE CATALUNYA

demografiques, geografiques, foncionaus, organizatives, de dimension e de capacitat de gestion qu'an.

ARTICLE 89. REGIM ESPECIAL DETH MUNICIPI DE BARCELONA

Eth municipi de Barcelona dispause d'un regim especial establert per lei deth Parlament. Er Ajuntament de Barcelona a iniciativa entà proposar era modificacion d'aguest regim especial e, cossent damb es leis e eth Reglament deth Parlament, a de participar ena elaboracion des projèctes de lei qu'incidissen en aguest regim especial e a d'èster consultat ena tramitacion parlamentària de d'autes iniciatives legislatives sus eth sòn regim especial.

SECCION TRESAU. ERA VEGUERIA

ARTICLE 90. ERA VEGUERIA

1. Era vegueria ei er encastre territorialu especific entar exercici deth govèrn intermunicipau de cooperacion locau e a personalitat juridica pròpria. Era vegueria tanben ei era division territorialu adoptada pera Generalitat entara organizacion territorialu des sòns servicis.
2. Era vegueria, coma govèrn locau, a natura territorialu e gaudís d'autonomia entara gestion des sòns interèssi.

ARTICLE 91. ETH CONSELH DE VEGUERIA

1. Eth govèrn e era administracion autonòma dera vegueria corresponen ath Conselh de Vegueria, format peth president o presidenta e pes conselhèrs de vegueria.
2. Eth president o presidenta de vegueria ei escuelhut pes conselhèrs de vegueria d'enter es sòns membres.
3. Es conselhs de vegueria substituïssen es deputacions.



PARLAMENT DE CATALUNYA

4. Era creacion, era modificacion e era supression, e tanben eth desplegament deth regim juridic des vegueries, son regulades per lei deth Parlament.

Era alteracion des limits provinciaus, se cau, s'a de portar a tèrme cossent damb çò qu'establís er article 141.1 dera Constitucion.

SECCION QUATAU. ERA COMARCA E ES AUTI ENS LOCAUS SUPRAMUNICIPAUS

ARTICLE 92. ERA COMARCA

1. Era comarca se configure coma ens locau damb personalitat juridica pròpria e ei formada pes municipis entara gestion de competéncies e servicis locals.

2. Era creacion, era modificacion e era supression des comarques, e tanben er establiment deth regim juridic d'aguesti ens, son regulats per ua lei deth Parlament.

ARTICLE 93. ES AUTI ENS LOCAUS SUPRAMUNICIPAUS

Es auti ens locals supramunicipaus se fundamenten ena volentat de collaboracion e associacion des municipis e en reconeishement des airaus metropolitans. Era creacion, era modificacion e era supression, e tanben er establiment deth regim juridic d'aguesti ens, son regulats per ua lei deth Parlament.

CAPÍTOL VII. ORGANIZACION INSTITUCIONAU PRÒPRIA D'ARAN

ARTICLE 94. REGIM JURIDIC

1. Aran dispause d'un regim juridic especiau establít per lei deth Parlament. Mejançant aquest regim se reconeish era especificitat dera organizacion institucionau e administrativa d'Aran e se'n garantís era autonomia entà ordenar e gestionar es ahèrs publics deth sòn territòri.

2. Era institucion de govèrn d'Aran ei eth Conselh Generau, qu'ei format peth Sindic, eth Plen des Conselhèrs e Conselhères Generaus e era Comission d'Auditors de



PARLAMENT DE CATALUNYA

Compdes. Eth sindic o sindica ei era mès nauta representacion e era ordinària dera Generalitat en Aran.

3. Era institucion de govèrn d'Aran ei escuelhuda mejançant sufragi universau, igual, liure, dirècte e secret, ena forma establida pera lei.

4. Eth Conselh Generau a competéncia enes matèries que determinen era lei reguladora deth regim especiau d'Aran e era rèsta de leis aprovades peth Parlament e es facultats qu'era lei li atribuís, especiaument, enes actuacions de montanha. Aran, mejançant era sua institucion representativa, a de participar ena elaboracion des iniciatives legislatives qu'afècten ath sòn regim especiau.

5. Ua lei deth Parlament establís es recorsi financers suficients entà qu'eth Conselh Generau pogue balhar es servicis dera sua competéncia.

TÍTOL III. DETH PODER JUDICIAU EN CATALONHA

CAPÍTOL I. ETH TRIBUNAU SUPERIOR DE JUSTÍCIA E ETH FISCAU O ERA FISCALA SUPERIOR DE CATALONHA

ARTICLE 95. ETH TRIBUNAU SUPERIOR DE JUSTÍCIA DE CATALONHA

1. Eth Tribunal Superior de Justícia de Catalonha ei er organ jurisdiccional en qué culmine era organizacion judicial en Catalonha e ei competent, enes tèrmes establits pera lei organica corresponenta, entà conéisher des recorsi e des procediments enes dièrsi ordes jurisdiccionalaus e entà tutelar es dreus reconeishuts per aquest Estatut. En tot cas, eth Tribunal Superior de Justícia de Catalonha ei competent enes ordes jurisdiccionalaus civiu, penau, contenciós administratiu e social e enes auti que se poguen crear en futur.

2. Eth Tribunal Superior de Justícia de Catalonha ei era darrèra instància jurisdiccionala de toti es procèssi iniciats en Catalonha, e de toti es recorsi que se tramiten en sòn encastre territorial, sigue quin sigue eth dret invocat coma aplicable, cossent damb era Lei organica deth poder judicial e sense perjudici dera competéncia reservada ath Tribunal Suprem entara unificacion de doctrina. Era Lei organica deth poder judicial a de determinar era artenhuda e eth contengut des recorsi nomentadi.



PARLAMENT DE CATALUNYA

3. Correspon en exclusiva ath Tribunau Superior de Justícia de Catalonha era unificacion dera interpretacion deth dret de Catalonha.
4. Correspon ath Tribunau Superior de Justícia de Catalonha era resolucio des recorsi extraordinaris de revision qu'autorize era lei contra es resolucions fèrmes dictades pes organs judiciaus de Catalonha.
5. Eth president o presidenta deth Tribunau Superior de Justícia de Catalonha ei eth representant deth poder judiciu en Catalonha. Ei nomenat peth rei, a prepausa deth Conselh Generau deth Poder Judiciu e damb era participacion deth Conselh de Justícia de Catalonha, enes tèrmes que determine era Lei organica deth poder judiciu. Eth president o presidenta dera Generalitat ordene que se'n publike eth nomenament en *Diari Oficial de la Generalitat de Catalunya*.
6. Es presidents de sala deth Tribunau Superior de Justícia de Catalonha son nomenats a prepausa deth Conselh Generau deth Poder Judiciu e damb era participacion deth Conselh de Justícia de Catalonha, enes tèrmes que determine era Lei organica deth poder judiciu.

ARTICLE 96. ETH FISCAU O ERA FISCALA SUPERIOR DE CATALONHA

1. Eth fiscau o era fiscala superior de Catalonha ei eth fiscau o era fiscala en cap deth Tribunau Superior de Justícia de Catalonha, represente eth Ministèri Fiscau en Catalonha e ei designat enes tèrmes qu'establís eth sòn estatut organic.
2. Eth president o presidenta dera Generalitat ordene era publicacion deth nomenament deth fiscau o era fiscala superior de Catalonha en *Diari Oficial de la Generalitat de Catalunya*.
3. Eth fiscau o era fiscala superior de Catalonha a de traméter ua còpia dera memòria anuau dera Fiscalia deth Tribunau Superior de Justícia de Catalonha ath Govèrn, ath Conselh de Justícia de Catalonha e ath Parlament, e a de presentar-la dauant d'aguest laguens es sies mesi següents ath dia en qué se hè publica.



PARLAMENT DE CATALUNYA

4. Es funcions deth fiscau o era fiscalia superior de Catalonha son es qu'establís er Estatut organic deth Ministèri Fiscau. Era Generalitat pòt soscriuer convènis damb eth Ministèri Fiscau.

CAPÍTOL II. ETH CONSELH DE JUSTÍCIA DE CATALONHA

ARTICLE 97. ETH CONSELH DE JUSTÍCIA DE CATALONHA

Eth Conselh de Justícia de Catalonha ei er organ de govèrn deth poder judiciu en Catalonha. Actue coma organ desconcentrat deth Conselh Generau deth Poder Judiciu, sense perjudici des competéncias d'aguest darrèr, cossent damb çò qu'establís era Lei organica deth poder judiciu.

ARTICLE 98. ATRIBUCIONS

1. Es atribucions deth Conselh de Justícia de Catalonha son es qu'establissen aguest Estatut, era Lei organica deth poder judiciu, es leis qu'apròve eth Parlament e es que, s'ei de besonh, li delègue eth Conselh Generau deth Poder Judiciu.

2. Es atribucions deth Conselh de Justícia de Catalonha respècte as organs jurisdiccionalaus plaçats en territòri de Catalonha son, cossent damb çò qu'establís era Lei organica deth poder judiciu, es següentes:

a) Participar ena designacion deth president o presidenta deth Tribunau Superior de Justícia de Catalonha, e tanben ena designacion des presidents de sala deth dit Tribunau Superior e des presidents des audiéncias provinciaus.

b) Propasar ath Conselh Generau deth Poder Judiciu e expedir es nomenaments e es cessaments des jutges e magistrats incorporats ara carrèra judiciu temporaument damb funcions d'assisténcia, supòrt o substitucion, e tanben determinar era adscripcion d'aguesti jutges e magistrats as organs judiciais que requerisquen mesures de refòrç.

c) Instruïr expedients e, en generau, exercir es funcions disciplinàries sus jutges e magistrats, enes tèrmes qu'establissen es leis.



PARLAMENT DE CATALUNYA

d) Participar ena planificacion dera inspeccion de jutjats e tribunaus; ordenar-ne, se cau, era inspeccion e era susvelhança, e hèr prepauses en aquest encastre; atier es ordes d'inspeccion des jutjats e tribunaus qu'acòrde eth Govèrn, e dar compde dera resolucion e des mesures adoptades.

e) Informar sus es recorsi d'alçada interposats contra es acòrds des organs de govèrn des tribunaus e jutjats de Catalonha.

f) Precisar e aplicar, quan escaigue, en encastre de Catalonha, es reglaments deth Conselh Generau deth Poder Judiciau.

g) Informar sus es prepauses de revision, delimitacion e modificacion des demarcacions territoriaus des organs jurisdiccionalus e sus es prepauses de creacion de seccions e jutjats.

h) Presentar ua memòria anuau en Parlament sus er estat e eth foncionament dera Administracion de justícia en Catalonha.

i) Totes es foncions que li atribuïsqnen era Lei organica deth poder judiciau e es leis deth Parlament, e es que li delègue eth Conselh Generau deth Poder Judiciau.

3. Es resolucions deth Conselh de Justícia de Catalonha en matèria de nomenaments, autorizacions, licéncies e permisi s'an adoptar cossent damb es critèris aprovats peth Conselh Generau deth Poder Judiciau.

4. Eth Conselh de Justícia de Catalonha, mejançant eth sòn president o presidenta, a de comunicar ath Conselh Generau deth Poder Judiciau es resolucions que dicte e es iniciatives qu'empregue e a de facilitar era informacion que li sigue demanada.

ARTICLE 99. COMPOSICION, ORGANIZACION E FONCIONAMENT

1. Eth Conselh de Justícia de Catalonha ei integrat peth president o presidenta deth Tribunal Superior de Justícia de Catalonha, que lo presidís, e pes membres que siguen nomenats cossent damb çò qu'establís era Lei organica deth poder judiciau, entre jutges, magistrats, fiscaus o juristas de reconeishut prestigi. Eth Parlament de Catalonha designe es membres deth Conselh que determine era Lei organica deth poder judiciau.



PARLAMENT DE CATALUNYA

2. Eth Conselh de Justícia de Catalonha apròve eth sòn reglament intèrn d'organizacion e foncionament, cossent damb era normativa aplicabla.

ARTICLE 100. CONTRÒTLE DES ACTES DETH CONSELH DE JUSTÍCIA DE CATALONHA

1. Es actes deth Conselh de Justícia de Catalonha son impugnables en alçada dauant eth Conselh Generau deth Poder Judiciau, exceptat qu'agen estat dictats en exercici de competéncies dera comunautat autònoma.

2. Es actes deth Conselh de Justícia de Catalonha que non siguen impugnables en alçada dauant eth Conselh Generau deth Poder Judiciau se pòden impugnar jurisdiccionalment enes tèrmes establidi pes leis.

CAPÍTOL III. COMPETÉNCIES DERA GENERALITAT SUS ERA ADMINISTRACION DE JUSTÍCIA

ARTICLE 101. OPOSICIONS E CONCORSI

1. Era Generalitat prepausa ath Govèrn der Estat, ath Conselh Generau deth Poder Judiciau o ath Conselh de Justícia de Catalonha, segontes que correspongue, era convocatòria d'oposicions e concorsi entà provedir es places vacantes de magistrats, jutges e fiscaus en Catalonha.

2. Eth Conselh de Justícia de Catalonha convòque es concorsi entà provedir places vacantes de jutges e magistrats en Catalonha enes tèrmes establidi pera Lei organica deth poder judiciau.

3. Es pròves des concorsi e es oposicions regulats per aquest article, s'an lòc en Catalonha, pòden hèr-se en quinsevolh des dues lengües oficiaus, a eleccion deth candidat.



PARLAMENT DE CATALUNYA

ARTICLE 102. ETH PERSONAU JUDICIAU E ERA RÈSTA DETH PERSONAU ATH SERVICI DERA ADMINISTRACION DE JUSTÍCIA EN CATALONHA

1. Es magistrats, es jutges e es fiscaus qu'ocupen ua plaça en Catalonha an d'acreditar un coneishement adequat e sufisent deth catalan entà hèr efectius es drets lingüistics des ciutadans ena forma e damb era arthenhuda que determine era lei.
2. Es magistrats, es jutges e es fiscaus qu'ocupen ua plaça en Catalonha an d'acreditar un coneishement sufisent deth dret pròpri de Catalonha ena forma e damb era arthenhuda que determine era lei.
3. En tot cas, eth coneishement sufisent dera lengua e deth dret pròpris a d'èster avalorat d'ua manèra especifica e singulara entà obtier ua plaça enes concorsi de traslats corresponents.
4. Eth personau ath servici dera Administracion de justícia e dera Fiscalia en Catalonha a d'acreditar un coneishement adequat e sufisent des dues lengües oficials que lo hè apte entà complir es foncions pròpies deth sòn cargue o lòc de treball.

ARTICLE 103. MIEIS PERSONAUS

1. Correspon ara Generalitat era competència normativa sus eth personau non judiciau ath servici dera Administracion de justícia, damb eth respècte der estatut juridic d'aguest personau establít pera Lei organica deth poder judiciau. Enes tèrmes nomentadi, aguesta competència includís era regulacion de:
 - a) Era organizacion d'aguest personau en còssi e escales.
 - b) Eth procès de seleccion.
 - c) Era promocion intèrna, era formacion inicial e era formacion contunhada.
 - d) Era provision de destinacions e ascensi.
 - e) Es situacions administratives.
 - f) Eth regim de retribucions.
 - g) Era jornada laborau e er orari de treball.
 - h) Era ordenacion dera activitat professionau e es foncions.



PARLAMENT DE CATALUNYA

i) Es licéncies, es permisi, es vacances e es incompatibilitats.

j) Eth registre de personau.

k) Eth regim disciplinari.

2. Enes madeishi tèrmes qu'establís er apartat 1, correspon ara Generalitat era competéncia executiva e de gestion en matèria de personau non judiciu ath servici dera Administracion de justícia. Aquesta competéncia includís:

a) Aprovar era aufèrta d'aucupacion publica.

b) Convocar e resòlver toti es procèssi de seleccion, e era adscripcion as lòcs de treball.

c) Nomenar es foncionaris que supèren es procèssi selectius.

d) Impartir era formacion, prealabla e contunhada.

e) Elaborar es relacions de lòcs de treball.

f) Convocar e resòlver toti es procèssi de provision de lòcs de treball.

g) Convocar e resòlver toti es procèssi de promocion intèrna.

h) Gestionar eth Registre de Personau, coordinat damb er estatau.

i) Amiar tota era gestion d'aguest personau, en aplicacion deth sòn regim estatutari retributiu.

j) Exercir era potestat disciplinària e imposar es sancions que siguen de besonh, includida era separacion deth servici.

k) Exercir totes es autes foncions de besonh entà garantir ua gestion eficaça e eficienta des recorsi umans ath servici dera Administracion de justícia.

3. En marc de çò que dispause era Lei organica deth poder judiciu, se pòden crear per lei deth Parlament còssi de foncionaris ath servici dera Administracion de justícia deperents dera foncion publica dera Generalitat.

4. Era Generalitat dispause de competéncia exclusiva sus eth personau laborau ath servici dera Administracion de justícia.



PARLAMENT DE CATALUNYA

ARTICLE 104. MIEIS MATERIAUS

Corresponen ara Generalitat es mieis materiaus dera Administracion de justícia en Catalonha. Aquesta competència incluidís en tot cas:

- a) Era construccion e era reforma des bastisses judiciaus e dera fiscalia.
- b) Era provision de bens mòbles e materiaus entàs dependències judiciaus e dera fiscalia.
- c) Era configuracion, era implantacion e eth manteniment de sistèmes informatics e de comunicacion, sense perjudici des competències de coordinacion e omologacion que corresponen ar Estat entà garantir era compatibilitat deth sistèma.
- d) Era gestion e era custòdia des archius, des pèces de conviccion e des efèctes intervenguts, en tot aquerò que non age natura jurisdiccional.
- e) Era participacion ena gestion des compdes de dipòsits e consignacions judiciaus e enes sòns rendiments en tot tier en compde eth volum dera activitat judiciau acomplida ena comunitat autonòma e eth còst efectiu des servicis.
- f) Era gestion, era liquidacion e era recaptacion des taxes judiciaus qu'establisque era Generalitat en encastre des sues competències sus era Administracion de justícia.

ARTICLE 105. OFICINA JUDICIAU E INSTITUCIONS E SERVICIS DE SUPÒRT

Correspon ara Generalitat cossent damb era Lei organica deth poder judiciau, determinar era creacion, eth dessenh, era organizacion, era dotacion e era gestion des oficines judiciaus e des organs e es servicis de supòrt as organs jurisdiccionalaus, en tot includir-i era regulacion des institucions, es instituts e es servicis de medicina forenca e de toxicologia.

ARTICLE 106. JUSTÍCIA GRATUÏTA. PROCEDIMENTS DE MEDIACION E DE CONCILIACION

1. Correspon ara Generalitat era competència entà ordenar es servicis de justícia gratuïta e d'orientacion juridica gratuïta.



PARLAMENT DE CATALUNYA

2. Era Generalitat pòt establir es esturments e es procediments de mediacion e de conciliacion ena resolucion de conflictes enes matèries dera sua competència.

ARTICLE 107. DEMARCACION, PLANTA E CAPITALITAT JUDICIAUS

1. Eth Govèrn dera Generalitat, aumens cada cinc ans, damb er informe prealable deth Conselh de Justícia de Catalonha, a de prepausar ath Govèrn der Estat era determinacion e era revision dera demarcacion e era planta judiciais en Catalonha. Aquesta prepausa, qu'ei preceptiva, a d'acompanhar ath projècte de lei qu'eth Govèrn tramete as Corts Generaus.

2. Es modificacions dera planta judíciau que non compòrten reforma legislativa pòden correspóner ath Govèrn dera Generalitat. Tanben, era Generalitat pòt crear seccions e jutjats, per delegacion deth Govèrn der Estat, enes tèrmes establidi pera Lei organica deth poder judíciau.

3. Era capitalitat des demarcacions judiciais ei fixada per ua lei deth Parlament.

ARTICLE 108. JUSTÍCIA DE PATZ E DE PROXIMITAT

1. Era Generalitat a competència sus era justícia de patz, enes tèrmes qu'establisque era Lei organica deth poder judíciau. Enes madeishi tèrmes, correspon ath Conselh de Justícia de Catalonha eth nomentament des jutges. Era Generalitat tanben se hè cargue des sues indemnizacions e ei era competenta entara provision des mieis de besonh entar exercici des sues funcions. Li correspon tanben era creacion des secretaries e era sua provision.

2. Era Generalitat, enes poblacions que se determine e cossent damb çò que dispause era Lei organica deth poder judíciau, pòt instar que s'establisque un sistèma de justícia de proximitat qu'age per objectiu resòlver conflictes menors damb celeritat e eficàcia.

ARTICLE 109. CLÀUSULA SUBROGATÒRIA

Era Generalitat exercís, ultra es competències expèssament atribuïdes per aquest Estatut, totes es funcions e es facultats qu'era Lei organica deth poder judíciau



PARLAMENT DE CATALUNYA

reconeish ath Govèrn der Estat en çò que hè ara Administracion de justícia en Catalonha.

TÍTOL IV. DES COMPETÉNCIES

CAPÍTOL I. TIPOLOGIA DES COMPETÉNCIES

ARTICLE 110. COMPETÉNCIES EXCLUSIVES

1. Corresponen ara Generalitat, en encastre des sues competéncies exclusives, de manèra intègra, era potestat legislativa, era potestat reglamentària e era foncion executiva. Correspon unicament ara Generalitat er exercici d'aguestes potestats e foncions, mejançant es quaus pòt establir politiques pròpies.
2. Eth dret catalan, en matèria des competéncies exclusives dera Generalitat, ei eth dret aplicable en sòn territòri damb preferéncia sus quinsevolh aute.

ARTICLE 111. COMPETÉNCIES COMPARTIDES

Enes matèries qu'er Estatut atribuís ara Generalitat de forma compartida damb er Estat, corresponen ara Generalitat era potestat legislativa, era potestat reglamentària e era foncion executiva, en marc des bases que fixe er Estat coma principis o minim comun normatiu en normes damb reng de lei, exceptat enes supausats que se determinen cossent damb era Constitucion e damb aquest Estatut. En exercici d'aguestes competéncies, era Generalitat pòt establir politiques pròpies. Eth Parlament a de desplegar e concretar mejançant ua lei es dites disposicions basiques.

ARTICLE 112. COMPETÉNCIES EXECUTIVES

Correspon ara Generalitat, en encastre des sues competéncies executives, era potestat reglamentària, que compren era aprobacion de disposicions entara execucion dera normativa der Estat e tanben era foncion executiva, qu'en tot cas includís era potestat d'organizacion dera sua pròpia administracion e, en generau, totes es foncions e activitats qu'er ordenament atribuis ara Administracion publica.



PARLAMENT DE CATALUNYA

ARTICLE 113. COMPETÈNCIES DERA GENERALITAT E NORMATIVA DERA UNION EUROPEÀ

Correspon ara Generalitat eth desplegament, era aplicacion e era execucion dera normativa dera Union Europèa quan afècte ar encastre des sues competències, enes tèrmes qu'establís eth títol V.

ARTICLE 114. ACTIVITAT DE FOMENT

1. Correspon ara Generalitat, enes matèries dera sua competència, er exercici dera activitat de foment. Damb aquesta finalitat, era Generalitat pòt autrejjar subvencions damb cargue a hons pròpris.

2. Correspon ara Generalitat, enes matèries de competència exclusiva, era especificacion des objectius as quaus se destinen es subvencions estataus e comunitàries europèes territorializables, e tanben era regulacion des condicions d'autrejament e era gestion, en tot includir-i era tramitacion e era concession.

3. Correspon ara Generalitat, enes matèries de competència compartida, precisar normativament es objectius as quaus se destinen es subvencions estataus e comunitàries europèes territorializables, e tanben completar era regulacion des condicions d'autrejament e tota era gestion, en tot includir-i era tramitacion e era concession.

4. Correspon ara Generalitat, enes matèries de competència executiva, era gestion des subvencions estataus e comunitàries europèes territorializables, en tot includir-i era tramitacion e era concession.

5. Era Generalitat participe ena determinacion deth caractèr non territorializable des subvencions estataus e comunitàries europèes. Tanben, participe, enes tèrmes que fixe er Estat, ena gestion e era tramitacion d'aguestes subvencions.



PARLAMENT DE CATALUNYA

ARTICLE 115. ARTENHUDA TERRITORIAU E EFÈCTES DES COMPETÉNCIES

1. Er encastre materiau des competéncies dera Generalitat ei referit ath territori de Catalonha, exceptat enes suposicions a qué hèn referéncia exprèssament aquest Estatut e d'altres disposicions legaus qu'establisson era eficàcia juridica extraterritoriala des disposicions e es actes dera Generalitat.

2. Era Generalitat, enes casi en qué er objècte des sues competéncies a ua artenhuda territoriala superiora ath deth territori de Catalonha, exercís es sues competéncies sus era part d'aquest objècte plaçada en sòn territori, sense prejudici des esturments de collaboracion que s'establisson damb d'alti ens territoriaus o, subsidiàriament, dera coordinacion per Estat des comunautats autonòmes afectades.

CAPÍTOL II. ES MATÈRIES DES COMPETÉNCIES

ARTICLE 116. AGRICULTURA, RAMADERIA E PROFITAMENTS FORESTAUS

1. Correspon ara Generalitat, respectant çò qu'establique er Estat en exercici des competéncies que li atribuís er article 149.1.13 e 16 dera Constitucion, era competéncia exclusiva en matèria d'agricultura e ramaderia. Aquesta competéncia includís en tot cas:

- a) Era regulacion e eth desenvolupament dera agricultura, era ramaderia e eth sector agroalimentari.
- b) Era regulacion e era execucion sus era qualitat, era traçabilitat e es condicions des productes agrícoles e ramaders, e tanben era luta contra es fraudes en encastres dera produccion e era comercializacion agroalimentàries.
- c) Era regulacion dera participacion des organizacions agràries e ramadères e des crambes agràries en organismes publics.
- d) Era sanitat vegetau e animau enes casi en qué non age efèctes sus era salut umana e era proteccion des animaus.
- e) Es semes e es plantèrs, especialment tot aquerò que sigue relacionat damb es organismes geneticament modificats.



PARLAMENT DE CATALUNYA

f) Era regulacion des procèssi de produccion, des explotacions, des estructures agràries e deth sòn regim juridic.

g) Eth desenvolopament integrat e era proteccion deth mon rurai.

h) Era recèrca, eth desenvolopament, era transferència tecnologica, era innovacion des explotacions e es empreses agràries e alimentàries e era formacion en aquestes matèries.

i) Es fires e es certamens agrícoles, forestaus e ramadèrs.

2. Correspon ara Generalitat era competència compartida sus:

a) Era planificacion dera agricultura e era ramaderia e deth sector agroalimentari.

b) Era regulacion e eth regim d'intervencion administratiu e d'usatges deth bòsc, des profitaments e es servicis forestaus e des vies pecuàries de Catalonha.

ARTICLE 117. AIGUA E ÒBRES IDRAULIQUES

1. Correspon ara Generalitat, en matèria d'aigües que pertanhen a conques hidrografiques intracomunitàries, era competència exclusiva, qu'includís en tot cas:

a) Era ordenacion administrativa, era planificacion e era gestion dera aigua superficial e sosterranha, des usatges e es profitaments idraulics e tanben des òbres idrauliques que non siguen qualificades d'interès generau.

b) Era planificacion e era adopcion de mesures e esturments especifics de gestion e proteccion des recorsi idrics e des ecosistèmes aquatics e terrèstres ligats ara aigua.

c) Es mesures extraordinàries en cas de besonh entà garantir eth subministrament d'aigua.

d) Era organizacion dera administracion idraulica de Catalonha, en tot includir-i era participacion des usatgèrs.

e) Era regulacion e era execucion des actuacions relacionades damb era concentracion parcellària e damb es òbres d'adaiguament.

2. Era Generalitat, enes tèrmes qu'establís era legislacion estatau, asumís competències executives sus eth domeni public idraulic e es òbres d'interès generau.



PARLAMENT DE CATALUNYA

Enes madeishi tèrmes, li correspon era participacion ena planificacion e era programacion des òbres d'interès generau.

3. Era Generalitat participe ena planificacion hidrologica e enes organs de gestion estataus des recorsi idrics e des profitaments idraulics que pertanhen a conques hidrografiques intercomunitàries. Correspon ara Generalitat, laguens deth sòn encastre territorial, era competència exclusiva sus:

a) Era adopció de mesures adicionaus de proteccion e sanejament des recorsi idrics e des ecosistèmes aquatics.

b) Era execucion e era explotacion des òbres de titularitat estatau, se s'establís mejançant conveni.

c) Es facultats de policia deth domeni public idraulic que li son atribuïdes pera legislacion estatau.

4. Era Generalitat a d'eméter un informe preceptiu entà quinsevolha prepausa de transvasament de conques qu'implique era modificacion des recorsi idrics deth sòn encastre territorial.

5. Era Generalitat participe ena planificacion hidrologica des recorsi idrics e des profitaments idraulics que passen per Catalonha o que i acaben provinents de territòris de dehòra der encastre estatau espanhòu, cossent damb es mecanismes qu'establís eth títol V, e participe ena execucion dera dita planificacion enes tèrmes qu'establís era legislacion estatau.

ARTICLE 118. ASSOCIACIONS E FONDACIONS

1. Correspon ara Generalitat, respectant es condicions basiques qu'er Estat establisque entà garantir era igualtat en exercici deth dret e era resèrva de lei organica, era competència exclusiva sus eth regim juridic des associacions que complissen es sues foncions majoritàriament en Catalonha. Aquesta competència includís en tot cas:

a) Era regulacion des modalitats d'associacion, dera denominacion des associacions, des finalitats, des requisits de constitucion, modificacion, extincion e liquidacion, deth contengut des estatuts, des organs de govèrn, des drets e déuers des associats, des obligacions des associacions e des associacions de caractèr especiau.



PARLAMENT DE CATALUNYA

b) Era determinacion e eth regim d'aplicacion des beneficis fiscaus des associacions qu'establisque era normativa tributària, e tanben era declaracion d'utilitat publica, eth contingut e es requisits entà obtier-la.

c) Eth registre d'associacions.

2. Correspon ara Generalitat era competència exclusiva sus eth regim juridic des fondacions que complissen es sues funcions majoritàriament en Catalonha. Aquesta competència includís en tot cas:

a) Era regulaci6n des modalitats de fundacion, dera denominacion des fondacions, des finalitats e des beneficiaris dera finalitat fundacionau; dera capacitat entà fondar; des requisits de constitucion, modificacion, extincion e liquidacion; des estatuts; dera dotacion e eth regim dera fundacion en procès de formacion; deth patronat e eth protectorat, e deth patrimonì e eth regim economic e financièr.

b) Era determinacion e eth regim d'aplicacion des beneficis fiscaus des fondacions qu'establisque era normativa tributària.

c) Eth registre de fondacions.

3. Correspon ara Generalitat era fixacion des critèris, era regulacion des condicions, era execucion e eth contròtle des ajudes publiques as associacions e es fondacions.

ARTICLE 119. CAÇA, PESCA, ACTIVITATS MARITIMES E ORDENACION DETH SECTOR PESQUÈR

1. Correspon ara Generalitat era competència exclusiva en matèria de caça e pesca fluviau, qu'includís en tot cas:

a) Era planificacion e era regulacion.

b) Era regulacion deth regim d'intervencion administrativa dera caça e era pesca, dera susvelhança e des profitaments cinegetics e piscicòles.

2. Correspon ara Generalitat era competència exclusiva en matèria de pesca maritima e recreativa en aigües interiores, e tanben era regulacion e era gestion des recorsi perquèrs e dera delimitacion d'espacis protegits.



PARLAMENT DE CATALUNYA

3. Correspon ara Generalitat era competència exclusiva en matèria d'activitats maritimes, qu'includís en tot cas:

a) Era regulacion e era gestion deth marisqueg e era aqüicultura e er establiment des condicions entà practicar-les, e tanben era regulacion e era gestion des recorsi.

b) Era regulacion e era gestion des installacions destinades ad aquestes activitats.

c) Eth busseg professionau.

d) Era formacion e es titulacions en matèria d'activitats de léser.

4. Correspon ara Generalitat era competència compartida en matèria d'ordenacion deth sector pesquèr. Aquesta competència includís, en tot cas, era ordenacion e es mesures administratives d'execucion relatives as condicions professionaus entar exercici dera pesca, era construccion, era seguretat e eth registre oficiau de batèus, es confraries de pescaires e es lòtges de contractacion.

ARTICLE 120. CAISHES D'ESTAUVIS

1. Correspon ara Generalitat, en matèria de caishes d'estauvis damb demorança en Catalonha, era competència exclusiva sus era regulacion dera sua organizacion, respectant çò qu'establisque er Estat en exercici des competències que li atribuís er article 149.1.11 e 13 dera Constitucion. Aquesta competència includís en tot cas:

a) Era determinacion des sòns organs rectors e dera manèra en qué es diuèrsi interèssi sociaus i an d'èster representats.

b) Er estatut juridic des membres des organs rectors e des auti cargues des caishes d'estauvis.

c) Eth regim juridic dera creacion, era fusion, era liquidacion e eth registre.

d) Er exercici des potestats administratives en çò que hè as fondacions que se creen.

e) Era regulacion des agropacions des caishes d'estauvis damb sedença sociau en Catalonha.



PARLAMENT DE CATALUNYA

2. Correspon ara Generalitat, en matèria de caishes d'estauvis damb domicili en Catalonha, era competència compartida sus era activitat financièra, cossent damb es principis, es règles e es estandards minims qu'establissen es bases estataus, qu'includís, en tot cas, era regulacion dera distribucion des excedents e dera òbra sociou des caishes.

Tanben, era Generalitat hè eth seguiment deth procès d'emission e distribucion de quòtes participatives, exceptat enes aspèctes relatius ath regim d'aufèrtes publiques de venta o soscripcion de valors e admission a negociacion, ara establiment financièra e ara solvència.

3. Correspon ara Generalitat, en matèria de caishes d'estauvis damb demorança en Catalonha, era competència compartida sus disciplina, inspeccion e sancion des caishes. Aquesta competència includís en tot cas er establiment d'infraccions e sancions adicionaus en matèries dera sua competència.

4. Era Generalitat, cossent damb çò qu'establís era legislacion estatau, collabòre enes activitats d'inspeccion e sancion qu'eth Ministèri d'Economia e Isenda e eth Banc d'Espanha exercissen sus es caishes d'estauvis damb demorança en Catalonha.

ARTICLE 121. COMÈRÇ E FIRES

1. Correspon ara Generalitat era competència exclusiva en matèria de comèrç e fires, qu'includís era regulacion dera activitat firau non internacionau e era ordenacion administrativa dera activitat comerciau, era quau ath viatge includís en tot cas:

a) Era determinacion des condicions administratives entà exercir-la e des lòcs e es establiments a on se complisque e era ordenacion administrativa deth comèrç electronic o deth comèrç per quinsevolh aute miei.

b) Era regulacion administrativa de totes es modalitats de venda i totes es formes de prestacion dera activitat comerciau, e tanben des vendes promocionaus e dera venda a pèrta.

c) Era regulacion des oraris comerciaus, respectant en exercici d'aquesta competència eth principi constitucionau d'unitat de mercat.



PARLAMENT DE CATALUNYA

d) Era classificacion e era planificacion territoriala des equipaments comercials e era regulacion des requisits e deth regim d'installacion, ampliacion e cambi d'activitat des establiments.

e) Er establiment e era execucion des normes e es estandards de qualitat relacionadi damb era activitat comerciala.

f) Era adopcion de mesures de policia administrativa en çò que hè ara disciplina de mercat.

2. Correspon ara Generalitat era competéncia executiva en matèria de fires internacionaus celebrades en Catalonha, qu'includís en tot cas:

a) Era activitat d'autorizacion e declaracion dera fira internacionau.

b) Era promocion, era gestion e era coordinacion.

c) Era activitat inspectora, era avaloracion e era rendicion de compdes.

d) Er establiment dera reglamentacion intèrna.

e) Eth nomenament d'un delegat o delegada enes organs de direccion de cada fira.

3. Era Generalitat collabòre damb er Estat en establiment deth calendari de fires internacionaus.

ARTICLE 122. CONSULTES POPULARES

Correspon ara Generalitat era competéncia exclusiva entar establiment deth regim juridic, es modalitats, eth procediment, eth compliment e era convocatòria pera madeisha Generalitat o pes ens locaux en encastre des sues competéncias d'enquèstes, audiéncias publiques, forums de participacion e quinsevolh aute esturment de consulta populara, sauvant çò que dispause er article 149.1.32 dera Constitucion.

ARTICLE 123. CONSUM

Correspon ara Generalitat era competéncia exclusiva en matèria de consum, qu'includís en tot cas:



PARLAMENT DE CATALUNYA

- a) Era defensa des drets des consumadors e des usatgèrs, proclamats per article 28, e er establiment e era aplicacion des procediments administratius de queisha e reclamacion.
- b) Era regulacion e eth foment des associacions des consumadors e es usatgèrs e era sua participacion enes procediments e ahèrs que les afècten.
- c) Era regulacion des organs e es procediments de mediacion en matèria de consum.
- d) Era formacion e era educacion en consum.
- e) Era regulacion dera informacion en matèria de consumadors e usatgèrs.

ARTICLE 124. COOPERATIVES E ECONOMIA SOCIALA

- 1. Correspon ara Generalitat era competència exclusiva en matèria de cooperatives.
- 2. Era competència a qué se referís er apartat 1 includís era organizacion e eth foncionament des cooperatives, es quaus ath madeish viatge includissen en tot cas:
 - a) Era definicion, era denominacion e era classificacion.
 - b) Es critèris sus fixacion deth domicili.
 - c) Es critèris rectoris d'actuacion.
 - d) Es requisits de constitucion, modificacion des estatuts socials, fusion, escission, transformacion, dissolucion e liquidacion.
 - e) Era qualificacion, era inscripcion e era certificacion en registre corresponent.
 - f) Es drets e déuers des sòcis.
 - g) Eth regim economic e era documentacion sociala.
 - h) Era conciliacion e era mediación.
 - i) Es grops cooperatius e es formes de collaboracion economica des cooperatives.
- 3. Era competència a qué hè referència er apartat 1 includís en tot cas era regulacion e eth foment deth moviment cooperatiu, en especiau entà promòir es formes de participacion ena empresa, er accés des treballadors as mieis de produccion e era



PARLAMENT DE CATALUNYA

coesion social e territorial. Era regulacion e eth foment deth moviment cooperatiu includissen:

- a) Era regulacion der associacionisme cooperatiu.
 - b) Er enshament e era formacion cooperatiu.
 - c) Era fixacion des critèris, era regulacion des condicions, era execucion e eth contròtle des ajudes publiques en mon cooperatiu.
4. Correspon ara Generalitat era competència exclusiva sus eth foment e era ordenacion deth sector dera economia social.

ARTICLE 125. CORPORACIONS DE DRET PUBLIC E PROFESSIONS TITULADES

1. Correspon ara Generalitat, en matèria de collègis professionaus, acadèmies, crambes agràries, crambes de comèrç, indústria e navegacion e d'autes corporacions de dret public representatives d'interèssi economic e professionaus, era competència exclusiva, sauvant çò qu'establisson es apartats 2 e 3. Aquesta competència, respectant çò que dispausen es articles 36 e 139 dera Constitucion, includís en tot cas:

- a) Era regulacion dera organizacion intèrna, deth foncionament e deth regim economic, pressupostari e comptable, e tanben deth regim de col·legiacion e adscripcion, des dreus e déuers des sòns membres e deth regim disciplinari.
 - b) Era creacion e era atribucion de foncions.
 - c) Era tutèla administrativa.
 - d) Eth sistèma e eth procediment electoraus aplicables ara eleccion des membres des corporacions.
 - e) Era determinacion der encastre territorial e era possibla agropacion laguens de Catalonha.
2. Correspon ara Generalitat era competència compartida sus era definicion des corporacions a qué se referís er apartat 1 e sus es requisits entà crear-ne e entà èste'n membre.



PARLAMENT DE CATALUNYA

3. Es crames de comerç, indústria e navegacion, s'ac acòrden prealablament era Generalitat e er Estat, pòden complir foncions de comerç exterior e destinar-i recorsi cameraus.

4. Correspon ara Generalitat, respectant es normes generaus sus titulacions academiques e professionaus e çò que dispausen es articles 36 e 139 dera Constitució, era competéncia exclusiva sus er exercici des professionaus titulades, qu'includís en tot cas:

a) Era determinacion des requisits e des condicions d'exercici des professions titulades, e tanben des drets e es obligacions des professionaus titulats e deth regim d'incompatibilitats.

b) Era regulacion des garanties administratives dauant er intrusisme e es actuacions irregulars, e tanben era regulacion des prestacions professionaus de caràcter obligatòri.

c) Eth regim disciplinari der exercici des professions titulades.

ARTICLE 126. CRÈDIT, BANCA, ASSEGURANCES E MUTUALITATS NON INTEGRADES EN SISTÈMA DE SEURETAT SOCIAU

1. Correspon ara Generalitat era competéncia exclusiva sus era estructura, era organizacion e eth foncionament des mutualitats de prevision sociau non integrades en sistema de seuretat sociau.

2. Correspon ara Generalitat era competéncia compartida sus era estructura, era organizacion e eth foncionament des entitats de crèdit que non siguen caishes d'estauvis, des cooperatives de crèdit e des entitats gestores de plans e hons de pensions e des entitats fisiques e juridiques qu'actuen en mercat assegurador d'outes qu'aqueres as quaus hè referéncia er apartat 1, cossent damb es principis, es règles e es estandards minims que fixen es bases estataus.

3. Correspon ara Generalitat era competéncia compartida sus era activitat des entitats a qué se referissen es apartats 1 e 2. Aquesta competéncia includís es actes d'execucion regladi que li atribuique era legislació estatau.



PARLAMENT DE CATALUNYA

4. Correspon ara Generalitat era competència compartida sus disciplina, inspeccion e sancion des entitats a qué hè referència er apartat 2.

ARTICLE 127. CULTURA

1. Correspon ara Generalitat era competència exclusiva en matèria de cultura. Aquesta competència exclusiva compren en tot cas:

a) Es activitats artistiques e culturaus, que s'amien en Catalonha, en tot includir-i:

Prumèr. Es mesures relatives ara producció e era distribucion de libres e publicacions periodiques en quinsevolh supòrt, e tanben era gestion deth dipòsit legau e er autrejament des còdis d'identificacion.

Dusau. Era regulacion e era inspeccion des sales d'exhibicion cinematografica, es mesures de proteccion dera indústria cinematografica e eth contròtle e era concession de licéncias de doblatge as empreses distribuïdores domiciliades en Catalonha.

Tresau. Era qualificacion des pellicules e es materiaus audiovisuaus en foncion dera edat e des valors culturaus.

Quatau. Era promocion, era planificacion, era construccion e era gestion d'equipaments culturaus plaçats en Catalonha.

Cincau. Er establiment de mesures fiscaus d'incentivacion des activitats culturaus enes tributs sus es quaus era Generalitat age competéncias normatives.

b) Eth patrimòni culturau, en tot includir-i en tot cas:

Prumèr. Era regulacion e era execucion de mesures destinades a garantir er enriquiment e era difusion deth patrimòni culturau de Catalonha e a facilitar-i er accès.

Dusau. Era inspeccion, er inventari e era restauracion deth patrimòni arquitectonic, arqueologic, scientific, tecnic, istoric, artistic, etnologic e culturau en generau.

Tresau. Er establiment deth regim juridic des actuacions sus bens mòbles e immòbles integrants deth patrimòni culturau de Catalonha e era determinacion deth regim juridic des bens immòbles, e tanben era declaracion e era gestion d'aguesti bens, exceptat es que siguen de titularitat der Estat.



PARLAMENT DE CATALUNYA

Quatau. Era proteccion deth patrimòni culturau de Catalonha, qu'includís era conservacion, era reparacion, eth regim de susvelhança e eth contròtle des bens, sense prejudici dera competència estatau entara defensa des bens intregants d'aguest patrimòni contra era exportacion e era espoliacion.

c) Es archius, es bibliotèques, es musèus e es auti centres de dipòsit culturau que non son de titularitat estatau, en tot includir-i en tot cas:

Prumèr. Era creacion, era gestion, era proteccion e er establiment deth regim juridic des centres qu'intègren eth sistèma d'archius e eth sistèma bibliotecari, des musèus e des auti centres de dipòsit culturau.

Dusau. Er establiment deth regim juridic des bens documentaus, bibliografics e cuturaus que i son dipositadi.

Tresau. Era conservacion e era recuperacion des bens qu'intègren eth patrimòni documentau e bibliografic catalan.

d) Eth foment dera cultura, damb relacion ath quau includís:

Prumèr. Eth foment e era difusion dera creacion e era produccion teatraus, musicaus, audiovisuaus, literàries, de dança, de circ e d'arts combinades amiades a tèrme en Catalonha.

Dusau. Era promocion e era difusion deth patrimòni culturau, artistic e monumentau e des centres de dipòsit culturau de Catalonha.

Tresau. Era projeccion internacionau dera cultura catalana.

2. Correspon ara Generalitat era competència executiva sus es archius, es bibliotèques, es musèus e es centres de dipòsit culturau de titularitat estatau plaçats en Catalonha, era gesion des quaus non se resèrve exprèssament er Estat, qu'includís, en tot cas, era regulacion deth foncionament, era organizacion e eth regim de personau.

3. Enes actuacions qu'er Estat hèsque en Catalonha en matèria d'inversion en bens e equipaments culturaus se requerís er acòrd prealable damb era Generalitat. En cas des activitats qu'er Estat complisque en çò que hè ara projeccion internacionau dera cultura, eth Govern der Estat e eth Govern dera Generalitat an d'articular formules de



PARLAMENT DE CATALUNYA

collaboracion e cooperaci3n mutuaus, cossent damb çò qu'establís eth títol V d'aguest Estatut.

ARTICLE 128. DENOMINACIONS E INDICACIONS GEOGRAFiques E DE QUALITAT

1. Correspon ara Generalitat, en tot respectar çò que dispause er article 149.1.13 dera Constituci3n, era compet3ncia exclusiva sus denominacions d'origen e d'autres mencions de qualitat, qu'includís eth regim juridic de creacion e foncionament, eth quau ath madeish temps includís:

- a) Era determinacion des possibles nivèus de proteccion des productes, eth s3n regim e es sues condicions, e tanben es drets e es obligacions que ne deriven.
- b) Eth regim de titularitat des denominacions, en tot respectar era legislaci3n de propietat industriau.
- c) Era regulacion des formes e des condicions de produccion e comercializacion des productes corresponents, e eth regim sancionador aplicable.
- d) Eth regim dera organizacion administrativa dera denominacion d'origen, o mencion de qualitat, referida tant ara gestion coma ath contr3tle dera produccion e era comercializacion.

2. Era compet3ncia a qué h3 refer3ncia er apartat 1 includís eth reconeixement des denominacions o des indicacions, era aprobacion des sues normes reguladores e totes es facultats administratives de gestion e contr3tle sus era actuacion des denominacions o es indicacions, especiaument es que deriven dera eventuaue tut3la administrativa sus es organs dera denominacion e der exercici dera potestat sancionadora per infraccions deth regim dera denominacion.

3. Era Generalitat, en cas qu'eth territ3ri d'ua denominacion despasse es limits de Catalonha, exercís es facultats de gestion e contr3tle sus es actuacions des organs dera denominacion relatives a terrens e installacions plaçats en Catalonha, enes t3rmes que determinen es leis. Era Generalitat partecipe enes organs dera denominaci3n e en exercici des sues facultats de gestion.

4. Era Generalitat exercís sus eth s3n territ3ri es obligacions de proteccion derivades deth reconeixement pera madeisha Generalitat d'ua denominacion d'origen o d'ua



PARLAMENT DE CATALUNYA

indicacion geografica protegida. Es autoritats corresponentes collabòren ena proteccion des denominacions geografiques e de qualitat catalanes dehòra deth territòri de Catalonha e dauant es corresponentes institucions de proteccion europèes e internacionaus.

ARTICLE 129. DRET CIVIU

Correspon ara Generalitat era competència exclusiva en matèria de dret civiu, exceptat enes matèries qu'er article 149.1.8 dera Constitucion atribuís en tot cas ar Estat. Aquesta competència includís era determinacion deth sistèma de hònts, deth dret civil de Catalonha.

ARTICLE 130. DRET PROCESSAU

Correspon ara Generalitat dictar es normes processaus especificques que deriven des particularitats deth dret substantiu de Catalonha.

ARTICLE 131. EDUCACION

1. Correspon ara Generalitat, en matèria d'ensenhament non universitari, era competència exclusiva sus es ensenhaments postobligatòris que non amien ara obtencion d'un títol o ua certificacion academica o professionau damb validesa en tot er Estat e sus es centres docents en qué s'impartissen aquesti ensenhaments.

2. Correspon ara Generalitat, en matèria d'ensenhament non universitari, en çò que hè as ensenhaments obligatòris e non obligatòris qu'amien ara obtencion d'un títol academic o professionau damb validesa en tot er Estat e damb relacion as ensenhaments d'educacion infantila, era competència exclusiva qu'includís:

a) Era regulacion des organs de participacion e consulta des sectors afectats ena programacion der ensenhament en sòn territòri.

b) Era determinacion des contenguts educatius deth prumèr cicle dera educacion infantila e era regulacion des centres en qué s'impartís aquest cicle, e tanben era



PARLAMENT DE CATALUNYA

definició des plantilles deth professorat e des titulacions e es especializacions dera rèsta deth personau.

- c) Era creacion, eth desenvolupament organizatiu e eth regim des centres publics.
- d) Era inspeccion, era avaloracion intèrna deth sistèma educatiu, era innovacion, era recèrca e era experimentacion educatives, e tanben eth garantiment dera qualitat deth sistèma educatiu.
- e) Eth regim de foment der estudi, de bèques e d'ajudes damb hons pròpris.
- f) Era formacion permanenta e eth perfeccionament deth personau docent e des auti professionals dera educacion e era aprobacion de directritztes d'actuacion en matèria de recorsi umans.
- g) Es servicis educatius e es activitats extraescolares complementàries en çò que hè as centres docents publics e as centres docents privats sostenguts damb hons publics.
- h) Es aspèctes organizatius des ensenhaments en regim non presenciau adreçadi ar alumnat d'edat superiora ara d'escolarizacion obligatòria.

3. En aquerò que non regule er apartat 2 e en çò que hè as ensenhaments a qué hè referència eth nomenat apartat, correspon ara Generalitat, en tot respectar es aspèctes essenciaus deth dret ara educacion e ara libertat d'ensenhament, en matèria d'ensenhament non universitari e cossent damb çò que dispause er article 149.1.30 dera Constitucion, era competència compartida, qu'includís en tot cas:

- a) Era programacion der ensenhament, era sua definicion e era avaloracion generau deth sistema educatiu.
- b) Era ordenacion deth sector der ensenhament e dera activitat docenta e educativa.
- c) Er establiment des plans d'estudi corresponents, en tot includir-i era ordenacion curriculara.
- d) Eth regim de foment der estdi, de bèques e d'ajudes estataus.
- e) Er accés ara educacion e er establiment e era regulacion des critèris d'admission e escolarizacion der alumnat enes centres docents.
- f) Eth regim de sosteniment damb hons publics des ensenhaments deth sistèma educatiu e des centres que les impartissen.



PARLAMENT DE CATALUNYA

- g) Es requisits e es condicions des centres docents e educatius.
 - h) Era organizacion des centres publics e des privats sostengudi damb hons publics.
 - i) Era participacion dera comunitat educativa en contròtle e era gestion des centres docents publics e des privats sostenguts damb hons publics.
 - j) Era adquisicion e era pèrta dera condicion de funcionari o funcionària docent dera administracion educativa, eth desvolopament des sòns drets e déuers basics, e tanben era politica de personau ath servici dera administracion educativa.
4. Correspon ara Generalitat, en matèria d'ensenhament non universitari, era competència executiva sus era expedicion e era omologacion des títols academics e professionaus estataus.

ARTICLE 132. EMERGÈNCIES E PROTECCION CIVILA

1. Correspon ara Generalitat era competència exclusiva en matèria de proteccion civila, qu'includís, en tot cas, era regulacion, era planificacion e era execucion de mesures relatives as emergències e era seguretat civila, e tanben era direccion e era coordinacion des servicis de proteccion civila, qu'includissen es servicis de prevencion e extincion d'incendis, sense perjudici des facultats des govèrns locals en aguesta matèria, en tot respectar çò qu'establisque er Estat en exercici des sues competències en matèria de seguretat publica.
2. Era Generalitat, enes casi relatiu a emergències e proteccion civila d'artenhuda superiora a Catalonha, a de promòir mecanismes de collaboracion damb d'aites comunitats autonòmes e damb er Estat.
3. Correspon ara Generalitat era competència executiva en matèria de sauvament maritim, enes tèrmes que determine era legislacion der Estat.
4. Era Generalitat participe ena execucion en matèria de seguretat nucleara, enes tèrmes que siguen acordats enes convènis soscrits ad aquest efècte e, se cau, enes leis.



PARLAMENT DE CATALUNYA

ARTICLE 133. ENERGIA E MINES

1. Correspon ara Generalitat era competència compartida en matèria d'energia.

Aguesta competència includís en tot cas:

a) Era regulacion des activitats de produccion, magazematge e transpòrt d'energia, er autrejament des autorizacions des installacions que transcorren intègrament peth territòri de Catalonha e er exercici des activitats d'inspeccion e contròtle de totes es installacions existentes en Catalonha.

b) Era regulacion dera activitat de distribucion d'energia que s'acomplisque en Catalonha, er autrejament des autorizacions des installacions corresponentes e er exercici des activitats d'inspeccion e contròtle de totes es installacions existentes en Catalonha.

c) Eth desplegament des normes complementàries de qualitat des servicis de subministrament d'energia.

d) Eth foment e era gestion des energies renaubles e dera eficiència energetica.

2. Era Generalitat participe mejançant era emission d'un informe prealable en procediment d'autrejament dera autorizacion des installacions de produccion e transpòrt d'energia qu'ultrapassen eth territòri de Catalonha o s'era energia ei objècte de profitament dehòra d'aguest territòri.

3. Era Generalitat participe ena regulacion e era planificacion d'encastre estatau deth sector dera energia qu'afècte ath territòri de Catalonha.

4. Correspon ara Generalitat era competència compartida sus eth regim minèr. Aguesta competència includís, en tot cas, era regulacion e eth regim d'intervencion administrativa e contròtle des mines e es recorsi minèrs que siguen plaçats en territòri de Catalonha e des activitats extractives que s'i realizen.

ARTICLE 134. ESPÒRT E LÉSER

1. Correspon ara Generalitat era competència exclusiva en matèria d'espòrt, qu'includís en tot cas:



PARLAMENT DE CATALUNYA

- a) Eth foment, era divulgacion, era planificacion, era coordinacion, era execucion, er assessorament, era implantacion e era projeccion dera practica dera activitat fisica e der espòrt per tota Catalonha, a toti es nivèus socials.
 - b) Era ordenacion des organs de mediacion en matèria d'espòrt.
 - c) Era regulacion dera formacion esportiva e eth foment dera tecnificacion e deth naut rendiment esportiu.
 - d) Er establiment deth regim juridic des federacions e es clubs esportius e des entitats catalanes que promòn e organizen era practica der espòrt e dera activitat fisica en encastre de Catalonha, e era declaracion d'utilitat publica des entitats esportives.
 - e) Era regulacion en matèria de disciplina esportiva, competitiva e electorau des entitats que promòn e organizen era practica esportiva.
 - f) Eth foment e era promocion der associacionisme esportiu.
 - g) Eth registre des entitats que promòn e organizen era practica dera activitat fisica e esportiva damb sedença social en Catalonha.
 - h) Era planificacion deth hilat d'equipaments esportius de Catalonha e era promocion dera sua execucion.
 - i) Eth contròtle e eth seguiment medicoesportiu e de salut des practicants dera activitat fisica e esportiva.
 - j) Era regulacion en matèria de prevencion e contròtle dera violéncia enes espectacles publics esportius, en tot respectar es facultats reservades ar estat en matèria de seguretat publica.
 - k) Eth garantiment dera salut des espectadors e des autes persones implicades ena organizacion e er acompliment dera activitat fisica e esportiva, e tanben dera seguretat e eth contròtle sanitaris des equipaments esportius.
 - l) Eth desenvolopament dera recèrca scientifica en matèria esportiva.
2. Era Generalitat participe en entitats e organismes d'encastre estatau, europèu e internacional qu'agen per objècte eth desenvolopament der espòrt.
 3. Correspon ara Generalitat era competéncia exclusiva en matèria de léser, qu'includís, en tot cas, eth foment e era regulacion des activitats que se complissen en



PARLAMENT DE CATALUNYA

territòri de Catalonha e eth regim juridic des entitats qu'agen per finalitat eth compliment dera activitat de léser.

4. Era Generalitat participe en entitats e organismes d'encastre estatau, europèu e internacionau qu'agen per objècte eth desvolopament deth léser.

ARTICLE 135. ESTADISTICA

1. Correspon ara Generalitat era competència exclusiva sus estadistica d'interès dera Generalitat, qu'includís en tot cas:

- a) Era planificacion estadistica.
- b) Era organizacion administrativa.
- c) Era creacion d'un sistèma estadistic oficiau pròpri dera Generalitat.

2. Era Generalitat participe e collabòre ena elaboracion d'estadistiques d'artenhuda supraautonomica.

ARTICLE 136. ERA FONCION PUBLICA E ETH PERSONAU ATH SERVICI DES ADMINISTRACIONS PUBLIQUES CATALANES

Correspon ara Generalitat, en matèria de foncion publica, en tot respectar eth principi d'autonomia locau:

- a) Era competència exclusiva sus eth regim estatutari deth personau ath servici des administracions publiques catalanes e sus era ordenacion e era organizacion dera foncion publica saivant çò que dispause era letra *b*.
- b) Era competència compartida entath desvolopament des principis ordenadors dera aucupacion publica, sus era adquisicion e era pèrta dera condicion de funcionari, es situacions administratives e es dreths, es déuers e es incompatibilitats deth personau ath servici des administracions publiques.
- c) Era competència exclusiva, en matèria de personau laborau, entara adaptacion dera relacion de lòcs de treball as besonhs derivadi dera organizacion administrativa e sus era formacion d'aguest personau.



PARLAMENT DE CATALUNYA

ARTICLE 137. ABITATGE

1. Correspon ara Generalitat era competència exclusiva en matèria d'abitatge, qu'includís en tot cas:

a) Era planificacion, era ordenacion, era gestion, era inspeccion e eth contròtle der abitatge cossent damb es besonhs sociaus e d'equilibri territorialu.

b) Er establiment de prioritats e objectius dera activitat de foment des administracions publiques de Catalonha en matèria d'abitatge e era adopcion des mesures que calguen entà artenher-les, tant en çò que hè ath sector public coma ath privat.

c) Era promocion publica d'abitatges.

d) Era regulacion administrativa deth comèrç referit a abitatges e er establiment de mesures de proteccion e disciplinàries en aquest encastre.

e) Es normes techniques, era inspeccion e eth contròtle sus era qualitat dera construccion.

f) Es normes sus era abitabilitat des abitatges.

g) Era innovacion tecnologica e era sostenibilitat aplicabla as abitatges.

h) Era normativa sus conservacion e manteniment des abitatges e era sua aplicacion.

2. Correspon ara Generalitat era competència sus es condicions des edificis entara installacion d'infraestructures comunes de telecomunicacions, radiodifusion, telefonia basica e d'alti servicis per cable, en tot respectar era legislación der Estat en matèria de telecomunicacions.

ARTICLE 138. IMMIGRACION

1. Correspon ara Generalitat en matèria d'immigracion:

a) Era competència exclusiva en matèria de prumèr acuelhiment des persones immigrades, qu'includís es actuacions sociosanitàries e d'orientacion.



PARLAMENT DE CATALUNYA

b) Eth desenvolupament dera politica d'integracion des persones immigrades en encastre des sues competéncias.

c) Es establiment e era regulacion des mesures que calguen entara integracion social e economica des persones immigrades e entara sua participacion social.

d) Er establiment per lei d'un encastre de referéncia entar acuelh e era integracion des persones immigrades.

e) Era promocion e era integracion des persones retornades e era ajuda ad aquestes, e er impuls des politiques e es mesures pertinentes que ne faciliten eth retorn a Catalonha.

2. Correspon ara Generalitat era competéncia executiva en matèria d'autorizacion de trebalh as estrangèrs era relacion laborau des quaus se complisque en Catalonha. Aquesta competéncia, que s'exercís necessàriament en coordinacion damb era que correspon ar Estat en matèria d'entrada e residéncia d'estrangèrs, includís:

a) Era tramitacion e era resolucion des autorizacions inicials de trebalh per compte pròpri o d'alti.

b) Era tramitacion e era resolucion des recorsi presentats en çò que hè as expedients a qué hè referéncia era letra *a* e era aplicacion deth regim d'inspeccion e sancion.

3. Correspon ara Generalitat era participacion enes decisions der Estat sus immigracion qu'agen ua transcendéncia especiau entà Catalonha e, en particular, era participacion preceptiva prealabla ena determinacion deth contingent de treballadors estrangèrs mejançant es mecanismes qu'establís eth títol V.

ARTICLE 139. INDÚSTRIA, ARTESANIA, CONTRÒTLE METROLOGIC E CONTRASTACION DE METAUS

1. Correspon ara Generalitat era competéncia exclusiva en matèria d'indústria, sauvant çò qu'establís er apartat 2. Aquesta competéncia includís, en tot cas, era ordenacion des sectors e des procèsi industrius en Catalonha, era seguretat des activitats, des installacions, des equips, des procèsi e des productes industrius e era regulacion des activitats industrius que poguen produsir impacte ena seguretat o era salut des persones.



PARLAMENT DE CATALUNYA

2. Correspon ara Generalitat era competència compartida sus era planificacion dera indústria, en marc dera planificaci6n generau dera economia.
3. Correspon ara Generalitat era competència exclusiva en matèria d'artesania.
4. Correspon ara Generalitat era competència executiva en matèria de contròtle metrologic.
5. Correspon ara Generalitat era competència executiva en matèria de contrastacion de metaus.

ARTICLE 140. INFRAESTRUCTURES DETH TRANSPÒRT E DES COMUNICACIONS

1. Correspon ara Generalitat era competència exclusiva sus pòrts, aeropòrts, elipòrts e d'outes infraestructures de transpòrt en territori de Catalonha que non agen era qualificacion legau d'interès generau. Aquesta competència includís en tot cas:
 - a) Eth regim juridic, era planificacion e era gestion de toti es pòrts e aeropòrts, installacions portuàries e aeroportuàries, installacions maritimes menores, estacions terminaus de carga en recintes portuaris e aeroportuaris e d'outes infraestructures de transpòrt.
 - b) Era gestion deth domeni public de besonh entà balhar eth servici, especiaument er autrejament d'autorizacions e concessions laguens des recintes portuaris o aeroportuaris.
 - c) Eth regim economic des servicis portuaris e aeroportuaris, especiaument es potestats tarifària e tributària e era percepcion e era recaptacion de tota sòrta de tributs e cargues relacionats damb era utilizacion dera infraestructura e deth servici que balhe.
 - d) Era delimitacion der airau de servicis des pòrts o es aeropòrts e era determinacion des usatges, es equipaments e es activitats complementàries laguens deth recinte deth pòrt o er aeropòrt o des autres infraestructures de transpòrt, en tot respectar es facultats deth titular deth domeni public.



PARLAMENT DE CATALUNYA

2. Era Generalitat particeps enes organismes d'artenhuda supraautonomica qu'exercissen foncions sus es infraestructures de transport plaçades en Catalonha que son de titularitat estatau.

3. Era qualificacion d'interès generau d'un pòrt, un aeropòrt o ua auta infraestructura de transport plaçadi en Catalonha requerís er informe prealable dera Generalitat, que pòt participar ena sua gestion o assumir-la, cossent damb çò qu'establisson es leis.

4. Correspon ara Generalitat era participacion ena planificacion e era programacion de pòrts e aeropòrts d'interès generau enes tèrmes que determine era normativa estatau.

5. Correspon ara Generalitat era competència exclusiva sus eth sòn hilat viari en tot er encastre territoriau de Catalonha, e tanben era participacion ena gestion deth hilat der Estat en Catalonha, cossent damb çò que'establís era normativa estatau. Aquesta competència includís en tot cas:

a) Era ordenacion, era planificacion e era gestion integrada deth hilat viari de Catalonha.

b) Eth regim juridic e financièr de toti es elements deth hilat viari des quaus ei titulara era Generalitat.

c) Era connectivitat des elements qu'intègren eth hilat viari de Catalonha entre eri o damb d'outes infraestructuras deth transport o d'auti hilats.

6. Correspon ara Generalitat, en matèria de hilat ferroviari, era competència exclusiva damb relacion as infraestructuras des quaus ei titulara e era participacion ena planificacion e era gestion des infraestructuras de titularitat estatau plaçades en Catalonha, cossent damb çò qu'establisque era normativa estatau.

7. Correspon ara Generalitat, cossent damb era normativa der Estat era competència executiva en matèria de comunicacions electroniques, qu'includís en tot cas:

a) Promòir era existència d'un conjunt minim de servicis d'accès universau.

b) Era inspeccion des infraestructures comunes de telecomunicacions e er exercici dera potestad sancionadora corresponenta.

c) Era resolucion de conflictos entre operadors de radiodifusion que compartisquen multiplex era cobertura des quaus non ultrapasse eth territòri de Catalonha.



PARLAMENT DE CATALUNYA

d) Era gestion deth registre d'installadors d'infraestructures comunes de telecomunicacions e deth registre de gestors de multiplex er encastre des quaus non ultrapasse eth territori de Catalonha.

ARTICLE 141. JÒC E ESPECTACLES

1. Correspon ara Generalitat era competència exclusiva en matèria de jòc, apòstes e casinos, s'era activitat s'acomplís exclusivament en Catalonha, en tot inclur-i en tot cas:

a) Era creacion e era autorizacion de jòc e apòstes e era sua regulacion, e tanben era regulacion des empreses dedicades ara gestion, era explotacion e era practica d'aguestes activitats o qu'an per objècte era comercializacion e era distribucion des materiaus relacionadi damb eth jòc en generau, includint-i es modalitats de jòc per mieis informatics e telematics.

b) Era regulacion e eth contròtle des locaus, es installacions e es equipaments utilizats entà acomplir aguestes activitats.

c) Era determinación, en encastre des sues competències, deth regim fiscau sus era activitat de jòc des empreses que l'acomplissen.

2. Era autorizacion de naues modalitats de jòc e apòstes d'encastre estatau o ben era modificacion des existents requerís era deliberacion ena Comission Bilaterau Generalitat-Estat qu'establisque eth títol V e er informe prelable determinant dera Generalitat.

3. Correspon ara Generalitat era competència exclusiva en matèria d'espectacles e activitats recreatives, qu'includís, en tot cas, era ordenacion deth sector, eth regim d'intervencion administrativa e eth contròtle de tota sòrta d'espectacles en espacis e locaus publics.

ARTICLE 142. JOENESSA

1. Correspon ara Generalitat era competència exclusiva en matèria de joenessa, qu'includís en tot cas:



PARLAMENT DE CATALUNYA

a) Eth dessenh, era aplicacion e era avaloracion de politiques, plans e programes destinats ara joenessa.

b) Era promocion der associacionisme juvenil, des iniciatives de participacion dera gent joena, dera mobilitat internacionau e deth torisme juvenil.

c) Era regulacion, era gestion, era intervencion e era policia administrativa d'activitats e installacions destinades ara joenessa.

2. Correspon ara Generalitat era soscripcion cossent damb entitats internacionaus e era participacion en aquestes en collaboracion damb er Estat o de manèra autonòma, s'ac permet era normativa dera entitat corresponenta, e en tot cas era tramitacion de documents autrejats per entitats internacionaus qu'afecten a persones, installacions o entitats damb residència en Catalonha, en tot respectar era legislacion der Estat.

ARTICLE 143. LENGUA PRÒPRIA

1. Correspon ara Generalitat de Catalonha era competència exclusiva en matèria de lengua pròpria, qu'includís, en tot cas, era determinacion dera arthenhuda, des usatges e des efèctes juridics dera sua oficialitat, e tanben era normalizacion lingüistica deth catalan.

2. Correspon ara Generalitat e tanben ath Conselh Generau d'Aran era competència sus era normalizacion lingüistica der occitan, nomentat *aranés* en Aran.

ARTICLE 144. MIEI AMBIENT, ESPACIS NATURAUS E METEOROLOGIA

1. Corresponen ara Generalitat era competència compartida en matèria de miei ambient e era competència entar establiment de normes adicionaus de proteccion. Aquesta competència compartida includís en tot cas:

a) Er establiment e era regulacion des esturments de planificacion ambientau e deth procediment de tramitacion e aprobacion d'aguesti esturments.

b) Er establiment e era regulacion de mesures de sostenibilitat, fiscalitat e recèrca ambientaus.



PARLAMENT DE CATALUNYA

c) Era regulacion des recorsi naturaus, dera flòra e era fauna, dera biodiversitat, deth miei ambient marin e aquatic, se non a per finalitat era preservacion des recorsi pesquèrs e maritims.

d) Era regulacion sus prevencion ena produccion de recipients e embalatges en tot eth sòn cicle de vida, des de que se genèren enquia que passen a èster residus.

e) Era regulacion sus prevencion e correccion dera generacion de residus damb origen o destinacion en Catalonha e sus era gestion e eth traslat d'aguesti e era sua disposicion finau.

f) Era regulacion ena prevencion, eth contròtle, era correccion, era recuperacion e era compensacion dera contaminacion de sòu e subsòu.

g) Era regulacion e era gestion des vessaments hèti enes aigües interiores de Catalonha e tanben des hèti enes aigües superficiaus e sosterranhes que non passen per ua auta comunitat autonòma. En tot cas, laguens deth sòn encastre territoriau, correspon ara Generalitat era competència executiva sus era intervencion administrativa des vessaments enes aigües superficiaus e sosterranhes.

h) Era regulacion der ambient atmosferic e des diuèrses classes de contaminacion d'aguest, era declaracion de zònes d'atmosphèra contaminada e er establiment de d'anti esturments de contròtle dera contaminacion, damb independència dera administracion competentà autorizar era òbra, era installacion o era activitat que la produsisque.

i) Era regulacion deth regim d'autorizacion e seguiment dera emision de gasi d'efècte ivernacle.

j) Era regulacion e era promocion des qualificacions relatives a productes, activitats, installacions, infraestructures, procediments, procèsi productius o conductes respectuosi damb eth miei.

k) Era prevencion, era restauracion e era reparacion de damatges ath miei ambient e tanben eth regim sancionador corresponent.

l) Es mesures de proteccion des espècies e eth regim sancionador.

2. Correspon ara Generalitat, en matèria d'espacis naturaus, era competència exclusiva que, en tot respectar çò que dispause er article 149.1.23 dera Constitucion, includís, en tot cas, era regulacion e era declaracion des figures de proteccion,



PARLAMENT DE CATALUNYA

delimitacion, planificacion e gestion d'espacis naturaus e d'abitats protegits plaçats en Catalonha.

3. Era Generalitat, en cas des espacis naturaus que despassen eth territòri de Catalonha, a de promòir es esturments de collaboracion damb d'autres comunitats autonòmes entà crear, delimitar, regular e gestionar aguesti espacis.

4. Era declaracion e era delimitacion d'espacis naturaus dotats damb un regim de proteccion estatau requerís er informe preceptiu dera Comission Bilaterau Generalitat – Estat. S'er espaci ei plaçat intègrament en territòri de Catalonha, era gestion correspon ara Generalitat.

5. Correspon ara Generalitat er establiment d'un servici meteorologic pròpri eth subministrament d'informacion meteorologica e climatica, includint-i eth pronostic, eth contròtle e eth seguiment des situacions meteorologiques de risc, e tanben era recèrca en aguesti encastres e era elaboracion dera cartografia climatica.

6. Era Generalitat exercís es sues competéncies mejançant eth Còs d'Agents Ruraus, competents ena susvelhança, eth contròtle, era proteccion, era prevencion integrau e era collaboracion ena gestion deth miei ambient. Es membres d'aguest còs an era condicion d'agents dera autoritat e exercissen foncions de policia administrativa especiau e policia judicial enes tèrmes qu'establís era lei.

ARTICLE 145. MERCATS DE VALORS E CENTRES DE CONTRACTACION

Correspon ara Generalitat era competéncia compartida en matèria de mercats de valors e centres de contractacion plaçats en Catalonha. Aquesta competéncia includís en tot cas:

a) Era creacion, era denominacion, era autorizacion e era supervision des mercats de valors e des sistèmes organizats de negociacion.

b) Era regulacion e es mesures administratives d'execucion sus organizacion, foncionament, disciplina e regim sancionador des societats rectores de mercats de valors.



PARLAMENT DE CATALUNYA

- c) Eth contròtle dera emission, era admission, era suspension, era exclusion e er establiment de requisits addicionaus d'admission des valors que se negòcien exclusivament en aguesti mercats, e tanben era inspeccion e eth contròtle.
- d) Era acreditacion des persones e des entitats entà èster membres d'aguesti mercats.
- e) Er establiment des fiances qu'an de constituir es membres des borses de valors en garantia des operacions pendentes de liquidacion.

ARTICLE 146. MIEIS DE COMUNICACION SOCIAU E SERVICIS DE CONTENGUT AUDIOVISUAU

1. Correspon ara Generalitat, en matèria de servicis de ràdio e television, e tanben de quinsevolh aute servici de comunicacion audiovisuau:

- a) Era competència exclusiva sus era organizacion dera prestacion deth servici public de comunicacion audiovisuau d'encastre locau, en tot respectar era garantia dera autonomia locau.
- b) Era competència compartida sus era regulacion e eth contròtle des servicis de comunicacion audiovisuau qu'usen quinsevolh des supòrts e des tecnologies disponibles dirigits ath public de Catalonha, e tanben sus es ofèrtes de comunicacion audiovisuau se se distribuïssen en territòri de Catalonha.

2. Correspon ara Generalitat era competència compartida en matèria de mieis de comunicacion sociau.

3. Era Generalitat a de fomentar eth pluralisme lingüistic e culturau de Catalonha enes mieis de comunicacion sociau.

ARTICLE 147. NOTARIAT E REGISTRES PUBLICS

1. Correspon ara Generalitat de Catalonha, en matèria de notaries e de registres publics dera propietat, mercantils e de bens mòbles, era competència executiva, qu'includís en tot cas:

- a) Eth nomenament des notaris e es registradors dera propietat, mercantils e de bens mòbles, mejançant era convocatòria, era administracion e era resolucion des



PARLAMENT DE CATALUNYA

oposicions liures e restringides e des concorsi, qu'a de convocar e portar a tèrme enquiara formalizacion des nomenaments. Entara provision des notaries e des registres, es candidats an d'èster admetuts en igualtat de drets, e an d'acreditar eth coneishement dera lengua e deth dret catalans ena forma e damb era arthenhuda qu'establisson er Estatut e es leis.

b) Era participacion ena elaboracion des programes d'accès as còssi de notaris e registradors dera propietat, mercantils e de bens mòbles d'Espanha, as efèctes dera acreditacion deth coneishement deth dret catalan.

c) Er establiment des demarcacions notariaus e registraus, en tot includir-i era determinacion des districtes ipotecaris e des districtes de competència territorial des notaris.

d) Eth nomenament de notaris archivèrs de protocòls de districte e era guarda e custòdia des libres de comptadoria d'ipotèques.

2. Correspon ara Generalitat era competència exclusiva en matèria de regim des recorsi sus era qualificacion des títols o es clausules concrètes en matèria de dret catalan que s'agen d'inscríuer en un registre dera propietat, mercantil o de bens mòbles de Catalonha.

3. Correspon ara Generalitat, en encastre dera regulacion generau, era competència executiva en matèria de Registre Civi, en tot includir-i eth nomenament des sòns encargats, interins e substituïts, er exercici en çò que hè ad aguesti dera foncion disciplinària, e tanben era provision des mieis umans e materiaus de besonh entar exercici des foncions. Aguesti encargats an d'acreditar eth coneishement dera lengua catalana e deth dret catalan ena forma e damb era arthenhuda qu'establisquen er Estatut e es leis.

ARTICLE 148. ÒBRES PUBLIQUES

1. Correspon ara Generalitat era competència exclusiva en matèria des òbres publiques que s'executen en territòri de Catalonha e que non an estat qualificades d'interès generau ne afècten a ua auta comunitat autonòma. Aguesta competència includís, en tot cas, era planificacion, era construccion e eth finançament des òbres.



PARLAMENT DE CATALUNYA

2. Era qualificacion d'interès generau requerís er informe prealable dera Generalitat. Era Generalitat particie ena planificacion e era programacion des òbres qualificades d'interès generau, cossent damb çò que dispause era legislacion der Estat e segontes çò qu'establís eth títol V d'aguest Estatut.

3. Correspon ara Generalitat era gestion des servicis publics dera sua competéncia as quaus demoren afectades o adscrites totes es òbres publiques que non siguen d'interès generau. En supausat des òbres qualificades d'interès generau o qu'afècten a ua auta comunitat autonòma, se pòden soscrúer convènís de collaboracion entara gestion des servicis.

ARTICLE 149. ORDENACION DETH TERRITÒRI E DETH PAISATGE, DETH LITORAU E URBANISME

1. Correspon ara Generalitat, en matèria d'ordenacion deth territòri e deth paisatge, era competéncia exclusiva, qu'includís en tot cas:

a) Er establiment des directritztes d'ordenacion e gestion deth territòri, deth paisatge e des actuacions que i incidissen.

b) Er establiment e era regulacion des figures de planejament territoriau e deth procediment entà tramitar-les e aprovar-les.

c) Er establiment e era regulacion des figures de proteccion d'espacis naturaus e de corredors biologics, cossent damb çò qu'establís er article 144.2.

d) Es previsions sus emplaçaments des infraestructures e es equipaments de competéncia dera Generalitat.

e) Era determinacion de mesures especificques de promocion der equilibri territoriau, demografic, socioeconomic e ambientau.

2. Era determinacion der emplaçament d'infraestructures e equipaments de titularitat estatau en Catalonha requerís er informe dera Comission Bilaterau Generalitat – Estat.

3. Correspon ara Generalitat, en matèria d'ordenacion deth litorau, en tot respectar eth regim generau deth domeni public, era competéncia exclusiva, qu'includís en tot cas:



PARLAMENT DE CATALUNYA

a) Er establiment e era regulacion des plans territoriaus d'ordenacion e usatge deth litorau e des plages, e tanben era regulacion deth procediment de tramitacion e aprobacion d'aguesti esturments e plans.

b) Era gestion des títols d'ocupacion e usatge deth domeni public maritimoterrèstre, especiaument er autrejament d'autorizacions e concessions e, en tot cas, es concessions d'òbres fixes ena mar, en tot respectar es excepcions que se poguen establir per motius mieiaambientaus enes aigües costanères interiores e de transicion.

c) Era regulacion e era gestion deth regim economic financièr deth domeni public maritimoterrèstre, enes tèrmes qu'establís era legislacion generau.

d) Era execucion d'òbres e actuacions en litorau catalan que non siguen d'interès generau.

4. Correspon ara Generalitat era execucion e era gestion des òbres d'interès generau plaçades en litorau catalan, cossent damb çò qu'establís er article 148.

5. Correspon ara Generalitat, en matèria d'urbanisme, era competència exclusiva, qu'includís en tot cas:

a) Era regulacion deth regim urbanistic deth sòu, qu'includís, en tot cas, era determinacion des critèris sus es diuèrses sòrtes de sòus e es sòns usatges.

b) Era regulacion deth regim juridic dera propietat deth sòu en tot respectar es condicions basiques qu'er Estat establís entà garantir era igualtat der exercici deth dret ara propietat.

c) Er establiment e era regulacion des esturments de planejament e gestion urbanistica, e tanben deth sòn procediment de tramitacion e aprobacion.

d) Era politica de sòu e abitatge, era regulacion des patrimònis publics de sòu e abitatge e eth regim dera intervencion administrativa ena edificacion, era urbanizacion e er usatge deth sòu e eth subsòu.

e) Era proteccion dera legalitat urbanistica, qu'includís, en tot cas, era inspeccion urbanistica, es ordes de suspension d'òbres e licéncies, es mesures de restauracion dera legalitat fisica alterada, e tanben era disciplina urbanistica.

6. Correspon ara Generalitat era competència compartida en matèria de dret de reversion enes expropiacions urbanistiques en encastre dera legislacion estatau.



PARLAMENT DE CATALUNYA

ARTICLE 150. ERA ORGANIZACION DERA ADMINISTRACION DERA GENERALITAT

Correspon ara Generalitat, en matèria d'organización dera sua Administracion, era competència exclusiva sus:

- a) Era estructura, era regulacion des organs e directius publics, eth foncionament e era articulacion territorialau.
- b) Es diuèrses modalitats organizatives e esturmentaus entara actuacion administrativa.

ARTICLE 151. ORGANIZACION TERRITORIAU

Correspon ara Generalitat, en tot respectar era garantia institucional qu'establissen es articles 140 e 141 dera Constitución, era competència exclusiva sus organizacion territorialau, qu'includís en tot cas:

- a) Era determinacion, era creacion, era modificacion e era supression des ens que configuren era organizacion territorialau de Catalonha.
- b) Era creacion, era supression e era alteracion des tèrmes tant des municipis coma des ens locaux d'encastre territorialau inferior; era denominacion, era capitalitat e es simbèus des municipis e des auti ens locaux; es toponims, e era determinacion des regims especiaus.
- c) Er establiment per miei de lei de procediments de relacion enter es ens locaux e era poblacion, en tot respectar era autonomia locau.

ARTICLE 152. PLANIFICACION, ORDENACION E PROMOCION DERA ACTIVITAT ECONOMICA

1. Correspon ara Generalitat era competència entara promocion dera activitat economica en Catalonha.



PARLAMENT DE CATALUNYA

2. Correspon ara Generalitat era competència compartida sus era ordenacion dera activitat economica en Catalonha.
3. Era Generalitat pòt establir ua planificacion dera activitat economica en encastre des directritztes qu'establisqui era planificacion generau der Estat.
4. Correspon ara Generalitat eth desvolopament e era gestion dera planificacion generau dera activitat economica. Aquesta competència includís en tot cas:
 - a) Eth desplegament des plans estataus.
 - b) Era participacion ena planificacion estatau per miei des mecanismes qu'establis er títol V.
 - c) Era gestion des plans, en tot includir-i es hons i es recorsi d'origen estatau destinats ar foment dera activitat economica, enes tèrmes establits que s'establisson per miei de convén.

ARTICLE 153. POLITIQUES DE GÈNRE

Correspon ara Generalitat era competència exclusiva en matèria de politiques de genre que, en tot respectar çò qu'establis er estat en exercici dera competència que li atribusís er article 149.1.1 dera Constitución, includís en tot cas:

- a) Era planificacion, eth dessenh, era execucion, era avaloracion e eth contròtle de normes, plans e directritztes generaus en matèria de politiques entara hemna, e tanben er establiment d'accions positives entà arténher eradicar era discriminacion per rason de sèxe que s'agen d'executar damb caractèr unitari entà tot eth territòri de Catalonha.
- b) Era promocion der associacionisme de hemnes que complissen activitats relacionades damb era igualtat e era non-discriminacion e des iniciatives de participacion.
- c) Era regulacion des mesures e es esturments entara sensibilizacion sus era violéncia de genre e entà detectar-la e previer-la, e tanben era regulacion de servicis e recorsi pròpris destinadi a arténher ua proteccion integrau des hemnes qu'an patit o patissen aguesta sòrta de violéncia.



PARLAMENT DE CATALUNYA

ARTICLE 154. PROMOCION E DEFENSA DERA COMPETÉNCIA

1. Correspon ara Generalitat era competéncia exclusiva en matèria de promocion dera competéncia enes mercats respècte as activitats economicas que s'exercissen principaument en Catalonha.

2. Correspon ara Generalitat era competéncia executiva en matèria de defensa dera competéncia en exercici des activitats economicas qu'altèren o poguen alterar era liura competéncia deth mercat en un encastre que non depasse eth territòri de Catalonha. Aquesta competéncia includís en tot cas:

a) Era execucion en mesures relatives as procèsi economicas qu'afècten ara competéncia.

b) Era inspeccion e era execucion deth procediment sancionador.

c) Era defensa dera competéncia en exercici dera activitat comerciau.

3. Correspon ara Generalitat era competéncia exclusiva sus er establiment e era regulacion deth Tribunau Catalan de Defensa dera Competéncia, coma organ independent damb jurisdiccio sus tot eth territòri de Catalonha, ath quau correspon en exclusiva tractar des activitats economicas que se complissen principaument en Catalonha e qu'altèren o pòden alterar era competéncia enes tèrmes qu'establiessen es apartats 1 e 2.

ARTICLE 155. PROPRIETAT INTELLECTUAU E INDUSTRIAU

1. Correspon ara Generalitat de Catalonha era competéncia executiva en matèria de propietat intellectuau, qu'includís en tot cas:

a) Er establiment e era regulacion d'un registre, coordinat damb eth der Estat, des drets de propietat intellectuau generats en Catalonha o des quaus siguen titulars personas damb residéncia abituau en Catalonha; era activitat d'inscripcio, modificacio o cancellacio d'aguesti drets, e er exercici dera activitat administrativa de besonh entà garantir-ne era proteccion en tot eth territòri de Catalonha. Era



PARLAMENT DE CATALUNYA

Generalitat a de comunicar ar Estat es inscripcions hètes en sòn registre entà que siguen incorporades en registre estatau; a de colaborar damb aquest registre e facilitar er escambi d'informacion.

b) Era autorizacion e era revocacion des entitats de gestion collectiva des drets de propietat intellectuau qu'actuen majoritàriament en Catalonha, e tanben assumir prètzhèts complementaris d'inspeccion e contròtle dera activitat d'aguestes entitats.

2. Correspon ara Generalitat era competència executiva en matèria de propietat industriau, qu'includís en tot cas:

a) Er establiment e era regulacion d'un registre, coordinat damb eth der Estat, de drets de propietat industriau des persones fisiques o juridiques.

b) Era defensa juridica e processau des toponims de Catalonha aplicadi en sector dera indústria.

ARTICLE 156. PROTECCION DE DADES DE CARACTÈR PERSONAU

Correspon ara Generalitat era competència executiva en matèria de proteccion de dades de caractèr personau que, en tot respectar es garanties des drets fundamentaus en aquesta matèria, includís en tot cas:

a) Era inscripcion e eth contròtle des fichèrs o es tractaments de dades de caractèr personau creats o gestionats pes institucions publiques de Catalonha, era Administracion dera Generalitat, es administracions locals de Catalonha, es entitats autonòmes e es autes entitats de dret public o privat que depenen des administracions autonòmica o locals o que prèsten servicis o acomplissen activitats per compde pròpri per miei de quinsevolha forma de gestion dirècta o indirècta, e es universitats qu'intègren eth sistèma universitari catalan.

b) Era inscripcion e eth contròtle des fichèrs o es tractaments de dades de caractèr personau privats creats o gestionats per persones fisiques o juridiques entar exercici des foncions publiques en çò que hè a matèries que son competència dera Generalitat o des ens locals de Catalonha, s'eth tractament se hè en Catalonha.



PARLAMENT DE CATALUNYA

c) Era inscripcion e eth contròtle des fichèrs e es tractaments de dades que creen o gestionen es corporacions de dret public qu'exercisquen es sues funcions exclusivament en encastre territorial de Catalonha.

d) Era constitucion d'ua autoritat independenta, designada peth Parlament, que velhe per garantir eth dret ara proteccion des dades personaus en encastre des competències dera Generalitat.

ARTICLE 157. PUBLICITAT

Correspon ara Generalitat era competència exclusiva sus era regulacion dera activitat publicitària, sense perjudici dera legislacion mercantila der Estat.

ARTICLE 158. RECÈRCA, DESVOLOPAMENT E INNOVACION TECNOLOGICA

1. Correspon ara Generalitat, en matèria de recèrca scientifica e tecnica, era competència exclusiva en çò que hè as centres e es estructures de recèrca dera Generalitat e as projectes qu'aguesta finàncie, qu'includís en tot cas:

a) Er establiment de linhas pròpies de recèrca e eth seguiment, eth contròtle e era avaloracion des projectes.

b) Era organizacion, eth regim de foncionament, eth contròtle, eth seguiment e era acreditacion des centres e es estructures plaçats en Catalonha.

c) Era regulacion e era gestion des bèques e des ajudes convocades e financiades pera Generalitat.

d) Era regulacion e era formacion professionau deth personau investigador e de supòrt ara recèrca.

e) Era difusion dera sciència e era transferència de resultats.

2. Correspon ara Generalitat era competència compartida sus era coordinacion des centres e es estructures de recèrca de Catalonha.

3. Es critèris de collaboracion enter er Estat e era Generalitat en matèria de politica de recèrca, desenvolopament e innovacion s'an de fixar en encastre de çò qu'establís eth títol V. Tanben, s'an d'establir es sistemes de participacion dera Generalitat ena



PARLAMENT DE CATALUNYA

fixacion des politiques qu'afecten ad aquestes matèries en encastre dera Union Europèa e en d'alti organismes e institucions internacionaus.

ARTICLE 159. REGIM JURIDIC, PROCEDIMENT, CONTRACTACION, EXPROPRIACION E RESPONSABILITAT ENES ADMINISTRACIONS PUBLIQUES CATALANES

1. Correspon ara Generalitat, en matèria de regim juridic e procediment des administracions publiques catalanes, era competència exclusiva en aquerò que non sigue afectat per article 149.1.18 dera Constitucion. Aquesta competència includís:

a) Es mieis de besonh entà exercir es foncions administratives, en tot includir-i eth regim des bens de domeni public e patrimoniaux.

b) Es potestats de contròtle, inspeccion e sancion en toti es encastres materiaus de competència dera Generalitat.

c) Es normes de procediment administratiu que deriven des particularitats deth dret substantiu de Catalonha o des especialitats dera organizacion dera Generalitat.

2. Correspon ara Generalitat era competència compartida en tot çò relatiu ath regim juridic e eth procediment des administracions publiques catalanes en aquerò que non demore includit en apartat 1.

3. Correspon ara Generalitat, en çò que hè as contractes des administracions publiques de Catalonha:

a) Era competència exclusiva sus organizacion e competències en matèria de contractacion des organs des administracions publiques catalanes e sus es règles d'execucion, modificacion e extincion des contractes dera Administracion, en aquerò que non sigue afectat per article 149.1.18 dera Constitucion.

b) Era competència compartida en tot aquerò que non ei atribuït ara competència exclusiva dera Generalitat pera letra *a*.

4. Correspon ara Generalitat, en matèria d'expropiacion forçosa, era competència executiva, en tot cas, entà:

a) Determinar es supausats, es causes e es condicions en qué es administracions catalanes pòden exercir era potestat expropiatòria.



PARLAMENT DE CATALUNYA

b) Establir criteris de valoracion des bens expropriats segontes era natura e era foncion sociiau qu'agen de complir aguesti bens, cossent damb era legislacion estatau.

c) Crear e regular un organ pròpri entara determinacion deth prètz just e fixar-ne eth procediment.

5. Correspon ara Generalitat, en matèria de responsabilitat patrimoniau, era competència compartida entà establir es causes que pòden originar responsabilitat en çò que hè as reclamacions dirigides ara Generalitat, cossent damb eth sistèma generau de responsabilitat de totes es administracions publiques.

6. Es competències dera Generalitat especificades enes apartats 1, 3, 4 e 5 s'an d'exercir en tot respectar eth principi d'autonomia locau.

ARTICLE 160. REGIM LOCAU

1. Correspon ara Generalitat era competència exclusiva en matèria de regim locau que, en tot respectar eth principi d'autonomia locau, includís:

a) Es relacions enter es institucions dera Generalitat e es ens locaux, e tanben es techniques d'organizacion e de relacion entara cooperacion e era collaboracion enter es ens locaux e enter aguesti e era Administracion dera Generalitat, en tot includir-i es diuèrses formes associatives, mancomunades, convencionaues e consorciaues.

b) Era determinacion des competències e des potestats pròpies des municipis e des auti ens locaux, enes encastres especificats per article 84.

c) Eth regim des bens de domeni public, comunaues e patrimoniaux e es modalitats de prestacion des servicis publics.

d) Era determinacion des organs de govèrn des ens locaux creats pera Generalitat e eth foncionament e eth regim d'adopcion d'acòrds d'aguesti organs.

e) Eth regim des organs complementaris dera organizacion des ens locaux.

2. Correspon ara Generalitat era competència compartida en tot aquerò que non establís er apartat 1.

3. Correspon ara Generalitat era competència exclusiva en matèria de regim electorau des ens locaux que cree, exceptat des que son garantits constitucionalment.



PARLAMENT DE CATALUNYA

ARTICLE 161. RELACIONS D'AMB LES ENTITATS RELIGIUSES

1. Correspon a la Generalitat la competència exclusiva en matèria d'entitats religioses que desenvolupen la seva activitat a Catalunya, que inclou, en tot cas, la regulació i l'establiment de mecanismes de col·laboració i cooperació entre el compliment de les seves activitats i l'encadre de les competències de la Generalitat.

2. Correspon a la Generalitat la competència executiva en matèria relativa a la llibertat religiosa. Aquesta competència inclou, en tot cas:

a) Participar en la gestió del registre estatal d'entitats religioses en què hi ha esglésies, confessions i comunitats religioses que desenvolupen la seva activitat a Catalunya, en els termes que determinen les lleis.

b) L'establiment d'acords i convenis de cooperació amb esglésies, confessions i comunitats religioses inscrites al registre estatal d'entitats religioses, en l'encadre de les competències de la Generalitat.

c) La promoció, el desenvolupament i l'execució, en l'encadre de les competències de la Generalitat, dels acords i convenis signats entre l'Estat i esglésies, confessions i comunitats religioses inscrites al registre estatal d'entitats religioses.

3. La Generalitat col·labora amb els òrgans d'encadre estatal que s'atribueixen funcions en matèria d'entitats religioses.

ARTICLE 162. SANITAT, SALUT PÚBLICA, ORDENACIÓ FARMACÈUTICA I PRODUCTES FARMACÈUTICS

1. Correspon a la Generalitat, en matèria de sanitat i salut pública, la competència exclusiva sobre l'organització, el funcionament intern, l'avaluació, l'inspecció i el control de centres, serveis i establiments sanitaris.

2. Correspon a la Generalitat l'ordenació farmacèutica, en l'encadre de l'article 149.1.16 de la Constitució.

3. Correspon a la Generalitat, en tot cas, la competència compartida amb els encadres següents:



PARLAMENT DE CATALUNYA

a) Era ordenacion, era planificacion, era determinacion, era regulacion e era execucion des prestacions e es servicis sanitaris, sociosanitaris e de salut mentau de caràcter public en toti es nivèus e entà toti es ciutadans.

b) Era ordenacion, era planificacion, era determinacion, era regulacion e era execucion des mesures e es actuacions destinades a preservar, protegir e promòir era salut publica en toti es encastres, en tot includir-i era salut laborau, era sanitat animau damb efèctes sus era salut umana, era sanitat alimentària, era sanitat ambientau e era susvelhança epidemiologica.

c) Era planificacion des recorsi sanitaris de cobertura publica e era coordinacion des activitats sanitàries privades damb eth sistèma sanitari public.

d) Era formacion sanitària especializada, qu'includís era acreditacion e era avaloracion de centres; era planificacion dera ofèrta de places; era participacion ena elaboracion des convocatòries e era gestion des programes de formacion des especialitats e es airaus de capacitacion especifica e era expedicion des diplòmes d'airaus de capacitacion especifica.

e) Eth regim estatutari e era formacion deth personau que prèste servicis en sistèma sanitari public.

4. Era Generalitat participe ena planificacion e era coordinacion estatau en matèria de sanitat e salut publica, cossent damb çò qu'establís eth títol V.

5. Correspon ara Generalitat era competència executiva dera legislacion estatau en matèria de productes farmaceutics.

ARTICLE 163. SEGURETAT PRIVADA

Correspon ara Generalitat era execucion dera legislacion der Estat enes matèries següentes:

a) Era autorizacion des empreses de seguretat privada qu'an eth sòn domicili sociu en Catalonha e er encastre d'actuacion des quaus non depasse eth territòri de Catalonha.



PARLAMENT DE CATALUNYA

- b) Era inspeccion e era sancion des activitats de seguretat privada que s'acomplissen en Catalonha.
- c) Era autorizacion des centres de formacion deth personau de seguretat privada.
- d) Era coordinacion des servicis de seguretat e investigacion privades damb era Policia dera Generalitat e es policies locals de Catalonha.

ARTICLE 164. SEGURETAT PUBLICA

1. Correspon ara Generalitat, en matèria de seguretat publica, cossent damb çò que dispause era legislacion estatau:
 - a) Era planificacion e era regulacion deth sistèma de seguretat publica de Catalonha e era ordenacion des policies locals.
 - b) Era creacion e era organizacion dera Policia dera Generalitat – Mossos d'Esquadra.
 - c) Eth contròtle e era vigilancia deth transit.
2. Correspon ara Generalitat eth comandament suprem dera Policia dera Generalitat – Mossos d'Esquadra e era coordinacion dera actuacion des policies locals.
3. Corresponen ara Generalitat, en encastre dera legislacion estatau sus seguretat, es facultats executives que li atribuisque er Estat e en tot cas:
 - a) Es foncions governatives sus er exercici des drets de reunion e manifestacion.
 - b) Eth compliment des disposicions entara conservacion dera natura, deth miei ambient e des recorsi idrològics.
4. Era Generalitat participe, mejançant ua junta de seguretat de composicion paritària enter era Generalitat e er Estat e presidida peth president dera Generalitat, ena coordinacion des politiques de seguretat e dera activitat des còssi policièrs der Estat e de Catalonha, e tanben en escambi d'informacion en encastre internacionau e enes relacions de collaboracion e auxili damb es autoritats policièras de d'auti païsi. Era Generalitat, cossent damb er Estat, a d'èster present enes grups de treball de collaboracion damb es policies de d'auti païsi en qué participe er Estat.



PARLAMENT DE CATALUNYA

5. Era Policia dera Generalitat – Mossos d'Esquadra a coma encastre d'actuacion eth conjunt deth territori de Catalonha e exercís totes es funcions pròpies d'un còs de policia, enes encastres següents:

- a) Era seguretat ciutadana e er orde public.
- b) Era policia administrativa, qu'includís era que derive dera normativa estatau.
- c) Era policia judiciu e era investigacion criminu, en tot includir-i es dièrses formes de crim organizat e terrorismo, enes tèrmes qu'establisquen es leis.

ARTICLE 165. SEGURETAT SOCIAU

1. Correspon ara Generalitat, en matèria de seguretat sociu, en tot respectar es principis d'unitat economica patrimoniu e de solidaritat financièra dera seguretat sociu, era competència compartida, qu'includís:

- a) Eth desplegament e era execucion dera legislacion estatau, exceptat des normes que configuren eth regim economic.
- b) Era gestion deth regim economic dera seguretat sociu.
- c) Era organizacion e era gestion deth patrimoni e des servicis qu'intègren era assistència sanitària e es servicis sociaus deth sistèma dera seguretat sociu en Catalonha.
- d) Era ordenacion e er exercici des potestats administratives sus es institucions, es empreses e es fondacions que collabòren damb eth sistèma dera seguretat sociu, enes matèries a qué hè referéncia era letra c, e tanben era coordinacion des activitats de prevencion de riscos laboraus qu'acomplissen en Catalonha es mútues d'accidents de treball e malauties professionaus.
- e) Eth reconeixement e era gestion des pensions non contributives.
- f) Era coordinacion des actuacions deth sistèma sanitari vinculades as prestacions dera seguretat sociu.

2. Era Generalitat pòt organitzar e administrar, ad aguesti efèctes e laguens eth sòn territori, toti es servicis relacionadi damb es matèries mès ensús especificades, e



PARLAMENT DE CATALUNYA

exercís era tutèla des institucions, es entitats e es fondacions en matèria de sanitat e seguretat social, exceptat dera nauta inspeccion, que demore reservada ar Estat.

ARTICLE 166. SERVICIS SOCIALS, VOLUNTARIAT, MENORS E PROMOCION DES FAMILHES

1. Correspon ara Generalitat era competència exclusiva en matèria de servicis socials, qu'includís en tot cas:

a) Era regulacion e era ordenacion dera activitat de servicis socials, es prestacions tecnicas e es prestacions economicas damb finalitat assistencial o complementàries de d'alti sistèmes de prevision publica.

b) Era regulacion e era ordenacion des entitats, es servicis e es establiments publics e privats que prèsten servicis socials en Catalonha.

c) Era regulacion e era aprobacion des plans e es programes especifics dirigits a persones e collectius en situacion de praubesa o de besonh social.

d) Era intervencion e eth contròtle des sistèmes de proteccion social complementària privats.

2. Correspon ara Generalitat era competència exclusiva en matèria de voluntariat, qu'includís, en tot cas, era definicion dera activitat e era regulacion e era promocion des actuacions destinades ara solidaritat e ara accion voluntària que s'executen individuaument o mejançant institucions publiques o privades.

3. Correspon ara Generalitat, en matèria de menors:

a) Era competència exclusiva en matèria de proteccion de menors, qu'includís, en tot cas, era regulacion deth regim dera proteccion e des institucions publiques de proteccion e tutèla des menors desemparats, en situacion de risc e des menors infractors, en tot respectar en aquest darrèr cas era legislacion penau.

b) Era Generalitat participe ena elaboracion e era reforma dera legislacion penau e processau qu'incidisque enes competències de menors.



PARLAMENT DE CATALUNYA

4. Correspon ara Generalitat era competència exclusiva en matèria de promocion des familhes e dera enfància, qu'includís en tot cas es mesures de proteccion sociau e era sua execucion.

ARTICLE 167. SIMBÈUS DE CATALONHA

Correspon ara Generalitat era competència exclusiva sus era regulacion, era ordenacion, era configuracion e era preservacion des simbèus de Catalonha, cossent damb çò qu'establís aquest Estatut.

ARTICLE 168. SISTÈMA PENITENCIARI

1. Correspon ara Generalitat era competència executiva dera legislacion der Estat en matèria penitenciària, qu'includís en tot cas:

- a) Era capacitat entà dictar disposicions qu'adapten era normativa penitenciària ara realitat sociau de Catalonha.
- b) Era totalitat dera gestion dera activitat penitenciària en Catalonha, especiaument era direccion, era organizacion, eth regim, eth foncionament, era planificacion e era inspeccion des institucions penitenciàries de quinsevolha sòrta plaçades en Catalonha.
- c) Era planificacion, era construccion e era reforma des establiments penitenciaris plaçats en Catalonha.
- d) Era administracion e era gestion patrimoniau des immòbles e des equipaments adscrits ara Administracion penitenciària catalana e de toti es mieis materiaus que li siguen assignats.
- e) Era planificacion e era organizacion deth treball remunerat dera poblacion reclusa, e tanben era execucion des mesures alternatives ara preson e des activitats de reinsercion.

2. Era Generalitat pòt eméter informes en procediment d'autrejament d'indults.



PARLAMENT DE CATALUNYA

ARTICLE 169. TRANSPÒRTS

1. Correspon ara Generalitat era competència exclusiva sus es transpòrts terrèstres de viatgèrs e mercaderies per carretèra, ferrocarril e cable que transcorren intègrament laguens eth territòri de Catalonha, damb independència dera titularitat dera infraestructura. Aquesta competència includís en tot cas:

a) Era regulacion, era planificacion, era gestion, era coordinacion e era inspeccion des servicis e es activitats.

b) Era regulacion dera intervencion administrativa entar exercici des activitats de transpòrt.

c) Era regulacion deth transpòrt urban e des servicis de transpòrt discrecionau de viatgèrs en veïculs de torisme.

d) Era regulacion especifica deth transpòrt toristic, escolar o de menors, sanitari, funerari, de mercaderies perilhoses o peribles e d'autres que requerisquen un regim especific, en tot respectar es competències estataus sus seguretat publica.

e) Era regulacion d'un sistèma de mediacion en matèria de transpòrts.

f) Era potestat tarifària sus transpòrts terrèstres.

2. Era integracion de linhas o servicis de transpòrt que transcorren intègrament per Catalonha en linhas o servicis d'encastre superior requerís er informe prealable dera Generalitat.

3. Era Generalitat participe en establiment des servicis ferroviaris que garantisquen era comunicacion damb d'autres comunitats autonòmes o damb eth transit internacionau, cossent damb çò qu'establís eth títol V.

4. Correspon ara Generalitat era competència exclusiva sus es centres de transpòrt, logistica e distribucion plaçadi en Catalonha qu'includís:

a) Es centres d'informacion e distribucion de cargues.

b) Es estacions de transpòrt per carretèra.

5. Correspon ara Generalitat era competència exclusiva sus es operadors des activitats vinculades ara organizacion deth transpòrt, era logistica e era distribucion plaçades en Catalonha.



PARLAMENT DE CATALUNYA

6. Correspon ara Generalitat era competència exclusiva en matèria de transport marítim e fluvial que transcor íntegrament per Catalunya que, en tot respectar es competències der Estat en marina mercante e ports, includís:

- a) Era regulacion, era planificacion e era gestion deth transport marítim e fluvial de passatgers.
- b) Era intervencion administrativa entara prestacion de servicis e er acompliment des activitats qu'agen relacion damb eth transport marítim e fluvial.
- c) Es requisits entar exercici dera activitat.

ARTICLE 170. TREBALL E RELACIONS LABORAUS

1. Correspon ara Generalitat era competència executiva en matèria de treball e relacions laboraus, qu'includís en tot cas:

- a) Es relacions laboraus e es condicions de treball.
- b) Es polítiques actives d'ocupacion, qu'includissen era formacion des demandants d'ocupacion e des treballadors en actiu, e tanben era gestion des subvencions corresponentes. Era Generalitat participe enes plans o es activitats de formacion que despassen er encastre territorial de Catalunya.
- c) Es qualificacions professionaus en Catalunya.
- d) Era intermediacion laborau, qu'includís era regulacion, era autorizacion e eth contròtle des agències de collocacion damb sedença en Catalunya.
- e) Era negociacion collectiva e eth registre des convènis collectius de treball.
- f) Es procediments de regulacion d'ocupacion e d'actuacion administrativa en matèria de traslats collectius entre centres de treball plaçats en Catalunya.
- g) Era prevencion de riscos laboraus e era seguretat e era salut en treball.
- h) Era potestat sancionadora des infraccions der orde social, en encastre des sues competències.



PARLAMENT DE CATALUNYA

i) Era determinacion des servicis minims des grèves o arturades qu'agen lòc en Catalonha.

j) Eth contròtle de legalitat e, s'ei de besonh, eth registre posterior des convènis collectius de treball des empreses qu'acomplissen era sua activitat exclusivament en Catalonha.

k) Es esturments de conciliacion, mediacion e arbitratge laboraus.

l) Era elaboracion deth calendari de dies hestèrs qu'a de regir en tot eth territòri de Catalonha.

2. Correspon ara Generalitat era competència executiva sus era foncion publica inspectora en tot çò que regule aquest article. Ad aquest efècte, es funcionaris des còssi qu'acomplisquen aquesta foncion depenen organicament e funcionament dera Generalitat. Per miei des mecanismes de cooperacion que determine eth títol V, s'an d'establir es formules de garantia der exercici eficaç dera foncion inspectora en encastre social.

ARTICLE 171. TORISME

Correspon ara Generalitat era competència exclusiva en matèria de torisme, qu'includís en tot cas:

a) Era ordenacion e era planificacion deth sector toristic.

b) Era promocion deth torisme qu'includís era soscripcion d'acòrds damb ens estrangèrs e era creacion d'oficines en estrangèr.

c) Era regulacion e era classificacion des empreses e es establiments toristics e era gestion deth hilat d'establiment toristics de titularitat dera Generalitat.

Tà pr'amor de facilitar era coordinacion entre aquesti establiments e es establiments deth hilat de paradors der Estat plaçadi en Catalonha, era Generalitat participe, enes tèrmes qu'establisque era legislacion estatau, enes organs d'administracion de Paradors de Torisme d'Espanha.

d) Era regulacion des drets e es déuers especifics des usatgèrs e es prestadors de servicis toristics e des mieis alternatius de resolucion de conflictes.



PARLAMENT DE CATALUNYA

- e) Es ensenhaments e era formacion sus torisme que non donguen dret ara obtencion d'un títol oficiau.
- f) Era fixacion des critèris, era regulacion des condicions e era execucion e eth contròtle des linhas publiques d'ajuda e de promocion deth torisme.

ARTICLE 172. UNIVERSITATS

1. Correspon ara Generalitat, en matèria d'ensenhament universitari, sense perjudici dera autonomia universitària, era competència exclusiva sus:

- a) Era programacion e era coordinacion deth sistèma universitari catalan, en encastre dera coordinaci6n generau.
- b) Es decisions de creacion d'universitats publiques e era autorizacion des privades.
- c) Era aprobacion des estatuts des universitats publiques e des normes d'organizacion e foncionament des universitats privades.
- d) Era coordinacion des procediments d'accès as universitats.
- e) Er encastre juridic des títols pròpris des universitats, cossent damb eth principi d'autonomia universitària.
- f) Eth finançament pròpri des universitats e, s'ei de besonh, era gestion des hons estataus en matèria d'ensenhament universitari.
- g) Era regulacion e era gestion deth sistema pròpri de bèques e ajudes ara formacion universitària e, s'ei de besonh, era regulacion e era gestion des hons estataus en aquesta matèria.
- h) Eth regim retributiu deth personau docent e investigador contractat des universitats e er establiment des retribucions addicionaus deth personau docent foncionari.

2. Correspon ara Generalitat, en matèria d'ensenhament universitari, sense perjudici dera autonomia universitària, era competència compartida sus tot aquer6 a qué non hè referència er apartat 1, qu'includís en tot cas:

- a) Era regulacion des requisits entara creacion e eth reconeishement d'universitats e centres universitaris e era adscripcion d'aguesti centres as universitats.



PARLAMENT DE CATALUNYA

- b) Eth regim juridic dera organizacion e eth foncionament des universitats publiques, en tot includir-i es organs de govèrn e de representacion.
 - c) Era adscripcion e era desadscripcion de centres docents publics o privats entà impartir títols universitaris oficials e era creacion, era modificacion e era supression de centres universitaris en universitats publiques, e tanben eth reconeixement d'aguesti centres en universitats privades e era implantacion e era supression d'ensenhaments.
 - d) Era regulacion deth regim d'accès as universitats.
 - e) Era regulacion deth regim deth professorat docent e investigador contractat e funcionari.
 - f) Era avaloracion e eth garantiment dera qualitat e dera excelléncia der ensenhament universitari, e tanben deth personau docent e investigador.
3. Era competéncia executiva sus era expedicion des títols universitaris oficials.

ARTICLE 173. VIDEOSUSVELHANÇA E CONTRÒTLE DE SON E ENREGISTRAMENTS

Correspon ara Generalitat era competéncia sus er us dera videosusvelhança e eth contròtle de son e enregistraments o d'auti mieis analògs, en encastre public, amiadi pera policia de Catalonha o per empreses e establiments privats. Era Generalitat a d'exercir aguesta competéncia en tot respectar es drets fundamentaus.

TÍTOL V. DES RELACIONS INSTITUCIONAUS DERA GENERALITAT

CAPÍTOL I. RELACIONS DERA GENERALITAT DAMB ER ESTAT E DAMB D'AUTES COMUNITATS AUTONÒMES

ARTICLE 174. DISPOSICIONS GENERAUS

- 1. Era Generalitat e er Estat se balhen ajuda mutuau e collabòren quan ei de besonh entar exercici eficaç des competéncies respectives e entara defensa des interèssi respectius.



PARLAMENT DE CATALUNYA

2. Era Generalitat pòt establir damb d'autres comunitats autonòmes relacions de collaboracion entara fixacion de politiques comunes, entar exercici eficaç des sues competéncias e entath tractament des ahèrs d'interès comun, especiaument quan agen ua artenhuda supraterritoriala. Era Generalitat a de balhar era ajuda de besonh as autes comunitats autonòmes entar exercici eficaç des sues competéncias.

3. Era Generalitat partiecepe enes institucions, es organismes e es procediments de prenuda de decisions der Estat qu'afècten as sues competéncias cossent damb çò qu'establissen aquest Estatut e es leis.

SECCION PRUMÈRA. COLLABORACION DAMB ER ESTAT E DAMB D'AUTES COMUNITATS AUTONÒMES

ARTICLE 175. ESTURMENTS DE COLLABORACION ENTER ERA GENERALITAT E ER ESTAT

1. Era Generalitat e er Estat, en encastre des competéncias respectives, pòden soscrúer convènis de collaboracion e hèr us des auti mieis de collaboracion que considèren adequats entà complir es objectius d'interès comun.

2. Era Generalitat tanben collabòre damb er Estat per miei des organs e es procediments multilateraus enes encastres e es ahèrs d'interès comun.

ARTICLE 176. EFÈCTES DERA COLLABORACION ENTRE ERA GENERALITAT E ER ESTAT

1. Era participacion dera Generalitat enes organs e es mecanismes bilateraus e multilateraus de collaboracion damb er Estat e damb d'autres comunitats autonòmes non altère era titularitat des competéncias que li corresponen.

2. Era Generalitat non demore vinculada pes decisions adoptades en marc des mecanismes multilateraus de collaboracion volentària damb er Estat e damb d'autres comunitats autonòmes respècte as quaus non age manifestat eth sòn acòrd.



PARLAMENT DE CATALUNYA

3. Era Generalitat pòt hèr constar resèrves enes acòrds adoptats en marc des mecanismes multilateraus de collaboracion voluntària quan s'agen pres sense era sua aprobacion.

ARTICLE 177. REGIM DES CONVÈNIS ENTER ERA GENERALITAT E ER ESTAT

1. Eth regim juridic des convènis signats pera Generalitat, en çò que tanh ad aguesta, a d'èster establìt per lei deth Parlament.
2. Es convènis soscrits enter eth Govèrn dera Generalitat e eth Govèrn der Estat s'an de publicar en *Diari Oficial de la Generalitat de Catalunya* en tèrme d'un mes a compdar deth dia en qué se signen. Era data de publicacion des convènis en *Boletín Oficial del Estado* ne determine era eficàcia en çò que tanh a tresaus.

ARTICLE 178. CONVÈNIS E ACÒRDS DAMB D'AUTES COMUNITATS AUTONÒMES

1. Era Generalitat pòt soscriuer damb d'autes comunitats autonòmes convènis de collaboracion e acòrds de cooperacion.
2. Es convènis e es acòrds damb d'autes comunitats autonòmes pòden acordar, enter d'auti contenguts, era creacion d'òrgans mixtes e er establiment de projèctes, plans e programes conjunts.
3. Era suscripcion de convènis e acòrds sonque requerís era aprobacion prealabla deth Parlament enes casi que n'afècten es facultats legislatives. Enes auti casi, eth Govèrn a d'informar ath Parlament dera suscripcion en tèrme d'un mes a compdar deth dia dera signatura.
4. Es convènis de collaboracion soscrits pera Generalitat damb d'autes comunitats autonòmes s'an de comunicar as Corts Generaus e era sua vigència comence seishanta dies despús d'aguesta comunicacion, exceptat qu'es Corts Generaus decidisquen que s'an de qualificar coma acòrds de cooperacion que requerissen era autorizacion prealabla a qué hè referència er article 145.2 dera Constitucion.



PARLAMENT DE CATALUNYA

5. Es convènís e es acòrds soscrits pera Generalitat damb d'outes comunitats autonòmes s'an de publicar en Diari Oficial de la Generalitat de Catalunya en tèrme de quaranta cinc dies e d'un mes, respectivament, a compdar deth dia en qué se signen.

SECCION DUSAU. PARTICIPACION EN INSTITUCIONS E EN PROCEDIMENTS DE PRESA DE DECISIONS ESTATAUS

ARTICLE 179. COMPAREISHENÇA DE SENADORS DAUANT ETH PARLAMENT

Es senadors escuelhuts en Catalonha e es que representen era Generalitat en Senat pòden comparéisher dauant eth Parlament a peticion pròpria entà informar sus era sua activitat en Senat, enes tèrmes qu'establís eth Reglament deth Parlament.

ARTICLE 180. DESIGNACION DE MEMBRES DETH TRIBUNAU CONSTITUCIONAU E DETH CONSELH GENERAU DETH PODER JUDICIAU

Era Generalitat participe enes procèssi de designacion de magistrats deth Tribunau Constitucionau e de membres deth Conselh Generau deth Poder Judicial, enes tèrmes qu'establisquen es leis o, se cau, er ordenament parlamentari.

ARTICLE 181. PARTICIPACION ENA ORDENACION GENERAU DERA ACTIVITAT ECONOMICA

Era Generalitat participe ena elaboracion des decisions estataus qu'afècten ara ordenacion generau dera activitat economica en encastre d'aquerò qu'establís er article 131.2 dera Constitucion.

ARTICLE 182. DESIGNACION DE REPRESENTANTS ENES ORGANISMES ECONOMICS E SOCIAUS

1. Era Generalitat designe o participe enes procèsi entà designar as membres des organs de direccion deth Banc d'Espanha, era Comission Nacionau deth Mercat de Valors e era Comission deth Mercat des Telecomunicacions, e des organismes



PARLAMENT DE CATALUNYA

qu'eventuaument les substituïsquen, e tanben des auti organismes estataus qu'exercissen foncions d'autoritat reguladora sus matèries de relevància economica e social relacionades damb es competéncias dera Generalitat, enes tèrmes qu'establís era legislacion aplicabla.

2. Era Generalitat designe o participe ens procèsi entà designar as membre des organismes economics e energetics, des institucions financièras e des empreses publicas der Estat era competéncia des quaus s'estiene ath territòri de Catalonha e que non siguen objècte de traspàs, enes tèrmes qu'establís era legislacion aplicabla.

3. Era Generalitat designe o participe enes procèsi entà designar as membres deth Tribunau de Compdes, eth Conselh Economic e Social, era Agéncia Tributària, era Comission Nacionau d'Energia, era Agéncia Espanhòla de Proteccion de Dades, eth Conselh de Ràdio e Television, des organismes qu'eventuaument les substituïsquen e des que se creen en aguesti encastres, enes tèrmes qu'establís era legislacion aplicabla.

4. Era Generalitat, s'era natura der ens ac requerís e era sua sedença principau non ei en Catalonha, pòt sollicitar ar Estat era creacion de delegacions territoriaus des organismes a qué hè referéncia er apartat 1.

SECCION TRESAU. ERA COMISSIÒN BILATERAU GENERALITAT – ESTAT

ARTICLE 183. FONCTIONS E COMPOSICION DERA COMISSIÒN BILATERAU GENERALITAT – ESTAT

1. Era Comission Bilaterau Generalitat – Estat, cossent damb es principis qu'establissen es articles 3.1 e 174, constituís er encastre generau e permanent de relacion enter eth Govèrn dera Generalitat e eth Govèrn der Estat as efèctes següents:

a) Era participacion e era collaboracion dera Generalitat en exercici des competéncias estataus qu'afècten ara autonomia de Catalonha.

b) Er escambi d'informacion e er establiment, quan sigue de besonh, de mecanismes de collaboracion enes respectives politiques publicas e enes ahèrs d'interès comun.



PARLAMENT DE CATALUNYA

2. Es funcions dera Comission Bilaterau Generalitat – Estat son deliberar, hèr prepauses e, s'ei de besonh, adoptar acòrds enes casi establits per aquest Estatut e, en generau, en çò que hè as encastres següents:

a) Es projectes de lei qu'incidissen singularament ena distribucion de competéncias entre er Estat e era Generalitat.

b) Era programacion dera politica economica generau deth Govèrn der Estat en tot aquerò qu'afècte singularament as interèssi e es competéncias dera Generalitat e sus era aplicacion e eth desenvolopament d'aguesta politica.

c) Er impuls des mesures adequades entà mielhorar era colaboracion enter er Estat e era Generalitat e assegurar un exercici mès eficaç des competéncias respectives enes encastres d'interès comun.

d) Es conflictes competenciaus plantejats enter es dues parts e era prepausa, s'ei de besonh, de mesures entà resolver-les.

e) Era avaloracion deth foncionament des mecanismes de colaboracion que s'agen establits enter er Estat e era Generalitat e era prepausa des mesures que permeten mielhorar-lo.

f) Era prepausa dera relacion d'organismes economics, institucions financièras e empreses publicques der Estat enes quaus era Generalitat pòt designar representants, e es modalitats e es formes d'aguesta representacion.

g) Eth seguiment dera politica europèa entà garantir era efectivitat dera participacion dera Generalitat enes ahèrs dera Union Europèa.

h) Eth seguiment dera accion exteriora der Estat qu'afècte as competéncias pròpies dera Generalitat.

i) Es qüestions d'interès comun qu'establisquen es leis o que plantegen es parts.

3. Era Comission Bilaterau Generalitat – Estat ei integrada per un nombre igual de representants der Estat e dera Generalitat. Era sua presidéncia ei exercida de manèra alternativa enter es dues parts en torns d'un an. Era Comission dispause d'ua secretaria permanenta e pòt crear es subcomissions e es comitès que creigue convenients. Era Comission elabòre ua memòria anuau, que traslade ath Govèrn der Estat e ath Govèrn dera Generalitat e ath Parlament.



PARLAMENT DE CATALUNYA

4. Era Comission Bilaterau Generalitat – Estat s'amasse en session plenària aumens dus viatges ar an e tostemps qu'ac demane ua des dues parts.
5. Era Comission Bilaterau Generalitat – Estat adòpte eth sòn reglament intèrn e de foncionament per acòrd des dues parts.

CAPÍTOL II. RELACIONS DERA GENERALITAT DAMB ERA UNION EUROPEÀ

ARTICLE 184. DISPOSICION GENERAU

Era Generalitat paticepe, enes tèrmes qu'establiessen aquest Estatut e era legislación der Estat, enes ahèrs relacionats damb era Union Europèa qu'afècten as competéncies o as interèssi de Catalonha.

ARTICLE 185. PARTICIPACION ENES TRACTATS DERA UNION EUROPEÀ

1. Era Generalitat a d'èster informada peth Govèrn der Estat des iniciatives de revision des tractats dera Union Europèa e des procèssi de soscripcion e ratificacion subsegüents. Eth Govèrn dera Generalitat e eth Parlament an de dirigir ath Govèrn der Estat e as Corts Generaus es observacions que considèren pertinentes ad aquest efècte.
2. Eth Govèrn der Estat pòt incorporar representants dera Generalitat as delegacions espanhòles que participen enes procèssi de revision e negociacion des tractats originaris e enes d'adopcion de navi tractats, enes matèries qu'afècten as competéncies exclusives dera Generalitat.

ARTICLE 186. PARTICIPACION ENA FORMACION DES POSICIONS DER ESTAT

1. Era Generalitat participe ena formacion des posicions der Estat dauant era Union Europèa, especiaument dauant eth Conselh de Ministres, enes ahèrs relatius as competéncies o as interèssi de Catalonha, enes tèrmes qu'establiessen aquest Estatut e era legislacion sus aquesta matèria.



PARLAMENT DE CATALUNYA

2. Era Generalitat a de participar de manèra bilaterau ena formacion des posicions der Estat enes ahèrs europèus que l'afècten exclusivament. Enes auti casi, era participacion se hè en encastre des procediments multilateraus que s'establisquen.
3. Era posicion expressada pera Generalitat ei determinanta entara formacion dera posicion estatau s'afècte as sues competéncias exclusives e se dera prepausa o era iniciativa europèes pòden derivar conseqüéncias financièras o administratives especiaument relevantes entà Catalonha. Enes auti casi, aguesta posicion a d'èster escotada per Estat.
4. Er Estat a d'informar ara Generalitat de manèra complèta e actualizada sus es iniciatives e es prepauses presentades dauant era Union Europèa. Eth Govèrn dera Generalitat e eth Parlament de Catalonha an de dirigir ath Govèrn der Estat e as Corts Generaus, segontes que correspongue, es observacions e es prepauses que considèren pertinentes sus es nomentades iniciatives e prepauses.

ARTICLE 187. PARTICIPACION EN INSTITUCIONS E ORGANISMES EUROPEÛS

1. Era Generalitat participe enes delegacions espanhòles dauant era Union Europèa que tracten ahèrs dera competéncia legislativa dera madeisha Generalitat, e especiaument dauant eth Conselh de Ministres e es organs consultius e preparatòris deth Conselh e dera Comission.
2. Era participacion qu'establis er apartat 1, se se referís a competéncias exclusives dera Generalitat, permet, mejançant acòrd prealable, exercir era representacion e era presidéncia d'aguesti organs, cossent damb era normativa aplicabla.
3. Era Generalitat, cossent damb er Estat, participe ena designacion de representants en encastre dera representacion permanenta d'aguest ena Union Europèa.
4. Eth Parlament pòt establir relacions damb eth Parlament Europèu enes encastres d'interès comun.



PARLAMENT DE CATALUNYA

ARTICLE 188. PARTICIPACION EN CONTRÒTLE DES PRINCIPIS DE SUBSIDIARIETAT E DE PROPORCIONALITAT

Eth Parlament participe enes procediments de contròtle des principis de subsidiarietat e de proporcionalitat qu'establisque eth dret dera Union Europèa en çò que hè as prepauses legislatives europèes s'aguestes prepauses afecten a competéncias dera Generalitat.

ARTICLE 189. DESVOLOPAMENT E APLICACION DETH DRET DERA UNION EUROPEÀ

1. Era Generalitat aplique e execute eth dret dera Union Europèa en encastre des sues competéncias. Era existéncia d'ua regulacion europèa non modifique era distribucion intèrna de competéncias qu'establisson era Constitucion e aquest Estatut.

2. S'era execucion deth dret dera Union Europèa a de besonh era adopcion de mesures intèrnes d'artenhuda superiora ath territòri de Catalonha qu'es comunitats autonòmes competentes non pòden adoptar mejançant mecanismes de collaboracion o coordinacion, er Estat a de consultar era Generalitat sus aquestes circumstàncies abans que s'adòpten es dites mesures. Era Generalitat a de participar enes organs qu'adòpten aquestes mesures o, s'aguesta participacion non ei possible, a d'emèter un informe prealable.

3. En cas qu'era Union Europèa establisque ua legislacion que remplace ara normativa basica der Estat, era Generalitat pòt adoptar era legislacion de desenvolopament a partir des normes europèes.

ARTICLE 190. GESTION DE HONS EUROPEÛS

Correspon ara Generalitat era gestion des hons europèus en matèries dera sua competéncia, enes tèrmes qu'establisson es articles 114 e 210.

ARTICLE 191. ACCIONS DAUANT ETH TRIBUNAU DE JUSTÍCIA

1. Era Generalitat a accès ath Tribunal de Justícia dera Union Europèa enes tèrmes qu'establisque era normativa europèa.



PARLAMENT DE CATALUNYA

2. Eth Govèrn dera Generalitat pòt instar ath Govèrn der Estat a iniciar accions dauant eth Tribunau de Justícia dera Union Europèa en defensa des legitims interèssi e competències dera Generalitat. Era Generalitat collabòre ena defensa juridica.
3. Era negativa deth Govèrn der Estat a exercir es accions sollicitades a d'èster motivada e a d'èster comunicada immediatament ara Generalitat.

ARTICLE 192. DELEGACION DERA GENERALITAT DAUANT ERA UNION EUROPEÀ

Era Generalitat pòt establir ua delegacion entà deféner mielhor es sòns interèssi dauant es institucions dera Union Europèa.

CAPÍTOL III. ACCION EXTERIORA DERA GENERALITAT

ARTICLE 193. DISPOSICIONS GENERAUS

1. Era Generalitat a d'impulsar era projeccion de Catalonha en exterior e promòir es sòns interèssi en aquest encastre, en tot respectar era competència der Estat en matèria de relacions exteriores.
2. Era Generalitat a capacitat entà amiar a tèrme es accions damb projeccion exteriora que deriven dirèctament des sues competències, sigue de manèra dirècta, sigue per miei des organs dera Administracion generau der Estat.

ARTICLE 194. OFICINES EN EXTERIOR

Era Generalitat, entara promocion des interèssi de Catalonha, pòt establir oficines en exterior.

ARTICLE 195. ACÒRDS DE COLLABORACION

Era Generalitat, entara promocion des interèssi de Catalonha, pòt soscrúer acòrds de collaboracion en encastre des sues competències. Damb aquesta finalitat, es organs de



PARLAMENT DE CATALUNYA

representacion exteriora der Estat an de balhar eth supòrt que calgue as iniciatives dera Generalitat.

ARTICLE 196. TRACTATS E CONVÈNIS INTERNACIONAUS

1. Eth Govèrn der Estat a d'informar prealablament ara Generalitat sus es actes de soscripcion des tractats qu'afècten d'ua manèra dirècta e singulara as competències de Catalonha. Era Generalitat e eth Parlament pòden dirigir ath Govèrn es observacions que considèren pertinentes.
2. Se se tracte de tractats qu'afècten d'ua manèra dirècta e singulara, era Generalitat pòt sollicitar ath Govèrn qu'intègre representants dera Generalitat enes delegacions negociadores.
3. Era Generalitat pòt sollicitar ath Govèrn era soscripcion de tractats internacionaus en matèries dera sua competència.
4. Era Generalitat a d'adoptar es mesures de besonh entà executar es obligacions derivades des tractats e es convènis internacionaus ratificats per Espanha o que ligen er Estat en encastre des sues competències.

ARTICLE 197. COOPERACION TRANSFRONTERÈRA, INTERREGIONAU E ATH DESVOLOPAMENT

1. Era Generalitat a de promòir era cooperacion damb es regions europèes damb qué compartís interèssi economics, sociaus, ambientaus e culturaus, e i a d'establir es relacions que corresponguen.
2. Era Generalitat a de promòir era cooperacion damb d'auti territòris, enes tèrmes qu'establís er apartat 1.
3. Era Generalitat a de promòir programes de cooperacion ath desenvolopament.

ARTICLE 198. PARTICIPACION ENES ORGANISMES INTERNACIONAUS

Era Generalitat a de participar enes organismes internacionaus competents en matèries d'interès relevant entà Catalonha, especiaument era UNESCO e d'auti



PARLAMENT DE CATALUNYA

organismes de caràcter cultural, en forma que establisque era normativa corresponenta.

ARTICLE 199. COORDINACION DES ACCIONS EXTERIORES

Era Generalitat a d'impulsar e coordinar, en encastre des sues competències, es accions exteriores des ens locals e des organismes e d'altres publics de Catalonha, sense perjudici dera autonomia qu'agen.

ARTICLE 200. PROJECCION INTERNACIONAU DES ORGANIZACIONS DE CATALONHA

Era Generalitat a de promòir era projeccion internacionau des organizacions socials, culturals e esportives de Catalonha e, s'ei de besonh, era sua afiliacion as entitats afines d'encastre internacionau, en encastre deth compliment des sòns objectius.

TÍTOL VI. DETH FINANÇAMENT DERA GENERALITAT

CAPÍTOL I. ES FINANCES DERA GENERALITAT

ARTICLE 201. PRINCIPIS

1. Es relacions d'orde tributari e financer entre er Estat e era Generalitat son regulades pera Constitucion, per aquest Estatut e pera lei organica a qué hè referència er apartat tresau der article 157 dera Constitucion.
2. Eth finançament dera Generalitat se regís pes principis d'autonomia financiera, coordinacion, solidaritat e transparència enes relacions fiscaus e financieres enter es administracions publiques, e tanben pes principis de suficiència de recorsi, responsabilitat fiscau, equitat e leiautat institucionau enter es nomentades administracions.
3. Eth desenvolupament d'aquest títol correspon ara Comission Mixta d'Ahèrs Economicos e Fiscaus Estat – Generalitat.



PARLAMENT DE CATALUNYA

4. Cossent damb er article 138.2 dera Constitucion, eth finançament dera Generalitat non a de comportar efèctes discriminatòris envèrs Catalonha respècte as autes comunitats autonòmes. Aquest principi a de respectar pleament es critèris de solidaritat qu'enóncie er article 206 d'aquest Estatut.

ARTICLE 202. ES RECORSI DERA GENERALITAT

1. Era Generalitat dispause d'ues finances autonòmes e des recorsi financièrs suficients entà afrontar er exercici adequat deth sòn autogovèrn.

2. Era Generalitat gaudís de plea autonomia de despena entà poder aplicar liurament es sòns recorsi cossent damb es directritztes politiquas e sociaus determinades pes sues institucions d'autogovèrn.

3. Es recorsi des finances dera Generalitat son constituïts per:

a) Es rendiments des sòns impòsti, taxes, contribucions especiaus e d'auti tributs pròpris.

b) Eth rendiment de toti es tributs estataus cedits, cossent damb çò que dispause er article 201 d'aquest Estatut.

c) Es recargues sus es tributs estataus.

d) Es ingrèssi procedents deth Hons de compensacion interterritoriau e d'autes assignacions establides pera Constitucion, s'ei de besonh.

e) D'autes transferències e assignacions damb cargue as pressupòsti generaus der Estat.

f) Es ingrèssi pera percepcion des sòns prètzi publics.

g) Es rendiments deth patrimòni dera Generalitat.

h) Es ingrèssi de dret privat.

i) Eth producte d'emission de deute e des operacions de crèdit.

j) Es ingrèssi procedents de multes e sancions en encastre des sues competències.

k) Es recorsi procedents dera Union Europèa e de programes comunitaris.



PARLAMENT DE CATALUNYA

l) Quinsevolh aute recors que pogue establir-se en vertut de çò que dispausen aquest Estatut e era Constitucion.

ARTICLE 203. COMPETÈNCIES FINANCIÈRES

1. Era Generalitat a capacitat entà determinar eth volum e era composicion des sòns ingrèssi en encastre des sues competències financières, e tanben entà fixar era afectacion des sòns recorsi as finalitats de despena que decidisque liurament.

2. Era Generalitat partice en rendiment des tributs estataus cedits a Catalonha. Ad aquest efècte, aquesti tributs an era consideracion següenta:

a) Tributs cedits totaument, que son aqueri respècte as quaus corresponen ara Generalitat era totalitat des rendiments e era capacitat normativa.

b) Tributs cedits parciaument, que son aqueri respècte as quaus corresponen ara Generalitat ua part des rendiments e, se s'escatz, era capacitat normativa.

3. En encastre des competències der Estat e dera Union Europèa, era exercici dera capacitat normativa a qué hè referència er apartat 2, includís era participacion ena fixacion deth tipe impositiu, es exempcions, es reduccions e es bonificacions sus era basa impausabla e es deduccions sus era quòta.

4. Corresponen ara Generalitat era gestion, era recaptacion, era liquidacion e era inspeccion des tributs estataus cedits totaument, e tanben aquestes foncions, ena mesura en qué s'atribuisquen, respècte as cedits parciaument, cossent damb çò qu'establís era article 204.

5. Era Generalitat a competència entà establir, mejançant ua lei deth Parlament, es sòns tributs pròpris, sus es quaus a capacitat normativa.

6. Er exercici dera capacitat normativa en encastre tributari, per part dera Generalitat, se base enes principis d'equitat e d'eficiència. Ena sua actuacion tributària, era Generalitat promò era coesion e eth benèster sociaus, eth progrès economic e era sostenibilitat mieiambientau.



PARLAMENT DE CATALUNYA

ARTICLE 204. ERA AGÉNCIA TRIBUTÀRIA DE CATALONHA

1. Era gestion, era recaptacion, era liquidacion e era inspeccion de toti es tributs pròpris dera Generalitat de Catalonha, e tanben, per delegacion der Estat, des tributs estataus cedits totaument ara Generalitat, corresponen ara Agéncia Tributària de Catalonha.

2. Era gestion, era recaptacion, era liquidacion e era inspeccion des auti impòsti der Estat recaptadi en Catalonha corresponen ara Administracion tributària der Estat, sense perjudici dera delegacion qu'era Generalitat ne pogue reccéber ne dera collaboracion que se pogue establir especiaument quan ac exigisque era natura deth tribut.

Entà desplegar çò que determine eth paragraf anterior, s'a de constituïr, en tèrme de dus ans, un consòrci, o un ens equivalent, damb participacion paritària dera Agéncia Estatau d'Administracion Tributària e dera Agéncia Tributària de Catalonha. Eth Consòrci se pòt transformar ena Administracion tributària en Catalonha.

3. Es dues administracions tributàries an d'establir es mecanismes de besonh entà perméter era presentacion e era recepcion enes oficines respectives des declaracions e era rèsta de documentacion damb transcendéncia tributària qu'agen de produir efèctes dauant era auta administracion, damb vista a facilitar eth compliment des obligacions tributàries des contribuents.

Era Generalitat participe, ena forma que se determine, enes ens o organismes tributaris der Estat responsables dera gestion, era recaptacion, era liquidacion e era inspeccion des tributs estataus cedits parciaument.

4. Era Agéncia Tributària de Catalonha s'a de crear per lei deth Parlament e dispause de plea capacitat e atribucions entara organizacion e er exercici des foncions a qué hè referéncia er apartat 1.

5. Era Agéncia Tributària de Catalonha pòt exercir per delegacion des municipis es foncions de gestion tributària en çò que hè as tributs locaux.



PARLAMENT DE CATALUNYA

ARTICLE 205. ORGANS ECONOMICOADMINISTRATIUS

Era Generalitat a d'assumir, per miei des sòns pròpris organs economico-administratius, era revision pera via administrativa des reclamacions qu'es contribuables poguen interpausar contra es actes de gestion tributària dictats pera Agència Tributària de Catalonha.

Tot açò, sense perjudici des competéncies qu'en matèria d'unificacion de criteri corresponen ara Administracion Generau der Estat.

Ad aguesti efèctes, era Generalitat e era Administracion Generau der Estat pòden tanben acordar es mecanismes de cooperacion que siguen de besonh entar exercici adequat des foncions de revision pera via economicoadministrativa.

ARTICLE 206. PARTICIPACION EN RENDIMENT DES TRIBUTS ESTATAUS E MECANISMES D'ANIVELAMENT E DE SOLIDARITAT

1. Eth nivèu de recorsi financièrs de qué dispause era Generalitat entà financiar es sòns servicis e es sues competéncies s'a de basar en criteris de besonh de despena e a d'auer en compde era sua capacitat fiscau, entre d'auti criteris. Ad aguesti efèctes, es recorsi dera Generalitat son, entre d'auti, es que deriven des sòns ingrèssi tributaris, ajustadi ara alça o ara baisha en foncion dera sua participacion enes mecanismes d'anivelament e de solidaritat.

2. Era Generalitat participe en rendiment des tributs estataus cedits. Eth percentatge de participacion s'establís en tot auer en compde es sòns servicis e es sues competéncies.

3. Es recorsi financièrs de qué dispause era Generalitat se pòden ajustar tà qu'eth sistèma estatau de finançament dispause de recorsi sufisents entà garantir er anivelament e era solidaritat enes autes comunitats autonòmes, entà pr'amor de qu'es servicis d'educacion, de sanitat e d'auti servicis sociaus essenciaus der estat deth benèster prestadi pes diferenti govèrns autonòmics poguen assolir nivèus similars ath conjunt der Estat, tostemp que pòrten a tèrme un esfòrç fiscau tanben similar. Dera



PARLAMENT DE CATALUNYA

madeisha manèra, era Generalitat recep recorsi, se cau, des mecanismes d'anivelament e de solidaritat. Es nivèus nomentadi son fixadi per Estat.

4. Era determinacion des mecanismes d'anivelament e de solidaritat s'a de hèr cossent damb eth principi de transparéncia, e se n'a d'avalorar eth resultat quinquenaument.

5. Er Estat a da garantir qu'era aplicacion des mecanismes d'anivelament non altèr en cap de cas era posicion de Catalonha ena ordenacion de rendes per capitat entre es comunitats autonòmes abantes der anivelament.

6. S'a de tier en compde, coma variabla basica entà determinar es besonhs de despena a qué hè referéncia er apartat 1, era poblacion, rectificada pes còsti diferenciaus e per variables demografiques, en particular per un factor de correccion establìt en foncion deth percentatge de poblacion immigranta. Tanben, s'an d'auer en compde era densitat de poblacion, era dimension des nuclèus urbans e era poblacion en situacion d'exclusion social.

ARTICLE 207. ETH TRACTAMENT FISCAU

Era Generalitat gaudís deth tractament fiscau qu'es leis establissen entar Estat enes impòsti estataus.

ARTICLE 208. ACTUALIZACION DETH FINANÇAMENT

1. Er Estat e era Generalitat an d'actualizar quinquenaument eth sistèma de finançament, en tot auer en compde era evolucion deth conjunt de recorsi publics disponibles e era des besonhs de despena des diuèrses administracions.

Aguesta actualizacion s'a d'amiar sense prejudici deth seguiment e, eventuaument, era metuda ath dia des variables basiques emplegadas entara determinacion des recorsi proporcionats peth sistèma de finançament.

2. Era actualizacion a qué hè referéncia er apartat 1 a d'èster aprovada pera Comisión Mixta d'Ahèrs Economics e Fiscaus Estat – Generalitat.



PARLAMENT DE CATALUNYA

ARTICLE 209. LEIAUTAT INSTITUCIONAU

1. Cossent damb eth principi de leiautat institucionau, s'a d'avalorar er impacte financierà, positiu o negatiu, qu'es disposicions generaus aprovades per Estat agen sus era Generalitat o es aprovades pera Generalitat agen sus er Estat, en un periòde de temps determinat, en forma d'ua variacion des besonhs de despena o dera capacitat fiscal, entà pr'amor d'establir es mecanismes d'ajustament de besonh.

2. Es dues administracions s'an de facilitar mutuament er accés ara informacion estadistica e de gestion que sigue de besonh entà exercir mielhor es competéncias respectives, en un encastre de cooperacion e transparéncia.

ARTICLE 210. ERA COMISSION MIXTA D'AHÈRS ECONOMICS E FISCAUS ESTAT – GENERALITAT

1. Era Comission Mixta d'Ahèrs Economics e Fiscaus Estat – Generalitat ei er organ bilaterau de relacion enter era Administracion der Estat e era Generalitat en encastre deth finançament autonomic. Li corresponen era concrecion, era aplicaciòn, era actualizacion e eth seguiment deth sistèma de finançament, e tanben era canalizacion deth conjunt de relacions fiscaus e financièras dera Generalitat e er Estat. Ei integrada per un nombre parièr de representants der Estat e dera Generalitat. Era presidéncia d'aguesta Comission Mixta ei exercida de manèra rotatòria enter es dues parts en torns d'un an.

Era Comission adòpte eth sòn reglament intèrn e de foncionament per acòrd enter es dues delegacions. Era Comission Mixta d'Ahèrs Economics e Fiscaus Estat – Generalitat exercís es sues foncions sense perjudici des acòrds soscrits peth Govern de Catalonha en aguesta matèria en institucions e organismes de caractèr multilaterau.

2. Correspon ara Comission Mixta d'Ahèrs Economics e Fiscaus Estat – Generalitat:

a) Acordar era artenhuda e es condicions dera cession de tributs de titularitat estatau e, especiaument, es percentatges de participacion en rendiment des tributs estatau cedits parciaument a qué hè referéncia er article 206, e tanben hèn-ne era revision quinquenau.



PARLAMENT DE CATALUNYA

b) Acordar era contribucion ara solidaritat e as mecanismes d'anivelament a qué hè referència er article 206.

c) Establir es mecanismes de colaboracion enter era Administracion tributària de Catalonha e era Administracion Tributària der Estat as quaus hè referència er article 204, e tanben es critàris de coordinacion e d'armonizacion fiscau cossent damb es caracteristiques o era natura des tributs ceditis.

d) Negociar eth percentatge de participacion de Catalonha ena distribucion territoriau des hons estructuraus europèus.

e) Aplicar es mecanismes d'actualizacion qu'establís er article 208.

f) Acordar era avaloracion des traspassi de servicis der Estat ara Generalitat.

g) Establir es mecanismes de colaboracion entre era Generalitat e era Administracion der Estat que siguen de besonh entar exercici apropiat des foncions de revision pera via economicoadministrativa a qué hè referència er article 205.

h) Acordar es mecanismes de colaboracion entre era Generalitat e era Administracion Generau der Estat entar exercici des foncions en matèria cadastrau a qué hè referència er article 221.

3. Cossent damb çò qu'establís er article 209, era Comission Mixta d'Ahèrs Economic e Fiscaus Estat – Generalitat a de proposar es mesures de cooperacion de besonh entà garantir er equilibri deth sistèma de finaçament qu'establís aquest títol quan pogue èster alterat per decisions legislatives estataus o dera Union Europèa.

4. Era part catalana dera Comission Mixta d'Ahèrs Economic e Fiscaus Estat – Generalitat ret compdes ath Parlament sus eth compliment des precèptes d'aquest capítol.



PARLAMENT DE CATALUNYA

CAPÍTOL II. ETH PRESSUPÒST DERA GENERALITAT

ARTICLE 211. COMPETÉNCIES DERA GENERALITAT

Era Generalitat a competència exclusiva entà ordenar e regular es sues finances.

ARTICLE 212. ETH PRESSUPÒST DERA GENERALITAT

Eth pressupòst dera Generalitat a caractèr anuau, ei unic e includís totes es despenes e toti es ingressi dera Generalitat, e tanben es des organismes, es institucions e es empreses que ne depenen. Correspon ath Govern d'elaborar e executar eth pressupòst, e ath Parlament, d'examinar-lo, esmendar-lo, aprovar-lo e controthlar-lo. Era lei de pressupòsti non pòt crear tributs, mès pòt modificar-ne s'ua lei tributària substantiva atau ac establís.

ARTICLE 213. RECORRS AR ENDEUTAMENT

1. Era Generalitat pòt recórrer ar endeutament e eméter deute public entà finançar despenes d'inversion laguens des limits qu'era madeisha Generalitat determine e en tot respectar es principis generaus e era normativa estatau.
2. Es títols emetuts an a toti es efèctes era consideracion de hons publics e gaudissen des madeishi beneficis e condicions qu'es qu'emet er Estat.

ARTICLE 214. ESTABILITAT PRESSUPOSTÀRIA

Correspon ara Generalitat er establiment des limits e es condicions entà assolir es objectius d'estabilitat pressupostària laguens es principis e era normativa der Estat e dera Union Europèa.

ARTICLE 215. ETH PATRIMÒNI DERA GENERALITAT

1. Eth patrimòni dera Generalitat ei integrat pes bens e es drets des quaus ei titulara e pes qu'adquirisque per quinsevolh títol juridic.



PARLAMENT DE CATALUNYA

2. Ua lei deth Parlament a de regular era administracion, era defensa e era conservacion deth patrimòni dera Generalitat.

ARTICLE 216. EMPRESES PUBLIQUES

Era Generalitat pòt constituir empreses publiques entà complir es foncions que son dera sua competència, cossent damb çò qu'establiessen es leis deth Parlament.

CAPÍTOL III. ES FINANCES DES GOVÈRNS LOCAUS

ARTICLE 217. PRINCIPIS RECTORS

Es finances locals se regissen pes principis de suficiència de recorsi, equitat, autonomia e responsabilitat fiscau. Era Generalitat velhe peth compliment d'aguesti principis.

ARTICLE 218. AUTONOMIA E COMPETÈNCIES FINANCIÈRES

1. Es govèrns locals an autonomia pressupostària e de despena ena aplicacion des sòns recorsi, en tot includir-i es participacions que perceben a cargue des pressupòsti de d'aves administracions publiques, des quaus pòden dispausar liurament en exercici des sues competències.

2. Era Generalitat a competència, en encastre establít pera Constitucion e pera normativa der Estat, en matèria de finançament locau. Aguesta competència pòt includir era capacitat legislativa entà establir e regular es tributs pròpris des govèrns locals e includís era capacitat entà fixar es critèris de distribucion des participacions a cargue deth pressupòst dera Generalitat.

3. Es govèrns locals an capacitat entà regular es sues pròpies finances en encastre des leis. Aguesta capacitat includís era potestat de fixar era quòta o era sòrta des tributs locals, e tanben es bonificacions e es exempcions, laguens des limits qu'establiessen es leis.



PARLAMENT DE CATALUNYA

4. Correspon als govèrns locals, en encastre qu'establís era normativa reguladora deth sistèma tributari locau, era competència entà gestionar, recaptar e inspeccionar es sòns tributs, sense perjudici que la poguen delegar ara Generalitat e que poguen participar ena Agència Tributària de Catalonha.

5. Correspon ara Generalitat er exercici dera tutèla financiera sus es govèrns locals, en tot respectar era autonomia que les reconeish era Constitucion.

ARTICLE 219. SUFICIÈNCIA DE RECORSI

1. Era Generalitat a d'establir un hons de cooperacion locau destinat als govèrns locals. Eth hons, de caràcter incondicionat, s'a de dotar a partir de toti es ingressi tributaris dera Generalitat e s'a de regular mejançant ua lei deth Parlament.

Addicionament, era Generalitat pòt establir programes de collaboracion financiera especifica entà matèries concretes.

2. Es ingressi des govèrns locals consistents en participacions en tributs e en subvencions incondicionades estataus son percebuts mejançant era Generalitat, que les a de distribuir cossent damb çò que dispause era lei de finances locals de Catalonha, era aprobacion dera quau requerís ua majoria de tres cincaus parts, e repectant es critèris que fixe era legislacion der Estat en aquesta matèria. En cas des subvencions incondicionades, aquesti critèris an de perméter qu'eth Parlament pogue incidir ena distribucion des recorsi damb er objectiu d'atier era singularitat deth sistèma institucionau de Catalonha a qué hè referència er article 5 d'aguest Estatut.

3. Se garantissen als govèrns locals es recorsi suficients entà hèr front ara prestacion des servicis era titularitat o era gestion des quaus se les traspasse o se les delègue. Tota naua atribucion de competències a d'anar acompanhada dera assignacion des recorsi suplementaris de besonh entà financiar-les corrèctament, de manèra que s'age en compde eth finançament deth còst totau e efectiu des servicis traspassadi. Eth compliment d'aguest principi ei ua condicion de besonh entà qu'entre en vigor era transferència o era delegacion dera competència. Ad aquest efecte, se pòden establir diuèrses formes de finançament, en tot includir-i era participacion enes recorsi des finances dera Generalitat o, se cau, der Estat.



PARLAMENT DE CATALUNYA

4. Era distribucion de recorsi procedents de subvencions incondicionades o de participacions generiques en impòsti s'a d'amiar a tèrme en tot tier en compde era capacitat fiscau e es besonhs de despenes des govèrns locaux e garantint-ne en tot cas era suficiència.

5. Era distribucion des recorsi enter es govèrns locals non pòt comportar en cap cas ua minoracion des recorsi obtenguts per cadun d'aguesti, segontes es critèris utilizats en exercici anterior ara entrada en vigor des precèptes d'aguest Estatut.

ARTICLE 220. LEI DE FINANCES LOCAUS

1. Eth Parlament a d'aprovar era sua pròpria lei de finances locals entà desplegar es principis e es disposicions qu'establís aguest capitol.

2. Es facultats en matèria de finances locals qu'aguest capitol atribuís ara Generalitat s'an d'exercir damb respècte ara autonomia locau e escotat eth Conselh de Govèrns Locaus, qu'establís er article 85.

ARTICLE 221. ETH CADASTRE

Era Administracion Generau der Estat e era Generalitat an d'establir es vies de collaboracion de besonh entà assegurar era participacion dera Generalitat enes decisions e er escambi d'informacion que calguen entar exercici des sues competències.

Tanben, s'an d'establir formes de gestion consorciada deth cadastre entre er Estat, era Generalitat e es municipis, cossent damb çò que dispause era normativa der Estat e de manèra que garantisquen era plea disponibilitat des bases de dades entà totes es administracions e era unitat dera informacion.



PARLAMENT DE CATALUNYA

TÍTOL VII. DERA REFORMA DER ESTATUT

ARTICLE 222. ERA REFORMA DES TÍTOLS QUE NON AFÈCTEN AS RELACIONS DAMB ER ESTAT

1. Era reforma des títols I e II der Estatut s'a d'ajustar as procediments següents:

a) Era iniciativa dera reforma correspon ath Parlament de Catalonha, a prepausa d'ua cincau part des sòns deputats, e ath Govèrn dera Generalitat. Es ajuntaments de Catalonha pòden prepausar ath Parlament er exercici dera iniciativa de reforma s'atau ac demanen un minin deth 20% des plens municipaus, que representen un minim deth 20% dera poblacion.

Tanben pòden prepausar-la 300.000 signatures acreditades des ciutadans de Catalonha damb dret a vòt.

Eth Parlament a de regular aguesti dus procediments entà prepausar er exercici dera iniciativa dera reforma.

b) Era aprobacion dera reforma requerís eth vòt favorable des dues tresaus parts des membres deth Parlament, era remission e era consulta as Corts Generaus, era ratificacion des Corts mejançant ua lei organica e eth referendum positiu des electors de Catalonha.

c) S'en tèrme de trenta dies a partir dera recepcion dera consulta establida pera letra *b* es Corts Generaus se declaren afectades pera reforma, aguesta a de seguir eth procediment establít per article 223.

d) Un còp ratificada era reforma pes Corts Generaus, era Generalitat l'a de sométer a referendum.

2. S'era prepausa de reforma non ei aprovada peth Parlament o peth còs electorau, non pòt èster sometuda nauament ath debat e ara votacion deth Parlament enquia qu'age passat un an.



PARLAMENT DE CATALUNYA

ARTICLE 223. ERA REFORMA DES AUTI TÍTOLS

1. Era reforma des títols der Estatut non includits en article 222 s'a d'ajustar ath procediment següent:

a) Era iniciativa de reforma correspon ath Parlament, ath Govèrn dera Generalitat e as Corts Generaus. Es ajuntaments e es titulars deth dret de vòt ath Parlament pòden prepausar ath Parlament qu'exercisque era iniciativa de reforma enes tèrmes establits per article 222.1.a.

b) Era aprobacion dera reforma requerís eth vòt favorable des dues tresaus parts des membres deth Parlament, era aprobacion des Corts Generaus mejançant ua lei organica e, finaument, eth referendum positiu des electors.

c) Un còp aprovada era prepausa de reforma der Estatut, eth Parlament l'a de traméter tath Congrès des Deputats.

d) Era prepausa de reforma pòt èster sometuda a un vòt de ratificacion deth Congrès e deth Senat cossent damb eth procediment qu'establissen es reglaments parlamentaris respectius. Eth Parlament a de nomenar ua delegacion entà presentar era prepausa de reforma der Estatut dauant eth Congrès e eth Senat. S'es Corts Generaus ratifiquen era prepausa de reforma der Estatut, se considèra aprovada era lei organica corresponenta.

e) Se non s'aplique eth procediment establith pera letra *d*, s'a de constituïr ua comission mixta paritària, formada per membres dera comission competentada deth Congrès des Deputats e ua delegacion deth Parlament damb representacion proporcionau des grops parlamentaris, pr'amor de formular de comun acòrd, e peth procediment qu'establís eth Reglament deth Congrès des Deputats, ua prepausa conjunta en tèrme de dus mesi.

f) Era tramitacion dera prepausa de reforma der Estatut ath Senat a de seguir un procediment analòg ar establith pera letra *e* enes tèrmes deth Reglament deth Senat. En aguest cas, era delegacion deth Parlament, damb es adaptacions corresponentes, a de constituïr, conjuntament damb membres dera comission competentada deth Senat, ua comission mixta paritària pr'amor de formular de comun acòrd ua prepausa conjunta.



PARLAMENT DE CATALUNYA

g) S'era comission mixta paritària non arribe a formular ua prepausa conjunta, era prepausa de reforma der Estatut s'a de tramitar cossent damb eth procediment ordinari establhit pes respectius reglaments parlamentaris.

h) Eth Parlament, pera majoria absoluta des sòns membres, pòt retirar es prepauses de reforma qu'age aprovat en quinsevolh moment dera tramitacion as Corts Generaus abans que siguen aprovades de manèra definitiva. Era retirada dera prepausa de reforma non compòrte en cap cas era aplicacion de çò qu'establís er apartat 2.

i) Era aprobacion dera reforma pes Corts Generaus mejançant ua lei organica a d'includir era autorizaciòn der Estat tà qu'era Generalitat convòque en tèrme maxim de sies mesi eth referendum a qué hè referència era letra *b*.

2. S'era prepausa de reforma non ei aprovada peth Parlament, pes Corts Generaus o peth còs electorau, non pòt èster sometuda nauament ath debat e era votacion deth Parlament enquia qu'age passat un an.

DISPOSICION ADDICIONAU PRUMÈRA. DESIGNACION DE SENADORS

1. Correspon ath Parlament de designar as senadors que representen ara Generalitat en Senat, enes tèrmes qu'establís ua lei aprovada pera majoria absoluta deth Plen deth Parlament en ua votacion finau sus eth conjunt deth tèxte. Era designacion s'a de hèr damb ua convocatòria especifica e en proporcion ath nombre de deputats de cada grop parlamentari.

2. Eth Parlament, mejançant ua lei aprovada en ua votacion finau sus eth conjunt deth tèxte per majoria absoluta, a d'adequar es normes relatives ara eleccion des senadors ara reforma constitucionau deth Senat, en aquerò que i correspongue.

DISPOSICION ADDICIONAU DUSAU. ACÒRDS DAMB ETH GOVÈRN DER ESTAT

S'er Estatut establís qu'era posicion deth Govèrn dera Generalitat ei determinanta entà conformar un acòrd damb eth Govèrn der Estat e aguest non l'acuelh, eth Govèrn der Estat ac a de motiar dauant era Comission Bilaterau Generalitat – Estat.



PARLAMENT DE CATALUNYA

DISPOSICION ADDICIONAU TRESAU. INVERSIONS EN INFRAESTRUCTURES

1. Era inversion der Estat en Catalonha en infraestructures, excludit eth Hons de compensacion interterritoriau, s'a d'equiparar ara participacion relativa deth producte interior brut de Catalonha damb relacion ath producte interior brut der Estat per un període de sèt ans. Aquestes inversions pòden emplegar-se tanben entath liberament de peatges o era construccion d'autovies alternatives.
2. Ad aquest fin, s'a de constituir ua comission integrada pes administracions estatau, autonmica e locau.

DISPOSICION ADDICIONAU QUATAU. CAPACITAT DE FINANÇAMENT

1. Era Comission Mixta d'Ahèrs Economicos e Fiscaus Estat – Generalitat a d'elaborar es informes de besonh entà avalorar eth compliment de çò que dispause er article 201.4.
2. Es mecanismes qu'eventuaument s'agen d'establir entà acomplir çò que dispause er article 201.4 se pòden aplicar graduaument enquia arténher er objectiu.

DISPOSICION ADDICIONAU CINCAU. REVISION DETH REGIM ESPECIALU DER ARAN

A compdar dera entrada en vigor d'aquest Estatut, en tèrme de quate ans s'a de revisar e modificar eth regim especiau d'Aran entà adaptar-lo, en çò que calgue, a çò qu'establís aquest Estatut.

DISPOSICION ADDICIONAU SIESAU. ADMINISTRACION ORDINÀRIA

Era Generalitat serà Administracion ordinària der Estat en Catalonha ena mesura que li siguen transferides, mejançant es esturments que corresponguen, es funcions executives que complís era Administracion der Estat per miei des sòns organs territoriaus en Catalonha.



PARLAMENT DE CATALUNYA

DISPOSICION ADDICIONAU SETAU. RELACION DE TRIBUTS CEDITS

Ar efècte de çò qu'establís er article 203.2, en moment dera entrada en vigor d'aguest Estatut an era consideracion de:

a) Tributs estataus cedits totaument:

- Impòst sus successions e donacions.
- Impòst sus eth patrimòni.
- Impòst sus transmissions patrimoniaus e actes juridics documentats.
- Tributs sus jòcs d'edart.
- Impòst sus es vendes ath detalh de determinadi hidrocarburs.
- Impòst sus determinadi mieis de transpòrt.
- Impòst sus era electricitat.

b) Tributs estataus cedits parciaument:

- Impòst sus era renda des persones fisiques.
- Impòst sus eth valor hijut.
- Impòst sus hidrocarburs.
- Impòst sus es labors deth tabac.
- Impòst sus er alcohol e begudes derivades.
- Impòst sus era cervesa.
- Impòst sus eth vin e begudes fermentades.
- Impòst sus es productes intermieis.

Eth contengut d'aguesta disposicion se pòt modificar per miei d'un acòrd entre eth Govern dera Generalitat e eth Govern der Estat, eth quau a de tramitar coma projècte de lei. Ad aguest efècte, era modificacion d'aguesta disposicion non se considèra coma modificacion der Estatut.

Er artenhuda e es condicions dera cession an d'èster establidi pera Comission Mixta a qué hè referéncia er article 210 que, en tot cas, l'a de referir as rendiments en Catalonha. Eth Govern a de tramitar er acòrd dera Comission coma projècte de lei.



PARLAMENT DE CATALUNYA

DISPOSICION ADDICIONAU UEITAU. CESSION DER IMPÒST SUS ERA RENDA DES PERSONES FISIQUES

Eth prumèr objècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion anteriora, un percentatge de cession der impòst sus era renda des persones fisiques deth 50%.

Se considère coma producit en territòri dera comunitat autonòma de Catalonha eth rendiment cedit der impòst sus era renda des persones fisiques que correspone as subjèctes passius que i an era sua residéncia abituau.

Igualmente, s'a de prepausar d'aumentar es competéncies normatives dera comunitat sus eth nomenat impòst.

DISPOSICION ADDICIONAU NAUUAU. CESSION DER IMPÒST SUS IDROCARBURS, DER IMPÒST SUS ES LABORS DETH TABAC, DER IMPÒST SUS ER ALCOÒL E BEGUDES DERIVADES, DER IMPÒST SUS ERA CERVESA, DER IMPÒST SUS ETH VIN E BEGUDES FERMENTADES E DER IMPÒST SUS PRODUCTES INTERMIEIS

Eth prumèr projècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion adicionau setau, un percentatge de cession deth 58% deth rendiment des impòsti següents: er impòst sus idrocarburs, er impòst sus es labors deth tabac, er impòst sus er alcoòl e begudes derivades, er impòst sus era cervesa, er impòst sus eth vin e begudes fermentades e er impòst sus productes intermieis. Era atribucion ara comunitat autonòma de Catalonha ei determinada en foncion des indèx qu'en cada cas corresponen.

DISPOSICION ADDICIONAU DETZAU. CESSION DER IMPÒST SUS ETH VALOR HIJUT

Eth prumèr projècte de lei de cession d'impòsti que s'apròve a compdar dera entrada en vigor d'aguest Estatut a de contier, en aplicacion dera disposicion adicionau setau, un percentatge de cession deth 50% deth rendiment der impòst sus eth valor hijut.

Era atribucion ara comunitat autonòma de Catalonha se determine en foncion deth consum en sòn territòri.



PARLAMENT DE CATALUNYA

DISPOSICION ADDICIONAU ONZAU. CAPACITAT NORMATIVA

En encastre des competéncies e dera normativa dera Union Europèa, era Administracion Generau der Estat a de cedir competéncies normatives sus er impòst sus eth valor hijut enes operacions amiades en fasa detalhista es destinatari des quaus non agen era condicion d'empresaris o professionaus e ena tributacion en fasa detalhista des productes gravadi pes impòsti especiaus de fabricacion.

DISPOSICION ADDICIONAU DOTZAU. UNTERPRETACION ARMONICA

Es normes dera lei organica a qué hè referéncia er article 157.3 dera Constitucion e es normes contengudes ena guest Estatut s'an d'interpretar armonicament.

DISPOSICION ADDICIONAU TRETZAU. HONS PRÒPRIS E COMUNS DAMB D'AUTI TERRITÒRIS

Es hons pròpris de Catalonha plaçadi en Archiu dera Corona d'Aragon e en Archiu Reiau de Barcelona s'intègren en sistèma d'archius de Catalonha. Entara gestion eficaça dera rèsta de hons comuns damb d'auti territòris dera Corona d'Aragon, era Generalitat a de colaborar damb eth patronat der Archiu dera Corona d'Aragon, damb es autes comunitats autonòmes que i an hons compartits e damb er Estat per miei des mecanismes qu'establisquen de mutuau acòrd.

DISPOSICION ADDICIONAU CATORZAU. JÒCS E APÒSTES

Çò que dispause er article 141.2 non ei aplicable ara modificacion des modalitats des jòcs e apòstes atribuïts, entà finalitats socials, as organizacions d'encastre estatau, de caractèr social e sense finalitat de lucre, cossent damb çò que dispause era normativa aplicabla as dites organizacions.

DISPOSICION ADDICIONAU QUINZAU. TRANSPARÈNCIA

Er Estat, en compliment deth principi de transparéncia, a de publicar era liquidacion provinciau des diuèrsi programes de despena publica en Catalonha.



PARLAMENT DE CATALUNYA

DISPOSICION TRANSITÒRIA PRUMÈRA. ADAPTACION DES LEIS E ES NORMES DAMB RENG DE LEI

1. Es leis deth Parlament e es normes damb reng de lei deth Govèrn vigentes en moment dera entrada en vigor d'aguest Estatut qu'eventuaument poguen resultar incompatibles damb es drets reconeishuts peth títol I mantien era vigència per un tèrme maxim de dus ans, en quau an d'èster adaptades ara regulacion establida per aguest Estatut.

2. Es grops parlamentaris, es membres deth Parlament, eth Govèrn e eth Sindic de Grèuges, en tèrme establìt per apartat 1, pòden sollicitar dictamen ath Conselh de Garanties Estatutàries, enes tèrmes establits per lei, sus era compatibilitat damb er Estatut des leis deth Parlament o des normes damb reng de lei dictades peth Govèrn abans dera entrada en vigor d'aguest. Eth dictamen non a valor vinculant e pòt hèr recomanacions ath Parlament o ath Govèrn entà modificar o derogar es normes que considèrè incompatibles.

DISPOSICION TRANSITÒRIA DUSAU. VIGÈNCIA DE DISPOSICIONS TRANSITÒRIES ANTERIORES

Es disposicions transitòries tresau, quatau e siesau dera Lei organica 4/1979, deth 18 de deseme, d'Estatut d'autonomia de Catalonha, mantien, en çò que correspon, era vigència coma regulacion transitòria.

DISPOSICION DEROGATÒRIA

Se derògue era Lei organica 4/1979, deth 18 de deseme, d'Estatut d'autonomia de Catalonha.

DISPOSICION FINAU PRUMÈRA. APLICACION DES PRECÈPTES DETH TÍTOL VI

1. Era Comission Mixta d'Ahèrs Economicos e Fiscaus Estat – Generalitat a de concretar, en tèrme de dus ans a compdar dera entrada en vigor d'aguest Estatut, era aplicacion des precèptes deth títol VI.



PARLAMENT DE CATALUNYA

2. Es precèptes deth títol VI se pòden aplicar de manèra graduau en tot atier ara sua viabilitat financièra. En tot cas, aguesta aplicacion a d'èster pleament efectiva en tèrme de cinc ans a compdar dera entrada en vigor d'aguest Estatut.

DISPOSICION FINAU DUSAU. ERA AGÉNCIA TRIBUTÀRIA DE CATALONHA

Era Agéncia Tributària de Catalonha, a qué hèr eferéncia er article 204, s'a de crear per lei deth Parlament, en tèrme d'un an a compdar dera entrada en vigor d'aguest Estatut.

Es foncions qu'en aplicacion d'aguest Estatut corresponen ara Agéncia Tributària de Catalonha an d'èster exercides, enquia qu'aguesta se constituísque, pes organs que les acomplien enquia alavetz.

DISPOSICION FINAU TRESAU. TÈRME DE CREACION DERA COMISSION MIXTA D'AFÈRS ECONOMICS E FISCAUS ESTAT_GENERALITAT

Era Comission Mixta d'Ahèrs Economics e Fiscaus Estat – Generalitat, qu'establís er article 210, s'a de crear en tèrme de sies mesi a compdar dera entrada en vigor d'aguest Estatut. Mentre non se constituísque, era Comission Mixta d'Avaloracions Estat – Generalitat n'assumís es competéncies. Era constitucion dera Comission Mixta d'Ahèrs Economics e Fiscaus Estat – Generalitat compòrte era extincion immediata dera Comission Mixta d'Avaloracions Estat – Generalitat.

DISPOSICION FINAU QUATAU RELACION D'ENTITATS ECONOMIQUES E FINANCIÈRES

Era Comission Mixta d'Ahèrs Economics e Fiscaus Estat – Generalitat, en tèrme de sies mesi a compdar dera entrada en vigor d'aguest Estatut, a de determinar era relacion des entitats a qué hè referéncia er article 182.